

ରମିୟ ମଣ୍ଡଳୀ ନିକଟରେ ପ୍ରେରିତ ପାଉଲଙ୍କ ପତ୍ର ରମିୟ ମଣ୍ଡଳି ତାଙ୍କେ କୁକ୍ୟାତି ପାଉଲ୍‌ତି ଆକି ରମିୟ ମଣ୍ଡଳି ବିଷ୍ଣେ ପାଦେକ୍

ରମିୟ ପତି ଆସ୍ତି ମାନଗାନାତ୍ ପକ୍ୟାତାକାନ୍ତି ପାଉଲ୍‌ତି ହୁଦାଂ ୫୪ ତାଂ ୫୮ ବିତ୍ରେ ଜିସୁକ୍ରିସ୍ତତି ଜଲମ୍ ପାତେ ଲେକା ଆଜି ମାଗାତ୍ । ପାଉଲ୍ ରମ୍ତ ହାନି ଆଗେତାଂ ରି ଜିହୁଦି ଆରି ପାତ୍ ହିଲ୍‌କ୍ରି ଜିହୁଦି କ୍ରିସ୍ଟିୟାନ୍‌ରିଂ ବଲ୍ ହିଦେଂ ଇ ଆକି ଲେକିକିଜି ମାଗାନ୍ । ଷ୍ଟ୍ରୁ ଜାତି ଇନେସ୍ ଜିସୁ କ୍ରିସ୍ତତିଂ ପାତ୍ ଆରି ମାନି କିତାର୍ ୧୭:୨୭ ଇଦାଂ କାଜିଂ ହେୱାନ୍ କରନ୍ତି ଗାଡ୍‌ଦ ମାନି ୱେଡାଲିଂ ରମିୟ କ୍ରିସ୍ଟିୟାନ୍‌ରିଂ ବଲ୍ ହିନି କାଜିଂ ଇ ଆକି ଲେକିକିଜି ମାଗାନ୍ ।

ଜାଣକେ ବାହାତ ଜାଣକେ ୱେଡାଲିଂ କ୍ରିସ୍ଟିୟାନାତ୍ କାଜିଂ ରମିୟ ପତି ରଞ୍ଜାଙ୍ଗ୍ ବେସିଗାଜା ପତି, ଇନେକିଦେଂକି ଆସେଙ୍ଗ୍ ଇନେସ୍ ଜିସୁ କ୍ରିସ୍ତତି ହୁଦାଂ ମୁକ୍ତି ପାୟାଦେଂ ଆଡ୍‌ନାସ୍ ପାଉଲ୍ ବୁଲ୍‌କିୱାଦାଂ ଆରି ନିର୍ମାଲ୍ ବାବ୍ରେ ବୁଜାୟ୍ ହିନାନା । ପାଉଲ୍ ପ୍ଲୁନି ନିୟମ୍‌ତିଂ ପା ଜିସୁକ୍ରିସ୍ତତି ନେକ୍ରିକାବୁର୍ ଲାହାଂ ମିହାୟ୍ କିନାନ୍ । ପତିନି ୧:୧୭ ପାଦ୍ ଅଜି ବେସି ପଣ୍ଡିତ୍‌କୁର୍ ଜିକାଟାଣା କିଜି ଇନାର୍ ଜେ, ଇଦାଂ ବେସିଗାଜା କିଜି । ଇନାକା ଇବେ ଇନ୍ୟାନାତ୍, “ଆନ୍ ନେକ୍ରିକାବୁର୍ କାଜିଂ ଲାଜା ଆଉଙ୍ଗ୍ ଇନେକିଦେଂକି ଇମ୍‌ଣାକାର୍ ପାତ୍ କିତାର୍ ଜାଣକେତି କାଜିଂ ଇଦାଂ ଇସ୍‌ରତି ସାକ୍ତିକାଟାକା । ପ୍ରତୁମ୍ ଜିହୁଦି ପାତେ ପାତ୍ କିଞ୍ଚି ଜିହୁଦିର୍ କାଜିଂ ପା ।” ପ୍ରତୁମ୍ ବାଗ୍‌ତ ୧:୧୨ ତେଙ୍ଗା ଇସ୍‌ରତି ବଚନ୍ ଆରି ରିବାଗ୍ ୧୩-୧୫ କ୍ରିସ୍ଟିୟାନ୍ ଜିବୁନ୍‌ନି ବେସି ବେବାର୍‌କିନି ବଲ୍ ଆନାତ୍ ।

ପତି ବିଷ୍ଣେନି ଗାହାଣ

- ୧. ପାଉଲ୍‌ଦିକ୍‌ୟା ଆଡିସ୍ ଜାର୍‌ତିଂ ଜାଣା କିଜି, ଇନେରିଂ ଆକି ଲେକିକିନାନା ହେଦାଂ ଇଞ୍ଜି ଆକି ଆରମ୍ କିନାନ । ୧:୧-୧୫
- ୨. ନାର୍ ଜାଡିନି ରାଜି ଆରି ଜିସୁକ୍ରିସ୍‌ତି ହୁକେ ମୁକ୍ତି ଆନାଡ୍ । ୧:୧୬-୧୧:୩୭
- ୩. କ୍ରିସ୍ଟୁୟାନ୍ ଜିବୁନ୍ ଜିପ୍‌କା କାଜିଂ ଆଦେକ୍ ବେବାର୍ ବଲ୍ । ୧୨:୧-୧୫; ୧୩
- ୪. ହେଝାନ୍ ରମିୟ ଲଗୁରିଂ ବେସି ବାନ୍ଦାୟ୍ ଜାଣାୟ୍ ଲେକା ଝିହ୍‌ନାନ୍ । ୧୬

ପାଉଲ୍‌ତି ବନ୍ଦାଣି

^୧ ପାଉଲ୍, କ୍ରିସ୍ଟୁ ଜିସୁତି ଆଡିଏନ୍ ଆରି କୁକ୍ୟାତି ରଝାନ୍ ପକ୍ୟାତାକାନ୍, ଆରେ ଇସ୍‌ବର୍ ଜାର୍ ମାଜି ମା ମାପୁ କ୍ରିସ୍‌ତି ବିସ୍ତେ ଜାର୍ ଇମ୍‌ଣି ନେକ୍ରିକାବୁର୍ ଦରମ୍ ସାସ୍‌ବର୍ତ୍ତ ଜାର୍ ବେଣ୍‌ବାକ୍‌ଣାୟ୍‌କିନାକାନ୍ ହୁକେ ଆଗେ ରାଣ୍ କିଜି ମାଚାନ୍, ହେ ନେକ୍ରିକାବୁର୍ କାଜିଂ ବିନେ ଆଜି ମାନି ପାଉଲ୍‌ତି ଆକି ।

^୨ ପୁଇପୁୟା ଦରମ୍ ସାସ୍‌ବର୍ ଲେକାଜି ମାନି ଇସାବ୍ରେ ଇ ନେକ୍ରିକାବୁର୍ ବିସ୍ତେ ଇସ୍‌ବର୍‌ତି ବେସି ପାନି କାଡ୍‌ତାଂ ହେଝାନ୍ତି ବେଣ୍‌ବାକ୍‌ଣାୟ୍‌କିନାକାନ୍ତି ହୁକେ ପାର୍‌ମାଣ୍ କିଜି ମାଚାନ୍ । ^୩ ହେ ଜିସୁ କ୍ରିସ୍ଟୁ ଗାଗାଡ୍ ବିସ୍ତେ ମାନାୟ୍ ଲାକେ ହେଝାନ୍ ଦାଉଦ୍‌ତି ଲାଡ୍‌, ^୪ ମାତର୍ ଦାରୁମ୍‌ନି ପୁଇପୁୟା ଜିବୁନ୍ ବିସ୍ତେ ହାତାକାର୍ ବିଡ୍ରେତାଂ ଆରେ ନିଂନାକା ହୁକେ ଇସ୍‌ବର୍ ମାଜି ମାପୁ ଜିସୁ ଇଞ୍ଜି ସାକ୍ତି ଲାହାଙ୍ ଚଞ୍ଜିୟାତାନ୍; ^୫ କ୍ରିସ୍‌ତି ଲାଗିଂ ଇସ୍‌ବର୍ ନାଙ୍ ପକ୍ୟାତି ଚେଲା ଲାକେ ବାଟି କିଜି ସବୁ ଜାଡିନି ମାନାୟାର୍ ଲାଗାଂ ପର୍‌ଚାର୍ କିଦେଙ୍ ପାବ୍ ହିତାଣ୍ଟା-ଇନେସ୍ ହେଝାର୍ କ୍ରିସ୍ଟୁ ଜିସୁତାକେ ପାଟି କିଜି ତା ବଲ୍ ମାନିକିଝାକାର୍ ଆନାର୍ । ^୬ ରମ୍‌ନି ଆଦିବାସି ! ଏପେଙ୍ ପା ଜିସୁ କ୍ରିସ୍ଟୁ ପାଚେ ହାଞ୍ଜେଙ୍ କାଜିଂ କୁକ୍ୟା ଆତାଣ୍ଟା । ^୭ ଇତିସ୍ ରମ୍‌ନି ଇନେରିଂ ଇସ୍‌ବର୍ ଝାରିକିନାନ୍ ଆରି ହେଝାନ୍ତି ଜାର୍ ଲକୁ ହେବା କିନି କାଜିଂ କୁକ୍ୟା ଆତାନ୍ନା, ହେ ଝିଜାରିଂ ଚିଟି ଲେକି କିନାଙ୍ । ମାପୁ ଜିସୁ କ୍ରିସ୍‌ତାଂ ଦୟା ଆରି ସୁସ୍ତା ସାଦୁର୍ କାଜିଂ ଆଏଡ୍ ।

ଦନ୍ୟବାଦ୍ ପାର୍ତ୍ତାନା

୮ ପର୍ତ୍ତୁମ୍ଭତ, ମି ପାତର୍ନି ନେକ୍ରିକାବୁର୍ ଜେ ସବୁ ଜଗତ୍ତ ଝେନାଆନାତା, ଇଦାଂ କାଜିଂ ଆନ୍ ମି ଝିଜାର୍ କାଜିଂ ଜିସୁ କ୍ରିସ୍ତତି ହୁଦାଂ ନା ଇସ୍ବର୍ତିଂ ଜଝାର୍ କିନାଜା । ୯ ଝିଜୁ ଝାସ୍ତିତ ଇମ୍ବିଶି ଇସ୍ବର୍ତିଂ ହେଦା କିନାଜା ଆରି ଇମ୍ବିଶି ଇସ୍ବର୍ ମାଜିତି ନେକ୍ରିକାବୁର୍ ଝେନିକିନାକା ମାନାଡ୍, ହେ ଇସ୍ବର୍ ନା ସାକି, ପାର୍ତାନା ଆନ୍ ଇନାକା ଇନାଜା ହେଦାଂ ହାଡ୍ପା, ୧୦ ପାର୍ତାନା କିନି ଝେଡାଲିଂ ଆନ୍ ନିତ୍ରେ ମିଂ ଏଡ୍ କିଦନାଜ୍ ଆରି ମି ଲାଗାଂ ଝାନି କାଜିଂ ନାଂ ପାବ୍ ଗାଟାଦେଂ ଇସ୍ବର୍ତିଂ ଗଝାରି କିଜି ଝାନାଜା । ୧୧ ଲାଗିଂ ଏପେଜ୍ ଇନେସ୍ ତିର୍ ଆଜି ମାନାଦେର୍, ହେଦାଂ କାଜିଂ ଆନ୍ ମିଜେଜ୍ ଇମ୍ବିଶି ଆମିକ୍ ଦାନ୍ ହିଦନି କାଜିଂ ମି ଲାହାଂ ଚଝୟା ଆଦେଂ ବେସି ଇଚା କିନାଜା, ୧୨ ଆଝିତିସ୍ ଇନେସ୍ ମିଦାଂ ଆରି ନାଦାଂ, ରିୟାର୍ ପାକ୍ୟାତ ପାତର୍ ହୁକେ ଆନ୍ ମି ବିତ୍ରେତାଂ ମି ଲାହାଂ ଝାରି ପାୟାନାଜ୍ ।

୧୩ ☆ଏ ଟଣ୍ଡାର୍ ଆରେ ତଣ୍ଡେକ୍, ବାକି ପାତର୍ କିଝି ଜିହୁଦିର୍ ବିତ୍ରେ ଇନେସ୍, ମି ବିତ୍ରେ ପା ହେବାନି ଆନ୍ ଇନେସ୍ ଅଲପ୍ ପାଡ୍ ପାୟାନାଜ୍, ହେଦାଂ କାଜିଂ ମି ଲାଗାଂ ହାନି କାଜିଂ ଆନ୍ ଜେ ଚାନେକ୍ ଚାନେକ୍ ମାନ୍ କିଜି ମାଟାଂ ମାତର୍ ଇ ପାତେକ୍ ବାଦା ପାୟା ଆଜି ଝାନାଜା ହେ ବିସ୍ତେ ଜେ ଏପେଜ୍ ପୁଝି ମାନାଟ୍, ଇଦାଂ ନା ଇଚା ଆକାୟ୍ । ୧୪ ଗ୍ରିକ୍ କି ବୁଦି ହିଲ୍ଝାକାର୍, ପଡ୍ଡିକିତାକାର୍ କି ପଡ୍ଡିକିଝାତାକାର୍ ଝିଜାର୍ ଲାଗାଂ ଆନ୍ ରିଶ୍ । ୧୫ ଲାଗିଂ ରମିନିକାର୍ ଜେ ଏପେଜ୍, ମି ଲାଗାଂ ପା ନେକ୍ରିକାବୁର୍ ସୁଣାୟ୍ କିଦେଜ୍ ଆନ୍ମାନ୍ କିତାଂନା ।

ନେକ୍ରିକାବୁର୍ନି ସାକ୍ତି

୧୬ ଇନେକିଦେଂକି ଆନ୍ ନେକ୍ରିକାବୁର୍ ବିସ୍ତେ ଲାଜୁ ଆଉଜ୍, ଲାଗିଂ ହେଦାଂ ଝିଜାର୍ ପାତର୍ କିନାକାର୍ ପାକ୍ୟାତ ମୁକ୍ତା ଆନି କାଜିଂ ଇସ୍ବର୍ତିଂ ସାକ୍ତି ଆନାଡ୍, ପର୍ତ୍ତୁମ୍ ଜିହୁଦି ପା ଗ୍ରିକ୍ ପାକ୍ୟାତ । ୧୭ ହେବେ ତ ଇସ୍ବର୍ହିତି ଦାମ୍ ହନାତା, ହେଦାଂ ପାତର୍ ଆରି ପାତର୍ ଲାକେ, ଇନେସ୍ ଲେକାମାନାଡ୍, “ଦାମ୍ ପାତର୍ ହୁକେ ଜିନାନ୍ ।”

ପାପ୍ କାଜିଂ ଇସ୍ବର୍ତିଂ ରିସା

☆ ୧:୧୩ ୧:୧୩ ପକ୍ୟାତାକା ୧୯:୨୧.

୧୮ ଇନେକିଦେଂକି ଇମ୍ବଣି ମାନାୟାର ଅଦାମିତ ହାଡ଼ପାତିଂ ମୁନା କିତାର, ହେଝାରତି ଝିକୁ ପୁଇପୁୟା ଆଝାଦାଂ ଆରି ଅଦାମି ବିରୁଡ଼ତ ସାଗେତାଂ ଇସ୍ବତ ରିସା ହନାତା, ୧୯ ଲାଗିଂ ଇସ୍ବତ ବିସ୍ବେ ଇନାକା ମାନାଡ଼, ହେଦାଂ ହେଝାର ଝାସ୍ବିତ ହନାତା; ଇସ୍ବର ହେଝାରିଂ ଡାଣ୍ଟ ହିନାନ୍ । ୨୦ ଇସ୍ବର ଜଗଡ଼ତ ଉଦ୍‌ଜାଣ୍ କିନି ସମୁତାଂ, ହେଝାନ୍ତି ଡ଼କୁତି ଗୁଣ୍ ଇତିସ୍ ତା କାବା କିନି ଅବ୍ୟାସ୍ ଝିଜ୍ଝି ସାକ୍ତି ସମାନ୍ ବାବ୍ରେ ହସି ଝାନାଡ଼ ହେଦାଂ ଉଦ୍‌ଜାଣ୍ ବିସ୍ବେକାଂ ହେଦାଂ ପୁନ୍‌ଧାନାଡ଼ । ଲାଗିଂ ହେଝାର ପୁନ୍‌ଝାତାଣ୍ଟା ଇଞ୍ଜି ଆବଡ଼ ରୁଡ଼ତେଙ୍ଗ୍ ଆଡୁର୍ । ୨୧ ✨ଇନେକିଦେଂକି ହେଝାର ଇସ୍ବରତିଂ ପୁନ୍‌ଞ୍ଜି ଡାଙ୍ଗେଙ୍ଗ୍ ଇସ୍ବର ଇଞ୍ଜି ଜାଜ୍‌ମାଲ୍ କିଝାତାର କି ଦନ୍‌ଧାଦ୍ କିଝାତାର, ମାତର ଜାର ଜାର ବାନିୟା ଗାଣ୍‌ଜୁତ ମେହାତାର ଆରି ହେଝାରତି ବୁଜାଝି ମାନ୍ ମାଜଗା ଆତାଡ଼; ୨୨ ହେଝାର ନିଜ୍‌ତିଂ ଗିଆନି ଇଞ୍ଜି ମାନେ କିତାର, ମାତର ହାଡ଼ପାନେ ହେଝାର ମୁରୁକ୍ । ୨୩ ଜିରାଝି ଇସ୍ବତ ଜାଜ୍‌ମାଲ୍ ପୁଜା କିଝାଦାଂ ହେଝାର ହାତି ମାନାୟତିଂ, ଜାଡ଼, ପଟିଂ, କି ରାବ୍‌କୁକାଂ ପୁଡ଼ତାଂ ରଡ଼ଚି ହେଝାକାଂ ପୁଜା କିନାରା । ୨୪ ଲାଗିଂ ଇସ୍ବର ହେଝାରତି ମାନ୍‌ନି ଆରି ହେଝାର ଜାର ଜାଡ଼ ବାନ୍ୟାକାମାୟ ଇସାପ୍ରେ ବିଚାଡ଼ କାମାୟତ ମୁଞ୍ଚାଣ୍ଟା-ହେଝାର ଗାଗାଡ଼ ହାରି ହୁଦାଂ ଲାଜନିକା ଲାହାଙ୍ଗ୍ ଇଚ୍‌ନାର୍ । ୨୫ ଇନେକିଦେଂକି ହେଝାର ଇସ୍ବତ ସଡ଼ ପିସ୍‌ସି ମିଚ୍ ମାନିକିତାର ଆରି ମାପୁଙ୍ଗ୍ ପିସ୍‌ସି ଉଦ୍‌ଜାଣ୍ ଆତି ଜିନିସ୍‌ନି ପୁଜା ଆରି ଆସିର୍ବାଦ୍ ହେବା କିତାର; ହେଝାନ୍ ଜୁଗ୍ ଜୁଗ୍ ଦନ୍‌ଧା । ଆମେନ୍ । ୨୬ ଇ କାରଣ୍‌ତାଂ ଇସ୍ବର ହେଝାରିଂ ଲାଜୁ ପାପ୍ ଝିକୁ ହେଲାୟ କିତାନ୍, ଇନେକିଦେଂକି ହେଝାରତି କଗ୍‌ଲେକ୍ ହାର ବେବାର ପିସ୍ତ୍ର ବାନ୍ୟା ବେବାର କିତିକ୍, ୨୭ ଆଣ୍ଟାହିମ୍‌ଣାଂ ପା ମାଡ଼ିଙ୍ଗ୍ କଗ୍‌ଲେ ଲାହାଂ ସାରି ଆଝାଦାଂ ପାତି ବାନ୍ୟା କାମାୟତ ହଣାରା । ଆଣ୍ଟାଙ୍ଗ୍ ହାରି ଗିଣ୍ ବେବାର କିନାରା ଆରି ଇନାକାକି ବାନ୍ୟା କାମାୟ କାଜିଂ ଡାଣ୍ଟ ପାୟାନାରା । ୨୮ ଇ ମାନାୟାର ଇସ୍ବତ ବିସ୍ବେ ହାର ଚିନ୍ତା କିଦେଙ୍ଗ୍ ଇଚା କିଝିତିଲେ, ଇସ୍ବର ହେଝାରିଂ ପିସ୍ତାନ୍ନା ଆରି ହେଝାର ବିଚାଡ଼ମାନ୍ ଆଜି ମାନାୟମାନ୍ ବେବାର କିଉରା ।

✨ ୧:୨୧ ୧:୨୧ ଏପିସିୟ ଧ:୧୭,୧୮.

୨୯ ହେୱାର ସବୁ ବାନି ଅଦାମି, ରୁଲ୍‌ରୁଲିୟା, ବାନ୍ୟା, ଲବ୍, ଆରି ବାନ୍ୟାକାମାୟତ ବାତମି । ହେୱାର ତାରା, ନାର୍‌ମାରୁ, କୁଲିଆ, ବାଣାୟକିନାକାନ ଆରି ଜାଡ଼କୁ, ହେୱାର ଲକାତ ଗାଣ୍‌ତୁ କିନାର; ୩୦ ହେୱାର ରୁଗ୍‌ଲିୟା, ନିୟାନିକାନ, ଇସ୍‌ରତି ଗିଣ, ନାର୍‌ମାରୁ, କୁଲିୟା, ଆକ୍ରିୟା, ବାନ୍ୟାକାମାୟ କିନାକାନ, ୩୧ ଆବା ଆୟା ବଲ୍‌ମାନିକିଖାକା, ବୁଦିହିଲ୍‌କା, ନିୟମ୍‌ତ୍ରିକିନାକାନ, ସମାନ ଦୟା ଆରି ବୁଦିହିଲ୍‌କାନ ମାନାର । ୩୨ ଇମ୍‌ଶାକାର ଇ ଲାକେ ବେବାର କିତାର, ହେୱାର ଜେ ହାକିନି ଜଗାୟ, ଇସ୍‌ରତି ଇ ବିଦି ହେୱାର ପୁଟିସ୍‌ପା କେବଲ୍ ଇନେନ୍ ଇ ଲାକେ ବେବାର କିତାର ହେଦା ଆକାୟ, ମାତର ଇ ଲାକେ ବେବାର କିଜି ମାନି ମାନାୟାର୍‌ତି ପାକ୍ୟା ଖାରିତା ବାଟି କିତାର ।

୨

ଇସ୍‌ରତି ନିୟାୟ ବିଚାର

୧ ଟଣ୍ଡାର ଆରି ତଣ୍ଡେକ୍, ଏପ୍ ଇନାକା ଲକାତ ବିଚାର କିନାଦେରା ? ଏପ୍ ଇମ୍‌ଶାକା ପା ମୁଣିକା ଆତିସ୍‌ପା, ଇଦା ମି ପାକ୍ୟାତ କିନାକା ହାର ଆକାୟ । ଲକାର୍‌ତି ଦସ୍ ଆସ୍ତି ଏପ୍ ଜଦି ନିଜେ ହେଦା କିଜି ମାଟିସ୍, ହେଦା ହୁଦା ଏପ୍ ଜାର୍‌ତି ଦସି କିନାଦେରା । ୨ ଆପ୍ ପୁନାପ୍, ଇସ୍‌ର ଏଲେ କିଜିମାନି ମାନାୟାର୍‌ତି ହାଡ଼ପା ବିଚାର କିନାନ୍ । ୩ ଇମ୍‌ଶା ବାନ୍ୟାକାମାୟ କାଜି ଏପ୍ ଲକାରି ଦସ୍ କିନାଦେରା, ହେଦା ଜଦି ନିଜେ କିଜି ମାନାଦେର, ଏପ୍ ଇସ୍‌ରତି ବିଚାର ମୁମଦ ହାଲୁପ୍ ଇଞ୍ଜି ଇନାକା ବାଟି କିନାଦେରା ? ୪ ଆଜି ମାନଗାନାଡ଼, ଏପ୍ ଇସ୍‌ରତି ବେସି ଦୟା ଆରି ହୁଦାର୍‌ତି ଉଡ଼ା ଆନାଦେରା । ଏପ୍ ଆତିସ୍‌ପା ପୁଟାଦେଣ୍ଡା ଜେ, ଏପ୍ ମାନବାଦଲ୍‌ୟ କିଦେଙ୍ ଇଞ୍ଜି ଇସ୍‌ର ଏଚେକ୍ ଦୟା କିଡ଼ତାନନା । ୫ ମାତର ଏପେଙ୍ ଗର୍‌ୟା ଆରି ଆର୍‌ଖା ମାନ । ଲାଗି ହାରିହାରା ଦିନି ନ୍ୟାୟବିଚାର ଖେଡ଼ାଲି ଏପ୍ ଇସ୍‌ରତି ରିସାନି ଲକୁ ଆଜି ବେସି ତାଣ୍ ପାୟାନାଦେର । ୬ ହେୱାନ୍ ଓଜାର ମାନାୟାରି ନିଜ୍ ନିଜ୍ କାମାୟ ଇସାବେ ପାଡ଼୍ ହିଦନାନ୍; ୭ ଇମ୍‌ଶାକାର ସାସ୍ ଲାହା ହାର୍‌ଦି କାମାୟ କିଜି ଜାଜ୍‌ମାଲ୍, ସନ୍‌ମାନ ଆରି ହାଖାକା ଦାହ୍‌ନାର, ହେୱାରି ଓଜିଓ

ଜିବୁନ୍ ହିନାନ୍ । ୮ ମାତର୍ ଇନେର୍ ଜାର୍ତିଂ ହୁଡ୍ନାକାର୍, ହାଡ୍ପା ହାଜି ପିସ୍ତି, ମତର୍ ଅଦାମ୍ କାତାତ ଆହ୍ନାର୍ । ହେଝାର୍ତି କାଜିଂ କାକ୍ରି ଆରେ କପ୍ ଗିଟାନାଡ୍ । ୯ ପର୍ତ୍ତମ୍ତ ଜିହୁଦି ଆରି ପା ଗ୍ରିକ୍, ଝିଜାରିଂ ବାନ୍ୟା କାମାୟ୍ କିନି ମାନାୟ୍ ଝାସ୍ତି ଜପି କସ୍ ଆରି ହାବଡ୍ ଗିଟାନାଡ୍, ୧୦ ମାତର୍ ଇମଣାକାର୍ ହାର୍ କାମାୟ୍ କିତାର୍, ହେଝାର୍ ଜିହୁଦି ଆଏର୍ କି ଗ୍ରିକ୍ ଆଏର୍, ଇସ୍ବର ହେଝାରିଂ ସନ୍ମାନ୍, ଜାଜମାଲ୍ ଆରି ସୁସ୍ତା ହିନାନ୍ । ୧୧ ଇନେକିଦେଂକି ଇସ୍ବରତି ଲାଗାଂ ମୁକ୍ମେଟ୍ ହିଲୁଡ୍ ।

୧୨ ଲାଗିଂ ଏଚେକ୍ ବିଦି ହିଲୁଝି ଆଜି ପାପ୍ କିତାରନା, ହେଝାର୍ ପା ବିଦି ପିସ୍ସି ନସ୍ ଆନାର୍; ଆରେ, ଏଚେକ୍ ବିଦି ପାୟା ଆଜି ପାପ୍ କିତାରନା, ହେଝାର୍ ବିଦି ଇସାବେ ବିଚାର୍ କିୟାନାର୍, ୧୩ ଇନେକିଦେଂକି ବିଦିନି ଝେନାକାର୍ ଇସ୍ବର ମେହାଣ୍ଡ ଦାମ୍ ଆକାୟ୍, ମାତର୍ ବିଦି ପାଲିକିନାକାର୍ ଦାମ୍ ଗାଣାକିୟାନାର୍ । ୧୪ ଲାଗିଂ ପାତ୍ କିଝି ଜିହୁଦିରତି ହେ ବିଦି ମାନଝିତିସ୍ ପା, ଏଚେକାଡ୍ ହେଝାର୍ ହାର୍ ବାବ୍ରେ ବିଦି ଲାକେ କାମାୟ୍ କିତାର୍, ହେପାଦନା ହେଝାର୍ ବିଦି ପାୟା ଆଝିତିସ୍ତା ନିଜେ ଜାର୍ ଜାର୍ କାଜିଂ ବିଦି ପାଲି କିତାଣ୍ଡା; ୧୫ ହେଝାର୍ତି କାମାୟ୍ ହୁଦାଂ ଇଦାଂ ପୁନ୍ୟାନାତା ଜେ, ବିଦିନି ନିୟମ୍କୁ ହେଝାର୍ତି ମାନ୍ତ ଲେକା ଅତାନ୍ନା । ଇ କାତାନି ହାଡ୍ପା ହେଝାର୍ତି ରୁଦି ହୁଦାଂ ପାର୍ମାଣ୍ ସଡ୍ ଚିନ୍ତା କିନିଝେଡାଲିଂ ରୁଦି ହେଝାରିଂ ପକ୍ୟା ଆନାଡ୍, ବିନ୍ତିନ୍ତା ଝେଡାଲିଂ ଦସି କିନାଡ୍ । ୧୬ ଇମଣି ଦିନ୍ତ ଇସ୍ବର ନା ନେକ୍ରିକାବୁର୍ ଇସାବେ ଜିସୁ କ୍ରିସ୍ତୁତି ହୁକେ ମାନାୟାର୍ତି ଡକ୍ତୁତି ବିସ୍ତେ ବିଚାର୍ କିନାନ୍, ହେ ଦିନ୍ ଇଦାଂ ହନାଡ୍ ।

ଜିହୁଦି ଆରି ବିଦି

୧୭ ଏପେଙ୍ଗ୍ ଜାର୍ତିଂ ଜିହୁଦି ଇନ୍ୟାନାଦେରା, ବିଦି ଜପି ବାସ୍ କିଜି ଆରି ଇସ୍ବର ଲାହାଂ ନିଜେ ଜିଣା ଆଜି ଗରବ୍ କିନାଦେରା; ୧୮ ମି କାଜିଂ ଇସ୍ବରତି ଇଚା ପୁଚାଦେଣ୍ଡା ଆରି, ବିଦିତାଂ ସଡ୍ ଆରି ବାନ୍ୟା ଗିଆନ୍ ପାୟା ତାଦେଣ୍ଡା; ୧୯ ହାଡ୍ପା ରଚେ ପୁଚାଦେଣ୍ଡା, ଜେ ଏପେଙ୍ଗ୍ ମାଜଗାନି ହାଜି ଚ୍ଚନ୍ନାକାଦେର୍, ମାଜଗାତ ମାନି ମାନାୟାର୍ କାଜିଂ ଅଜଡ୍ ଲାକେ, ୨୦ ରୁଦିହିଲୁଝାକାର୍ତି ରୁଜାୟକିନାକାର୍,

ପୁନଃକାତ ଗୁରୁ । ମି ପାତ ଜେ, ବିଦିତାଂ ଏପେଙ୍ଗ୍ ବାତ ହାତ୍‌ପା ଆରି ଗିଆନ୍ ଲାବ୍ କିତାଦେର୍ଣ୍ଣା । ୨୧ ତେବେ ଲକାଂ ହିକ୍ୟା ହିନାଦେରା ଜେ ଏପ୍, ଏପ୍ ଇନାକା ଜାର୍‌ତିଂ ହିକ୍ୟା ହିଉଦେରା ? ଚରି କିମାଟ୍ ଇଞ୍ଜି ପରଟାର୍ କିଜି ଏପ୍ କି ଚରି କିନାଦେରା ? ୨୨ ଦାରି କିମାଟ୍ ଇଞ୍ଜି ଝେଟ୍ଟି ଏପେଙ୍ଗ୍ କି ଦାରି କିନାଦେରା ? ପୁଡ଼ଡ଼ା ପୁଜାତିଂ ଗିଣ୍ କିନାଦେରା ଜେ ଏପେଙ୍ଗ୍, ଏପ୍ ଇନାକା ମନ୍ଦିର୍ ଚରି କିନାଦେରା ? ୨୩ ଏପେଙ୍ଗ୍ ଇସ୍‌ବୁତି ବିଦି ପାୟା ତାଦେର୍ଣ୍ଣା ଇଞ୍ଜି ଗରବ୍ କିନାଦେରା, ମାତର୍ ହେଦେଲିଂ ଉଡ଼ାଜି ଇସ୍‌ବୁତିଂ ଅପ୍‌ମାନ୍ କିନାଦେରା କି ? ୨୪ ଇନେକିଦେଂକି ଇନେସ୍ ଲେକା ମାନାଡ଼, “ମି କାଜିଙ୍ଗ୍ ପାତ କିଞ୍ଜି ଜିହୁଦିର୍ ବିତ୍ରେ ଇସ୍‌ବୁତିଂ ତର୍ ନିୟାନାତା ।”

୨୫ ଜଦି ଏପେଙ୍ଗ୍ ବିଦି ପାଲି କିନାଦେର୍, ତେବେ ହାତ୍‌ପାତ ସୁନ୍ନତ୍ ଆନି ଲଡ଼ା, ମାତର୍ ବିଦି ମାନି କିଞ୍ଜିତିସ୍, ତେବେ ମି ସୁନ୍ନତ୍ ଅସୁନ୍ନତ୍ ମେହା ଆନାଡ଼ । ୨୬ ଲାଗିଂ ଜଦି ସୁନ୍ନତ୍ ଆଞ୍ଜିତି ମାନାୟ୍ ବିଦିନି ବିଦିବିଦାଣି ପାଲି କିତାର୍, ବାଟିଙ୍ଗ୍ ହେଞ୍ଜାଡ଼ି ସୁନ୍ନତ୍ ଆଞ୍ଜାତାକା ଇନାକା ସୁନ୍ନତ୍ ଇଞ୍ଜି ଗାଣା କିୟାଉନ୍ ? ୨୭ ଆରେ, ତର୍‌ଦିଂ ସୁନ୍ନତ୍ ଆଞ୍ଜାତାକାର୍ ମାନାୟ୍ ଜଦି ବିଦି ପାଲି କିତାର୍, ବାଟିଙ୍ଗ୍ ଲେକିକିତି ବିଦି ଆରି ସୁନ୍ନତ୍‌ନି ବିଦି ପାୟା ଆଜି ପା ବିଦି ମାନିକିଉଦେରା ଜେ ଏପେଙ୍ଗ୍ ହେଞ୍ଜାନ୍ ମି ବିଚାର୍ କିଦ୍‌ନାନ୍ । ୨୮ କେବଲ୍ ଗାଗାଡ଼୍ ବାବ୍ରେ ସୁନ୍ନତ୍ ଆଜି ଜପି ଜିହୁଦି ଇଞ୍ଜି ଜାଣା ଆଜି ମାନି ଲଗୁ ହାତ୍‌ପାରତେ ଜିଉଦି ଆକାୟ୍; ୨୯ ମାତର୍ ଖାସ୍ତିତ ଇନେନ୍ ଜିହୁଦି, ହେଞ୍ଜାନ୍ ଜିହୁଦି, ଆରେ ସମାନ୍ ବାବ୍ରେ ଆକାୟ୍, ମତର୍ ଜିବୁନ୍‌ନିକା ବାବ୍ରେ ଗାଗାଡ଼ତ ଇନେନ୍ ସୁନ୍ନତ୍ ହେଦାଂ ହାତ୍‌ପା ସୁନ୍ନତ୍ । ଇ ବାତ୍ ଲକ୍ ମାନାୟାର୍‌ତାଂ ଖାରି ପାୟା ଆଉର୍, ମାତର୍ ଇସ୍‌ବୁତାଂ ପାୟାନାର୍ ।

୩

୧ ବାଟିଙ୍ଗ୍ ଜିହୁଦି ଲକ୍‌ନି ଇନାକା ? ସୁନ୍ନତ୍ କି ଉପକାର ଇନାକା ? ସବୁ ବାନି ବେସି । ୨ ପର୍ତ୍ତୁମ୍, ଇସ୍‌ବୁର୍ ବଚନ୍ ହେଞ୍ଜାର୍ ତାକେ ହେଲାୟ୍ ଆଜି ମାତାନ୍ । ୩ ଆଞ୍ଜିତିସ୍ ଏତେ ଜାଣ୍ ପାତ୍ କିଞ୍ଜାକାର୍ ଆଜି ମାନ୍‌ଗାନାର୍ । ମାତର୍ ହେଦାଂ ଇଞ୍ଜି ଇନାକା ଇସ୍‌ବୁତି ପାତ୍ କିନାକା ଇନାକା ପଲ୍ୟା ଆନାଡ଼ ? ୪ ମୁଡ୍ରେ ଆକାୟ୍ ।

ମାନାୟାର ଓଜାର ମିର୍‌ଖାର ଆତିସ୍‌ପା, ଇସ୍‌ର ହାଡ଼ପା । ସାସ୍‌ରତ ଲେକାମାନାଡ଼, “ନି ବଚନ୍ ହୁକେ ଏନ୍ ସମାନ୍ ଇଞ୍ଜି ପାର୍ମାଣ୍ ଆଡ, ଏପେଙ୍ଗ ବିଚାର୍ଣ୍ଣା ଆତିହିଂ ଏନ୍ ଜିତା ଆ ।” ୫ ମାତର୍ ଜଦି ମା ଅଦାମ୍ ଇସ୍‌ତ ଦାମ୍ ର ସମାନ୍ ପାର୍ମାଣ୍ କିନାଡ଼, ବାଟିଙ୍ଗ୍ ଆପ୍ ଇନାକା ଇନାସ୍ ? ଇମ୍‌ଣି ଇସ୍‌ର ଡାଣ୍ଡାଂ କିତି ପାଡ଼୍ ହିଦ୍‌ନାନ୍, ହେଞ୍ଜାନ୍ କି ଦାମ୍ ହିଲ୍‌କାନ୍ ? ଆନ୍ ମାନାୟ୍ ବାବ୍ରେ ଇଞ୍ଜିନାଙ୍ଗା । ୬ ହେଦାଂ ଇନାଞ୍ଜାଡ଼ାଂ ପା ଆମେଡ଼; ଇନେକିଦେଂକି ହେଦାଂ ଆତିସ୍ ବିଚାର୍ କାର୍‌ହା ଆଞ୍ଜିତିସ୍, ଇସ୍‌ର ଇନେସ୍ ପୁଡ଼ିତ ନିଆୟ୍ ବିଚାର୍ କିନାନ୍ । ୭ ମାତର୍ ଜଦି ନାଦାଂ ମିର୍ ହୁକେ ଇସ୍‌ତ ହାଡ଼ପା ହେଞ୍ଜାନ୍ତି ଜାଜ୍‌ମାଲ୍ କାଜିଂ ବେସି ବାବ୍ରେ ବାଡା ଆଡାଡ଼, ଡାଆତିସ୍ ଆନ୍ ପା ଆରେ ଇନେକିଦେଂ ପାପି ଇଞ୍ଜି ବିଚାର୍ କିୟାନାନା ? ୮ ଆସେଙ୍ଗ୍ ଇନେକିଦେଂ ଇନୁସ୍, “ଞ୍ଜାଡ ବାନ୍‌ଧାକାମାୟ୍ କିନାସ୍, ଏବେଣ୍ଡାଂ ହାର୍‌ପାଡ଼୍ ଗାଟାଆଦ୍‌ନାଡ଼ ? ଆନ୍ ସମାନ୍ ଏଲେଂ କାଡା ଇନାଙ୍ଗା ଇଞ୍ଜି ଦାବା କିଜି ଏଚେକ୍ ଜାଣ୍ ନାଂ ନିୟା କିଦ୍‌ନାରା । ହେଞ୍ଜାର୍ ଇଦାଂ କାଜିଂ ବିଚାର୍ ପାୟାନି କାଡା, ନିଚୟ୍ ପାୟାନାର୍ ।”

ଇନେର୍ ଦାମ୍ ଆକାୟ୍

୯ ବାଟିଙ୍ଗ୍ ଇନାକା ଜିହୁଦିତ୍ ଅବସ୍ତା ଗ୍ରିକ୍‌ଡାଂ ଆଦିକ୍ ହାର୍ ? ମୁଡ୍ରେ ଆକାୟ୍ । ଆନ୍ ଆଗେଡାଂ ଇଚାଂନା ଜେ ରି କୁଦା ପା ଜିହୁଦି ଆରି ଗ୍ରିକ୍ ପାପ୍‌ଡ ଡାରେନ୍ ମାନାର୍, ୧୦ ଇନେସ୍ ଲେକାମାନାଡ଼, “ଦାମ୍ ର ଇନେର୍ ହିଲୁର୍, ଆକାୟ୍, ରଞ୍ଜାନ୍ ପା ଆକାୟ୍ ।”

୧୧ ରଞ୍ଜାନ୍ ପା ଗିୟାନି କି ଇସ୍‌ରତି ହାଡ଼ପା ହେବା କିନାକାନ୍ ହିଲୁନ୍ ।

୧୨ ହେଞ୍ଜାର୍ ଓଜାର୍ ହାଦେଂ ହାଚାର୍ଣ୍ଣା, ରଚେ ବହା ଆଡାର୍ଣ୍ଣା; ଇନେର୍ ଦୟା କାମାୟ୍ କିଡାର୍, ଇ ଲାକେ ଇନେର୍ ଆକାୟ୍, ଆକାୟ୍ ଇ ଲାକେ ଇନେର୍ ଆକାୟ୍ ।

୧୩ ହେଞ୍ଜାର୍‌ତି ବଚନ୍ତ୍ ଆବ୍‌ଡ଼ୁ ଗାଣ୍ଡୁ, ଞ୍ଜେଇଦାଂ ମିର୍ ଜାରାଣ୍ ହାନାକା, ଅତି ଡାରେନ୍ କାଲାଟି ରାଡ୍‌ନି ବିସ୍ ମାନାଡ଼ ।

୧୪ ହେଞ୍ଜାର୍‌ତି କାଣ୍‌କୁଡ ଇସ୍‌ରତି ଅଲପ୍ ପା ପାଣ୍ଡୁ ହିଲୁଡ଼ ।

୧୫ ହେଞ୍ଜାର୍‌ତି ପାନା ନେଡେର୍ କିଦେଙ୍ଗ୍ ଡିକ୍‌ଡିକା;

୧୭ ହେୱାର ଇମେତାକେ ହାନାର, ହେବେ ନାସ୍ ଆରି ଦୁକ୍ ଉଦ୍‌ଜାଣ୍ ଆନାଡ୍, ୧୭ ଆରେ ସୁସ୍ତାନି ହାଜି ହେୱାର ପୁନୁର୍ ୧୮ ହେୱାରତି ଇସ୍ତର୍ ପାଣ୍ଡୁ ହେୱାର କାଣ୍‌କୁ ଆଗେ ମାନଗୁଡ୍ ।

୧୯ ଆରେ, ଆପ୍‌ତ ପୁନାପ୍ ଜେ, ବିଦି ଇନା ଇନାକା ଇନାଡ୍, ହେ ସବୁ ବିଦିବିଦାନ ତାରେନ୍ ମାନି ମାନାୟାରିଂ ଇନାଡ୍, ଇନେସ୍ ଝିଜୁ ଝେଇ ବନ୍ଦ୍ ଆନାଡ୍ ଆରି ଝିଜୁ ପୁତର୍ ଇସ୍ତର୍ ବିଚାର୍‌ତ ତାଣ୍ ଆନାଡ୍; ୨୦ ଇନେକିଦେଂକି ମସାତି ବିଦିନି କିତିକାମାୟ୍ ହୁକେ ଇମ୍‌ଣି ମାନାୟ୍ ତା ମୁମ୍‌ଦ ଦାମ୍ ଗାଣ୍‌ତି ଆଉର୍, ଇନେକିଦେଂକି ମସାତି ବିଦି ହୁକେ ପାପ୍‌ନି ଗିଆନ୍ ଜଲମ୍ ଆନାଡ୍ ।

ପାତର୍ ଦାମ୍‌ର୍ ଗାଣାକିଆନାଡ୍

୨୧ ଇସ୍ତର୍ ମାଂ ଦାମ୍ କିଦେଙ୍ଗ୍ ବିଦି ମାତର୍ ନଙ୍ଗ୍ ବିଦି ପିସ୍ତି ଇସ୍ତର୍ ଦାମ୍ ହତାଡ୍‌ନା, ଆରେ ହେଦାଂ ବିସ୍ତେ ବିଦି ଆରି ବେଣ୍‌ବାକ୍‌ଣାୟ୍‌କିନାକାର୍ ଦରମ୍ ସାସ୍ତର୍ ସାକି ହିନାତା, ୨୨ ଝକେବଲ୍ ଜିସୁ କ୍ରିସ୍ତୁତି ତାକେ ପାତର୍ କିନି କାଜିଂ ଲକୁ ଇସ୍ତର୍ତି କାଣ୍‌କୁତ ଦାମ୍ ଗାଣା କିଆନାନ୍ । ଇସ୍ତର୍ ଇନେରିଂ ମୁକ୍‌ମେଟ୍ କିଝାଦାଂ କ୍ରିସ୍ତୁତାକେ ପାତର୍ କିନାକାର୍ ଝିଜାକାରିଂ ପାବ୍ ହିନାନ୍ ।

୨୩ ଝିଜାର୍‌ତ ପାପ୍ କିତାର୍‌ନା, ଆରେ ଇସ୍ତର୍ ଜାଜ୍‌ମାଲ୍‌ନି ବାତର୍‌ତାଂ ଉଣା ଆତାଣ୍‌ଣା, ୨୪ ମାତର୍ ଇସ୍ତର୍ କ୍ରିସ୍ତୁ ଜିସ୍ତୁତି ହୁଦାଂ ମଲ୍‌ଆଝାଦାଂ ଇମ୍‌ଣି ଦୟାନି ଦାନ୍ କିଡ୍‌ତାନନା, ହେଦାଂ ଇନେର୍ ଇଡ୍‌ନାର୍, ହେୱାର ମାପୁ ଜିସୁ ମୁକ୍‌ଡାନାକା ହିନାନ୍ ଆରି ହେୱାର ଇସ୍ତର୍ କାଣ୍‌କୁତ ଦାମ୍ ଆନାର୍ । ୨୫ ଇସ୍ତର୍ ଜିସୁଙ୍ଗ୍ ଦାନ୍ ହିଡ୍‌ତାନ୍, ଇନେସ୍ ହେଝାନ୍ତି ହାକି, ହେଝାନ୍ତି ତାକେ ନେତେର୍‌ତ ପାତର୍ କିଜି ମାନି ଲକୁ ପାପ୍ କେମାନି ଉପାୟ୍ ଆନାଡ୍ । ଇସ୍ତର୍ ଜାର୍ ଦାମ୍‌ତିଂ ହପ୍‌ତେଂ ଇଦାଂ କିତାନ୍, ଇସ୍ତର୍ ହୁଦାର୍ ଆଜି ଆଗେ କିତି ପାପ୍ ଆହ୍‌ଝାତନ୍ନା, ୨୬ ଆରେ ନଙ୍ଗ୍‌ନି କାଡ୍‌ଦ୍ ଜାର୍ ଦାମ୍ ହପ୍‌ନି କାଜିଂ ହେଝାନ୍ ଇଦାଂ କିତାନ୍‌ନା, ଇନେସ୍ ହେଝାନ୍ ନିଜେ ଦାମ୍ ଆରି

☆ ୩:୨୨ ୩:୨୨ ଗାଲାତିୟ ୨:୧୭.

ଜିହ୍ଵା ତାକେ ପାତକ କିନାକାରିଂ ଦାମିଂ ଗାଣାକିଆନାକାର୍ ଇଞ୍ଜି
ଚଞ୍ଜାନାର୍ ।

୨୭ ବାଟିଙ୍ଗ୍ ଗରବ୍ ଇମେ ତାକେ ? ହେଦାଂ ଦେହା ଆତାଡ୍ ।
ଇନେସ୍‌ବାତ ବିଦି ହୁକେ ? ଇନାକା କିନି କାମାୟ୍ ବିଦି ହୁକେ ?
କି ପାତକିନି ବିଦି ହୁକେ । ୨୮ ବାଟିଙ୍ଗ୍ ମା ବୁଜାନାକା ଇଦାଂ, ମାନାୟ୍
ବିଦିତ କିତି କାମାୟ୍ ପିସ୍‌ସି ପାତକ ହୁକେ ଦାମିଂ ଗାଣାକିୟାନାନ୍ ।
୨୯ କି ଇସ୍‌ବର୍ କି କେବଲ୍ ଜିହ୍ଵାଦିରତି ଇସ୍‌ବର୍ ? ହେଝାନ୍ କି ପାତକିଞ୍ଜି
ଜିହ୍ଵାଦିରତି ପା ଇସ୍‌ବର୍ ଆକାୟ୍ ? ଆଁ ପାତକିଞ୍ଜି ଜିହ୍ଵାଦିରତି ପା
। ୩୦ ☆ଇନେକିଦେଂକି ଇସ୍‌ବର୍ ତ ରଝାନ୍, ଆରେ ହେଝାନ୍ ପାତକି
କାଜିଂ ସୁନ୍‌ଡ୍‌ତି ଆରି ପାତକିଞ୍ଜି ଅସୁନ୍‌ଡ୍‌ତି ଦାମିଂ ଗାଣାକିନାନ୍
। ୩୧ ବାଟିଙ୍ଗ୍ ଆପ୍ କି ପାତକ ହୁକେ ବିଦିତିଂ ଝିନ୍‌ନାପା ? ହେଦାଂ
ଇନାଝେଡ଼ାଂ ପା ଆମେଡ୍ ଇଚିସ୍ ଆପ୍ ପାତକ ହୁକେ ବିଦିନି କୁନାଦି
ଡାଟ୍ କିନାସା ।

୪

ଅବ୍ରାହାମ୍‌ତି ପାତକିନି ଦାମିଂ

୧ ଖାଟିଂ ଗାଗାଡ୍ ବାବ୍ରେ ମା ଆକର୍ ଅବ୍ରାହାମ୍ ଇନାକା ପାୟା
ଆତାନ୍ ଇଞ୍ଜି ଇନାସ୍ ? ୨ ଇନାକିଦେଂକି ଅବ୍ରାହାମ୍ ଜଦି କିନି
କାମାୟ୍‌ନି ଦାମିଂ ଇଞ୍ଜି ଗାଣା କିୟାତାନ୍, ଲାଗିଂ ତା ଗରବ୍ କିନାକା
ମାନାଡ୍, ମାତର୍ ଇସ୍‌ବର୍‌ତି ଲାଗାଂ ହିଲେଡ୍ । ୩ ☆ଇନେକିଦେଂକି
ସାସ୍‌ବର୍ ଇନାକା ଇନାଡ୍ ? “ଅବ୍ରାହାମ୍ ଇସ୍‌ବର୍ ତାକେ ପାତକି ତାନ,
ଆରେ ଇ ପାତକି କାଜିଂ ଇସ୍‌ବର୍ ହେଝାନ୍ ଦାମିଂ କିଜି ଇଡ୍‌ତାନ୍ ।
୪ ଇନେର୍ କାମାୟ୍ କିନାନ୍, କୁଲି ତାରୁଂ ତା ପାୟାନାକା-ଇନେର୍‌ଡ଼ାଂ
ଦାନ୍ ଲାକେ ହେଝାନ୍ ପାୟା ଆଡନ୍ । ୫ ମାତର୍ ଇନେର୍ କାମାୟ୍
ଜପି ପାତକିଜନ୍, ମତର୍ ଦାମିଂ ହିଲାକାନିଂ ଦାମିଂ ଇଞ୍ଜି ଇନେର୍
ଗାଣାକିନାର୍, ହେଝାନ୍ ତାକେ ପାତକି କିନାନ୍, ହେଝାନ୍ ପାକ୍ୟାତ
ହେଝାନ୍ତି ପାତକି ଦାମିଂ ଇଞ୍ଜି ଗାଣାନାଡ୍ । ୬ ଇମ୍‌ଣି ମାନାୟ୍‌ତି

☆ ୩:୩୦ ୩:୩୦ ଗାଲାତିୟ ୩:୨୦. ☆ ୪:୩ ୪:୩ ଗାଲାତିୟ ୩:୭.

କାମାୟ କାବାଡ଼୍ ନିପ ହୁଡ଼଼ାଦାଂ ଇସ୍‌ର ହେଞ୍ଜାନିଂ ଦାମ୍ ଇଞ୍ଜି
 ଇଚ୍‌ନାନ୍, ହେଞ୍ଜାନିଂ ଖାରିକିୟ୍ କିଜି ଦାଉଦ୍ ଇଚାନ୍ନା ।

୭ ଇମ୍‌ଶାକାର୍‌ତି ଅପରାଦ୍ ସବୁ କେମା ଆତାଡ଼ନ୍ନା, ଆରେ

ଇମ୍‌ଶାକାର୍‌ତି ପାପ୍ ସବୁ କେମା ପାୟାତାନ୍ନା, ହେଞ୍ଜାର୍ ଦନ୍ୟ ।

୮ ମାପୁ ଇମ୍‌ଶାକାରିଂ ଦନ୍ୟ ଇଞ୍ଜି ମାନାୟ୍‌ତି ପାପ୍ ଗାଣା କିଉନ୍, ହେଞ୍ଜାନ୍ ଦନ୍ୟ ।”

୯ ଇବେ ଦାଉଦ୍ ଇନେରିଂ ଦନ୍ୟ ଇଞ୍ଜି ଇଚାନ୍ନା, ହେଞ୍ଜାର୍ ଇନାକା କେବଲ୍ ସୁନ୍ନଡ଼୍ ଲଗୁ ମାଚାର୍ ? କି, ଅସୁନ୍ନଡ଼୍ ଲଗୁ ପା ଦନ୍ୟ ଆଦେଂ ଆଡ଼ନାର୍ । ଆସ୍ ଇନାସା-ଅବ୍ରାହାମ୍ ପାତ୍ ହୁକେ ଦାମ୍ ଇନ୍ୟା ଆତାନ୍ । ୧୦ ବାଟିଙ୍ଗ୍, ହେଦାଂ ଇମ୍‌ଶି ସମୁ ଖେଡ଼ାଲିଂ ଗିଚାଜି ମାଚାଡ଼ ? ଅବ୍ରାହାମ୍ ସୁନ୍ନଡ଼୍ ଆନି ପାଚେ ଆକାୟ୍, ତା, ଆଗେତାଂ ପାଚେ ଆକାୟ୍ । ୧୧ ଆରେ, ହେଞ୍ଜାନ୍ ସୁନ୍ନଡ଼୍‌ଆଞ୍ଜି ଅବସ୍ତାତ ପାତ୍ ଇସାବ୍‌ତ ଦାମ୍ ଗାଣାକିୟାଜି ହେବେନି ତିନ୍ ଇଚ୍‌ୟାନି ଇସାବେ ସୁନ୍ନଡ଼୍ ତିନ୍ ପାୟାତାନ୍, ଇନେସ୍ ସୁନ୍ନଡ଼୍‌ଆଞ୍ଜି ଅବସ୍ତାତ ମାନି ଖିଜାର୍ ପାତ୍ କିନାକାର୍ ପାକ୍ୟାତ ଦାମ୍ ଗାଣାକିୟାନି କାଜିଂ ହେଞ୍ଜାନ୍ ହେଞ୍ଜାର୍‌ତି ଆବା ଆନାନ୍, ୧୨ ଆରେ, ଇନେସ୍ ହେଞ୍ଜାନ୍ ସୁନ୍ନଡ଼୍ ଆତାକାରିଂ ଆବା ଆନାନ୍, ଇତିସ୍ ଇମ୍‌ଶାକାର୍ ସୁନ୍ନଡ଼୍ ପାୟାତାର୍, କେବଲ୍ ହେଞ୍ଜାର୍‌ତି ଆକାୟ୍, ମତର୍ ସୁନ୍ନଡ଼୍ ଆଞ୍ଜାତାକାର୍‌ତି ସମୁତ ମା ଆବା ଅବ୍ରାହାମ୍‌ତି ଇମ୍‌ଶି ପାତ୍ ମାଚାଡ଼, ହେବେନି ପାଦ୍ ତିନ୍ ହିଜି ଇମ୍‌ଶାକାର୍ ହାନାର୍ ହେଞ୍ଜାର୍‌ତି ଆବା ।

ପାତ୍ କିନାକାରିଂ ଇସ୍‌ତ୍ ପାର୍ମାଣ୍

୧୩ ଇନେକିଦେଂକି ଅବ୍ରାହାମ୍ ବିଦି ପାଲି କିଜି ମାନି କାଜିଂ ଆକାୟ୍ । କେବଲ୍ ହେଞ୍ଜାନ୍ତି ପାତ୍ କାଜିଂ ଇସ୍‌ରତି ହୁକେ ଦାମ୍ ଲାକେ ଆଦିକାର୍ ପାୟାତାନ୍ ଆରି ହେଦାଂ କାଜିଂ ହେଞ୍ଜାନ୍ ହେଞ୍ଜାନ୍ତି ଲାତ୍ରାର୍ ପୁତ୍ ଆଦିକାର୍ ଆନାର୍ ଇଞ୍ଜି ରାଣ୍ କିଜି ମାଚାନ୍ ୧୪ ଲାଗିଂ ଜଦି ବିଦି ପାଲି କିଚାର୍, କେବଲ୍ ହେଞ୍ଜାର୍ ଜଦି ଇସ୍‌ରତି ଦାନ୍ ଗାଗତିସ୍, ତେବେ ମାନାୟ୍‌ତି ପାତ୍ ପଲ୍ୟା, ଇସ୍‌ରତି ରାଣ୍ ପା ୧୫ ଇନାକିଦେଂକି ବିଦି ଉଡ଼ାନି ହୁଦାଂ ମାନାୟ୍ ଇସ୍‌ରତି ରିସାନି ଲଗୁ ଆନାନ୍ । ମାତର୍ ଇମେତାକେ ବିଦି ହିଲୁଡ଼୍, ହେବେ ବିଦି ଉଡ଼ାନାକା

ପରସନ୍ ନିଜୁତା । ୧୭ ଲାଗିଂ ଇ ପାର୍ମାଣ୍ ପାତର୍ କାଜିଂ ପାୟାନାନ୍, ଇନେସ୍ ହେଦାଂ ଦୟା ଇସାବ୍ରେ ଆନାଡ୍, ଆରେ ତାପାଚେ ସବୁ ଲାତ୍ରା ପାକ୍ୟାତ, କେବଲ୍ ମସାତି ବିଦି ଲାତ୍ରା ପାକ୍ୟାତ ଆକାୟ୍, ମତର୍ ଅବ୍ରାହାମ୍ତି ପାତର୍ କିନି ଲାତ୍ରା ପାକ୍ୟାତ ପା ହେ ପାର୍ମାଣ୍ ତିର୍ ମାନାଡ୍ । ୧୮ ଇ ବିସ୍ତେ ସାସ୍ତୁର୍ତ ଲେକାମାନାଡ୍, “ନିଂ ଆପ୍ ବେସି ଜାତିନି ଆବା କିଦ୍ନାପ୍,” ଇସ୍ପୁର୍ତି କାଣ୍କୁତ ଇ ପାର୍ମାଣ୍ ହାଡ୍ପା ମାଗାଡ୍, ଇନେକିଦେଂକି ଇମ୍ଣି ଇସ୍ପୁର୍ତିଂ ଅବ୍ରାହାମ୍ ପାତର୍ କିଜି ମାଗାନ୍, ହେଝାନ୍ତି ବଚନ୍ ହାକିତିଂ ଜିବୁନ୍ କିନାଡ୍ ଆରି ଖାରାକାଦଲିଙ୍ଘ୍ ଝିଜୁ ବିସ୍ତେ ଉବ୍ଜାୟ୍ କିନାଡ୍ । ୧୯ “ଆହା କିନି କାଜିଂ ଇମ୍ଣାକା ପା କାରଣ୍ ହିଲ୍ଝିତିସ୍ ପା ଅବ୍ରାହାମ୍ ପାତର୍ କିଜି ଆହାଲାବ୍ଡି ଆତାନ୍ । ଲାଗିଂ ହେଝାନ୍ ବେସି ଜାତିନି ଆବା ଆତାନ୍, ଇନେକିଦେଂକି ସାସ୍ତୁର୍ ଇସାପ୍ରେ ହେଝାନ୍ ପାର୍ମାଣ୍ ଗାଗାଜି ମାଗାଡ୍; ୧୯ ଅବ୍ରାହାମ୍ ବୟସ୍ ପାଞ୍ଚକଡି ବାହୁଁ ଆତିଲେ ହେଝାନ୍ ଜାର୍ ଗାଗାଡ୍ତିଂ ଜିବୁନ୍ ପାଗ୍ନାକା ଆରି ସାରାତି ପଟତିଂ ହାକି ଇଞ୍ଜି ବାବି କିତାର୍ ପା ପାତର୍ ତ ନାଦାର୍ ଆଝାତାର୍, ୨୦ ଇତିସ୍ ଇସ୍ପୁର୍ତି ପାର୍ମାଣ୍ କାଜିଂ ହୁଡ୍ଜି ପାତର୍ କିଝାକା ହୁକେ ପାତର୍ କିଝାତାନ୍, ହେଝାନ୍ ଇସ୍ପୁର୍ତିଂ ଜାଜ୍ମାଲ୍ କିତାର୍ । ୨୧ ମାତର୍ ଇସ୍ପୁର୍ ଇନାକା ପାର୍ମାଣ୍ କିତାନ୍ନା, ହେଦାଂ ମାନି କିଦେଙ୍ଘ୍ ପା ହେଝାନ୍ ଜେ ଆଡ୍ନାନ୍, ହେଝାନ୍ ପୁରା କିନାନ୍ ଇଞ୍ଜି ପାତର୍ ତ ବାଡ୍କାସ୍ ଆତାନ୍ । ୨୨ ଇଦାଂ କାଜିଂ ପା ଇଦାଂ ହେଝାନ୍ତି ପାକ୍ୟାତ ଦାମ୍ ଇଞ୍ଜି ଗାଣା କିୟାତାନ୍; ୨୩ ତା ପାକ୍ୟାତ ଜେ ଗାଣା କିୟାତାନ୍, ଇଦାଂ ଇନାକା ହେଝାନ୍ତି କାଜିଂ ଲେକା ଆଝାତାଡ୍ନା, ୨୪ ମତର୍ ମା କାଜିଂ ପା ଲେକା ଆତାଡ୍ନା; ଇନେକିଦେଂକି ଜେ ମା ମାପୁ ଜିସୁ ହାତାକାର୍ ବିତ୍ରେ ନିଂତାନ୍ନା, ହେଝାନ୍ ତାକେ ପାତର୍ କିନାପା ଜେ ଆପେଂ, ମା ପାକ୍ୟାତ ପା ହେଦାଂ ଗାଣା କିୟାତାଡ୍; ୨୫ ହେ ଜିସୁ ମା ପାପ୍ କାଜିଂ ହେଲାୟ୍ କିୟାତାନ୍, ଆରେ ଇସ୍ପୁର୍ତି ଲାଗାୟ୍ ମାଙ୍ଗେଙ୍ଘ୍ ଦାମ୍ କିଦେଙ୍ଘ୍ ଇଞ୍ଜି ଆରେ ନିଂତାନ୍ନା ।”



ପାତର୍ ହୁଦାଂ ଇସ୍ପୁର୍ତି ଲାହାଂ ହାର୍ମେହାଣ୍

^୧ ନଂ ପାତଂ ହୁକେ ଆସେଙ୍ଗ୍ ଇସ୍ବରତି କାଣ୍ଡକୁତ ଦାମ୍ ଆତାପ୍ନା ଆରି ମାପୁ ଜିସୁ କ୍ରିସ୍ଟ କାଜିଂ ଇସ୍ବରତି ଲାହାଂ ସୁସ୍ତାତ ମାନାପ୍ । ^୨ ଇମଣି ଉପକାର୍ନି ଅବସ୍ତା ବିତ୍ରେ ଆପ୍ ମାନାପ୍, ହେବେ ହେଖାନ୍ ହୁକେ ପାତଂ ତ ହଣ୍ଡେଙ୍ଗ୍ ପା ଆଡ଼ତାପ୍; ଆରେ, ଆପ୍ ଇସ୍ବତଂ ଜାଜ୍ମାଲ୍ଲାନି ବାସଂ ତ ଗରବ୍ କିନାପା । ^୩ କେବଲ୍ ହେଦାଂ ଆକାୟ୍, ଓଜୁ ବାନି ଦୁକ୍ତ, କସ୍ତ ପା ଗରବ୍ କିନାପା, ଲାଗିଂ ଦୁକ୍ତାଂ ସାସ୍, ସାସ୍ତାଂ ପୁନାକା, ^୪ ଆରେ, ବାବ୍ନାତାଂ ବାସଂ ଜେ ଜଲମ୍ ଆନାଡ଼, ଇଦାଂ ଆସେଙ୍ଗ୍ ପୁନାସ୍ । ^୫ ଆରେ, ବାସଂ ଲାଜ୍ କିଦୁଡ଼, ଇନେକିଦେଂକି ଇସ୍ବର ହିଡ଼ତି ପୁଇପୁୟା ଜିବୁନ୍ ହୁକେ ମା ଖାସ୍ତିତ ଇସ୍ବରତି ଜିଉନନାକା ମେଙ୍ଗ୍ୟା ଆତାନ୍ନା ।

^୬ ଇନେକିଦେଂକି ଏଚେକାଡ଼ଦ୍ ଆପ୍ ଉପାୟ୍ ହିଲ୍ଡାକା ମାଗାପ୍, ହେପାଦନା କ୍ରିସ୍ଟ ସମାନ୍ ସମୁତ ପାତଂ କିଖାକାର୍ କାଜିଂ ହାତାନ୍ । ^୭ ଦାମ୍ ର ମାନାୟ୍ କାଜିଂ ଆରେ ରଖାନ୍ ଜାର୍ଡି ପାରାଣ୍ ହିନାକା ବେସି ହୁଡ଼ୟା ଆଉଡ଼ । ଆତିସ୍ ଇମ୍ଣାକାନ୍ ପା ହାର୍ କାଜିଂ ଇନେର୍ ହିଦେଂ ଜାଲ୍ଲଦି ଆଦେଂ ଆଡ଼ନାନ୍ । ^୮ ମାତର୍ ଆପ୍ ପାପି ମାନି ସମୁତ ପା କ୍ରିସ୍ଟ ଜେ ମା କାଜିଂ ହାତାନ୍, ହେବେ ଇସ୍ବର୍ ମା କାଜିଂ ଜାର୍ ଜିଉନନାକା ହପ୍ତାନ୍ନା । ^୯ ଲାଗିଂ, ଇଦାଂ ଆରେ ହାଡ଼ପା ଜେ, ଆପ୍ ନଙ୍ଗ୍ୟ ହେଖାନ୍ତି ନେତେର୍ ହୁକେ ଦାମ୍ ଗାଣାକିୟାନାକା ଆତିଲେ ହେଖାନ୍ ହୁକେ ଇସ୍ବରତି ରିସାତାଂ ରାକ୍ୟା ପାୟାନାସ୍ । ^{୧୦} ଇନେକିଦେଂକି ଆପ୍ ସାଡୁ ମାନି ସମୁତ ଜଦି ଇସ୍ବର୍ ଲାହାଙ୍ଗ୍ ହେଖାନ୍ତି ମାଜିଡି ହାକି ହୁକେ ମେହା ଆତାପ୍, ତା ଆତିସ୍ ଇଦାଂ ଆଦିକ୍ ହାତେନେ ଜେ, ଆପ୍ ମେହାଜି ହେଖାନ୍ତି ଜିବୁନ୍ ହୁକେ ମୁକ୍ତି ଆନାସ୍ । ^{୧୧} ଆରେ, କେବଲ୍ ହେଦାଂ ଆକାୟ୍, ମାତର୍ ମା ଇମଣି ମାପୁ ଜିସୁ କ୍ରିସ୍ଟ ହୁକେ ଆପ୍ ନଙ୍ଗ୍ ମେହାଜି ଲାବ୍ କିତାପ୍ନା; ହେଖାନ୍ତି ହୁକେ ଆପ୍ ଇସ୍ବର୍ ତାକେ ଗରବ୍ ପା କିନାପା ।

ଆରମ୍ ଆରି କ୍ରିସ୍ଟ

^{୧୨} ଲାଗିଂ, ଇନେସ୍ ରଖାନ୍ ମାନାୟ୍ ହୁକେ ପାପ୍ ଆରି ପାପ୍ ହୁକେ ହାକି ପୁତଂ ତ ହଟାଡ଼, ଆରେ ହେ ବାନି ହାକି ଓଜାର୍ ମାନାୟ୍ କାଜିଂ ଗିଟାତାଡ଼, ଲାଗିଂ ଓଜାର୍ଡ ପାପ୍ କିତାର୍ । ^{୧୩} ବିଦି ହିନି ପୁର୍ବେତାଂ

ଜଗତ୍‌ପାତ୍ର ପାତ୍ର ମାତାତ୍ର, ମାତର ବିଦି ହିଲ୍‌ଝି ଖେଡ଼ାଲିଂ ପାପ୍‌ନି ଇସାବ୍ ଇଟ୍ୟାଖାଦାଂ ମାତାତ୍ର । ୧୪ ଆଦମ୍ ସମୁତାଂ ମସାତି ସମୁ ପାତେକ୍ ଇନେର୍ ଆରମ୍ ଲାକେ ବଲ୍ ମାନିକିଖାଦାଂ ପାପ୍ କିଖାଦାଂ ମାତିସ୍ ପା, ଝିଜାର୍ ହାକିନି ତାରେନ୍ ଆତାର୍ ।

ଇନେର୍ତି ଖାନାକା ଆଜି ମାତାତ୍ର, ଆରମ୍ ହେଖାନ୍ତି ର ହାରି ମୁମ୍; ୧୫ ମାତର ପାପ୍ ଇନେସ୍, ଉପକାର୍ ଦାନ୍ ପା ଜେ ହେ ଲାକେ, ହେଦାଂ ଆକାୟ୍, ଇନେକିଦେଂକି ଜଦି ରଖାନ୍ତି ପାପ୍ ହୁକେ ହେନି ହାତାର୍, ତା ଆତିସ୍ ଇସ୍‌ତ ଉପକାର୍ ଆରି ରଖାନ୍ ମାନାୟ୍‌ତିଂ, ଇତିସ୍ ଜିସୁ କ୍ରିସ୍ତୁ ଉପକାର୍ ହିତି ଦାନ୍ ହେନି କାଜିଂ ଆଦିକ୍ ବେସି ଆତାତ୍ର । ୧୬ ଆରେ, ରଖାନ୍ ପାପ୍ କିତିଲେ ଇନେସ୍ ପାତ୍ର ଆତାତ୍ର, ଇ ଦାନ୍‌ନି ପାତ୍ର ହେ ଲାକେ ଆକାୟ୍; ଇନେକିଦେଂକି ରଖାନ୍ କାଜିଂ ଇମ୍‌ଣି ବିଚାର୍, ହେବେନି ପାତ୍ର ଦାଣ୍ ବଲ୍ ଆତାତ୍ର, ମାତର ହେନିର୍‌ତି ପାପ୍ ତାରେନ୍ ଇମ୍‌ଣି ଉପକାର୍ ଦାନ୍, ହେବେନି ପାତ୍ର ଦାମ୍ ଗାଣାତାତ୍ର; ୧୭ ଲାଗିଂ ଜଦି ରଖାନ୍ ପାପ୍‌ତ ହେ ରଖାନ୍ ହୁକେ ହାକି ରାଜ୍ କିତାତ୍ର, ବାଟିଙ୍ ଇମ୍‌ଣାକାର୍ ଉପକାର୍ ଆରି ଦାମ୍ ଦାନ୍‌ନି ବେସି ଅୟ୍‌ନାର୍ ହେଖାର୍ ର ମାନାୟ୍, ଇତିସ୍ ଜିସୁ କ୍ରିସ୍ତୁ ହୁକେ ଆରେ ଆଦିକ୍ ଜିବୁନ୍‌ତ ରାଜ୍ କିତାର୍ ।

୧୮ ଲାଗିଂ, ରଖାନ୍ ପାପ୍‌ନି ପାତ୍ର ଲାକେ ଇନେସ୍ ଝିଜାର୍ ମାନାୟ୍‌ତ କାଜିଂ ଦାଣ୍ ବଲ୍ ଗିଟାତାତ୍ର, ହେ ଲାକେ ପା ରଖାନ୍ତି ଦାମ୍ କାତା କାରୁମ୍‌ନି ପାତ୍ର ଲାକେ ଝିଜାର୍ ମାନାୟ୍‌ତ କାଜିଂ ଜିବୁନ୍ ହିଦ୍‌ନି ଦାମ୍ ଗାଣା କିୟ୍‌ନାକା ଗିଟାତାତ୍ର । ୧୯ ଇନେକିଦେଂକି ଇନେସ୍ ରଖାନ୍ତି ବଲ୍ ମାନିକିଖାଦାଂ ହୁକେ ହେନି ପାପ୍‌ର ଆତାର୍, ହେ ଲାକେ ରଖାନ୍ତି ବଲ୍ ମାନିକିତିଲେ ଝିଜାର୍ ଇସ୍‌ବ୍ ମୁମ୍‌ଦ ଦାମ୍ ଆନାର୍ ।

୨୦ ଇଦାଂ ପିସ୍ତ୍ର ବିଦି ପା ହଟାତ୍ର, ଇନେସ୍ ପାପ୍ ଆଦିକ୍ ଆନାତ୍ର; ମାତର ଇନେତାକେ ପାପ୍ ଆଦିକ୍ ଆତାତ୍ର, ହେବେ ଉପକାର୍ ଆରେ ବେସି ଆଦିକ୍ ଆତାତ୍ର, ୨୧ ଇନେସ୍ ପାପ୍ ଇନେସ୍‌ବାନି ହାକିତ ରାଜ୍ କିଜି ମାତାତ୍ର, ହେ ଲାକେ ଉପକାର୍ ପା ମା ମାପୁ ଜିସୁ କ୍ରିସ୍ତୁ ହୁକେ ଝିଜି ଜିବୁନ୍ ଲାକେ ଦାମ୍ ଦାନ୍ କିଜି ରାଜ୍ କିନାତ୍ର ।



ପାପ କାଜିଂ ହାକି; ମାତର କ୍ରିଷ୍ଣତି ଲାହାଙ୍ଗ୍ ମେହାନି ହୁକେ ଜିନାନ୍
 ୧ ବାଟିଙ୍ଗ୍, ଆସେଙ୍ଗ୍ ଇନାକା କିନାସ୍ ? ଉପକାର୍ ଇନେସ୍ ବେସି
 ଆନାଡ୍, ଇଦାଂ କାଜିଂ କି ପାପତ ମାନାସ୍ ? ୨ ହେଦାଂ ଇନାଝାଡ଼ାଂ
 ପା ଆମେଡ୍ । ପାପ୍ କାଜିଂ ହାକି ଜେ ଆପ୍, ଆପ୍ ହେବେ ଇନେସ୍
 ଆରେ ଜିବୁନ୍ କାଟି କିନାସ୍ ? ୩ ଆପ୍ ଏଚେକ୍ ମାନାୟ୍ ଜିସୁ
 କ୍ରିଷ୍ଣତି ତାକେ ବାପ୍ରିସିମ୍ ଆତାପ୍ନା, ଝିଜାର୍ ଜେ ହେଝାନତି ହାକିତ
 ବାପ୍ରିସିମ୍ ଆତାପ୍ନା, ଇଦାଂ କି ଏପେଙ୍ଗ୍ ପୁନୁଦେର୍ ? ୪ ☆ଲାଗିଂ,
 ଆପ୍ ବାପ୍ରିସିମ୍ ହୁକେ ହାକିତ ହେଝାନ ଲାହାଙ୍ଗ୍ ମୁର୍ୟା ଆତାସ୍ନା,
 ଇନେସ୍ କ୍ରିଷ୍ଣ ଆବାତି ଜାଜ୍ମାଲ୍ ହୁକେ ହାତାକାର୍ ବିତ୍ରେ ଇନେସ୍
 ନିଙ୍ଗ୍ତାନ, ଆସେଙ୍ଗ୍ ପା ହେ ବାନି ଜିବୁନ୍ନି ପୁନି ବାବ୍ରେ ବେବାର୍
 କିନାସ୍ ।

୫ ଇନେକିଦେଂକି ଜଦି ଆପ୍ ହେଝାନତି ହାକିନି ଲାକେ ହାତିସ୍
 ହେଝାନତି ଲାହାଙ୍ଗ୍ ଏକ୍ ଆତାପ୍ନା, ତା ଆତିସ୍ ହାଡ଼ପା ହେଝାଡ଼ି
 ଆରେ ନିନାକା ଲାକେ ପା ନିଙ୍ଗ୍ତି ହେଝାନତି ଲାହାଙ୍ଗ୍ ଏକ୍ ଆନାସ୍
 । ୬ ଇନେସ୍ ଆସେଙ୍ଗ୍ ଆରେ ପାପ୍ନି ଆଡ଼ିଏନ୍ ମାନୁସ୍, ଇଦାଂ କାଜିଂ
 ପାପ୍ନି ଗାଗାଡ଼୍ ନସ୍ ଆନି କାଜିଂ ମା ପ୍ଲୁନି ଗୁଣ୍ ଜେ ହେଝାନତି
 ଲାହାଙ୍ଗ୍ କୁସ୍ତ ହାତାନ୍ନା, ୭ ଇଦାଂ ତ ଆପ୍ ପୁନାପ୍, ଇନେକିଦେଂକି
 ଇନେର୍ ହାତାନ୍ନା, ହେଝାନ ପାପ୍ତାଂ ମୁକ୍ତା ଆତାନ୍ନା । ୮ ମାତର ଆପ୍
 ଜଦି କ୍ରିଷ୍ଣତି ଲାହାଙ୍ଗ୍ ହାତାସ୍ନା, ତା ଆତିସ୍ ଆପ୍ ଜେ ହେଝାନତି
 ଲାହାଙ୍ଗ୍ ପା ଜିନାସ୍, ଇଦାଂ ଆପ୍ ପାତ୍ କିନାସ୍ । ୯ କ୍ରିଷ୍ଣ ହାତାକାର୍
 ବିତ୍ରେତାଂ ନିଙ୍ଗ୍ତିଲେ ଜେ ଆରେ ଇନାଝାଡ଼ାଂ ହାଉର୍, ଇଦାଂ ତ
 ଆପ୍ ପୁନାପ୍; ହେଝାନତି ଜପି ହାକିନି ଆରେ ରାଜ୍ କିଉଡ୍ ।
 ୧୦ ଇନେକିଦେଂକି ହେଝାନ ଇନେସ୍ ହାତାନ୍, ତା ପାଚେ ହେଝାନ
 ରଗ ପାପ୍ କାଜିଂ ହାତାନ୍; ମାତର ହେଝାନ ଇମଣି ଜିବୁନ୍ନି ଜିତାକାନ୍,
 ହେବେ ହେଝାନ ଇସ୍ପର କାଜିଂ ଜିତାକାନ୍ ମାନ୍‌ଗାନାନ୍ । ୧୧ ହେ ବାନି
 ଏପେଙ୍ଗ୍ ପା ଜାର୍ ଜାର୍ତି ପାପ୍ କାଜିଂ ହାକି, ଏପେଙ୍ଗ୍ ନଂ କ୍ରିଷ୍ଣ ଜିସୁତି
 ହୁଦାଂ ଜିବୁନ୍ନି ଇସ୍ପରତି ଲାହାଂ ମେହା ଆତାଦେର୍ଣ୍ଣା ।

☆ ୭:୪ ୭:୪ କଲସିୟ ୨:୧୨.

୧୭ ଇଦାଂ କାଜିଂ ପାପ୍ ମି ହାକି ଗାଗାଡ଼ତ୍ ରାଜ୍ କିମେଡ଼, ହେଦାଂ କିତିସ୍, ଏପେଙ୍ଗ୍ ହେବେନି ବାନ୍ୟା ଲାଲ୍‌ସାତ ମୁଞ୍ଜି ହାଲ୍‌ମାଟ୍; ୧୮ ଏପେଙ୍ଗ୍ ଜାର୍‌ତିଂ ଇମଣାକା ପା ପାପ୍ ଲାଗାଂ ହେଲାୟ୍ ଆଜି ଅଦାମିନି ଆଡିୟାର ଲାକେ ବେବାର୍ ଆମାଟ୍ । ନଲେ ହାକିତାଂ ରାକ୍ୟା ପାୟାଜି ଜିରୁନ୍ ଗାଟା ଆଜି ମାଟିଲେ ଏପେଙ୍ଗ୍ ସଡ଼କାମାୟ୍ ପୁରାୟ୍ କିଦେଙ୍ଗ୍ ଜାର୍ ଜାର୍‌ତିଂ ପୁରା ଇସ୍‌ସୁରତାକେ ହେଲାୟ୍ କିୟାଟ୍ । ୧୯ ଇନେକିଦେଂକି ପାପ୍ ମି ଜପି ରାଜ୍ କିଦମେଡ଼, ଲାଗିଂ ଏପେଙ୍ଗ୍ ବିଦିନି ତଲ୍ୟା ଆକାୟ୍, ମତର୍ ଇସ୍‌ସୁର ଉପକାରତ୍ ତାରେନ୍ ମାନାଟ୍ ।

ଦାମିର୍ ଆଡିଏନ୍

୧୫ ବାଟିଙ୍ଗ୍ ଇନାକା ? ଆପ୍ ଜେ ବିଦି ତାରେନ୍‌ନିକାପ୍ ଆକାୟ୍, ମତର୍ ଉପକାର୍‌ନି ତାରେନ୍‌ନିକାପ୍, ଇଦାଂ କାଜିଂ କି ପାପ୍ କିନାସ୍ ? ହେଦାଂ ଇନିଝାଡ଼ାଂ ପା ଆମେଡ଼ । ୧୬ ହାକିନି ପାପ୍ କି ଦାମିର୍ ନିକାର୍ ବଲ୍‌ତାଂ, ଇଦାଂ ବିତ୍ରେତାଂ ଇମଣାକା ଲାଗାଂ ଏପେଙ୍ଗ୍ ବଲ୍ ମାନି କିନି କାଜିଂ ଜାର୍ ଜାର୍‌ତିଂ ଆଡିଏନ୍ ଲାକେ ହେଲାୟ୍ ଆନାସ୍, ଇତିସ୍ ଇମଣାକାର୍ ବଲ୍ ମାନିକିନାଦେର୍, ହେଝାକ୍ତି ଜେ ଏପେଙ୍ଗ୍ ଆଡିୟାକାଦେର୍, ଇନାକା ପୁନୁଦେର୍ ? ୧୭ ମାତର୍ ଇସ୍‌ସୁତ୍ ଜୁଝାର୍ ଆଏଡ଼ ଜେ, ଏପେଙ୍ଗ୍, ଇମଣାକାର୍ କି ହିଗ୍‌ଦ ପାପ୍‌ନି ଆଡିଏନ୍ ମାଟାଦେର୍, ନଙ୍ଗ୍ ଇମଣି ହିକ୍ୟାନି ହାର୍‌ଦାକା ଲାଗାଂ ହେଲାୟ୍ କିୟା ଆତାଦେଣ୍ଟା, ଝାସ୍ ଲାହାଙ୍ଗ୍ ହେବେନି ବଲ୍ ମାନି କିତାଦେଣ୍ଟା, ୧୮ ଆରେ ପାପ୍‌ତାଂ ମୁକ୍ତା ଆଜି ଦାମିର୍ ଆଡିୟା ଆତାଦେଣ୍ଟା । ୧୯ ମି ଗାଗାଡ଼ ନାଦାର୍ କାଜିଂ ଆନ୍ ମାନାୟ୍ ବାବ୍ରେ ଇଞ୍ଜନାଙ୍ଗା; ଏପେଙ୍ଗ୍ ଇନେସ୍ ବାନ୍ୟା କାଜିଂ ଜାର୍ ଜାର୍ କେଇଗାଲ୍ ବିଚାଡ଼୍ ଆରି ଅଦାମିର୍ ଲାଗାଂ ଆଡିଏନ୍ ଲାକେ ହେଲାୟ୍ କିୟାଜି ମାଟାଦେର୍, ହେ ଲାକେ ନଙ୍ଗ୍ ଜାର୍ ଜାର୍ କେଇଗାଲ୍ ପୁଇପୁୟା କାଜିଂ ଦାମିର୍ ଲାଗାଂ ଆଡିଏନ୍ ଲାକେ ହାର୍‌କିଜି ହେଲାୟ୍ ଆତ ।

୨୦ ଇନେକିଦେଂକି ଏପେଙ୍ଗ୍ ପାପ୍‌ନି ଆଡିଏନ୍ ମାନି ସମୁତ ଦାମିର୍ ବିସ୍ତ୍ରେ ଡିଲା ମାଟାଦେର୍ । ୨୧ ବାଟିଙ୍ଗ୍, ହେ ସମୁତ ମିଦାଂ କି ପାଡ଼୍ ମାଟାଡ଼ ? ଜେ ଝିଜୁ ବିସ୍ତ୍ରେ ଏପେଙ୍ଗ୍ ନଙ୍ଗ୍ ଲାଜ୍ କୁଇ କିନାଦେରା, ହେବେଣ୍ଟାଂ ଇନାକା ଲାବ୍ ଗାଟାତାୟ୍; ହେ ଝିଜୁନି

ଇସାୟତ ହାକି । ୨୨ ମାତର ନଙ୍ଗ ପାପ୍‌ନି ତାରେନତାଂ ମୁକ୍ତା ଆଜି ଇସ୍‌ସତ୍ ଆଡ଼ୟା ଆତିଲେ ଏପେଙ୍ଗ ପୁଇପୁୟା ଉଦେସ୍ ପାଡ଼ ପାୟାନାଦେରା, ଆରେ ଇବେନି ଇସାୟ ଝିଜ୍‌ଝି ଜିବୁନ୍ । ୨୩ ଇନେକିଦେଂକି ପାପ୍‌ନି କୁଲି ତାରୁଙ୍ଗ ହାକି, ମାତର ଇସ୍‌ସତ୍ ଉପକାର ଦାନ ମା ମାପୁ କ୍ରିସ୍ଟ ଜିସୁତି ମେହାଣ୍ଡ ଝିଜ୍‌ଝି ଜିବୁନ୍ ଆନାଡ଼ ।



ବିବା ଉତ୍ତରମୁଡ଼

୧ ଏ ଟଣ୍ଡାର ଆରି ତଣ୍ଡେକ୍, ମାନାୟ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ ବିଦି ଜେ ତା ଜପି ରାଜ୍ କିନାଡ଼, ଇଦାଂ ଏପେଙ୍ଗ ଇନାକା ପୁନୁଦେର୍ ? ଆନ୍ତ ବିଦି ପୁନି ମାନାୟାରିଂ ଇନାଙ୍ଗା । ୨ ଆଣ୍ଡେନ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ କଗ୍‌ଲେ ଆଣ୍ଡେନ୍ ଲାହାଙ୍ଗ୍ ବିଦି ହୁକେ ଗାତାୟାତାଦନା, ମାତର ଆଣ୍ଡେନ୍ ହାତିସ୍ କଗ୍‌ଲେ ଆଣ୍ଡେନ୍ ବିଦିତାଂ ମୁକ୍ତା ଆନାଡ଼ । ୩ ଲାଗିଂ, ଆଣ୍ଡେନ୍ ଜିଜି ମାନୁ ମାନୁ କଗ୍‌ଲେ ଜଦି ବିନ୍ ମାନାୟ ଲାହାଙ୍ଗ୍ ମେହା ଆନାଡ଼, ତା ଆତିସ୍ ତାଙ୍ଗେଙ୍ଗ୍ ଦାରିୟାଣି ଇଞ୍ଜି ଇନାୟାନାଡ଼; ମାତର ଜଦି ଆଣ୍ଡେନ୍ ହାତିସ୍, ତେବେ କଗ୍‌ଲେ ବିଦିତାଂ ମୁକ୍ତା ଆନାଡ଼, ଆରେ ଜଦି ବିନ୍ ମାନାୟ ଲାହାଙ୍ଗ୍ ମେହାନାଡ଼, ତା ଆତିସ୍ ହେଦେଲ୍ ଦାରିୟାଣି ଆଡ଼ । ୪ ଲାଗିଂ ଏ ନା ଟଣ୍ଡାର ଆରି ତଣ୍ଡେକ୍, କ୍ରିସ୍ଟି ଗାଗାଡ଼ ହୁକେ ଏପେଙ୍ଗ ପା ବିଦି କାଜିଂ ହାତାଦେଣ୍ଡା, ଇନେସ୍ ଏପେଙ୍ଗ ବିନ୍‌ନିକାନ୍ ଲାହାଙ୍ଗ୍ ମେହାନାଦେର୍, ଇତିସ୍ ଆପ୍ ଇସ୍‌ସର୍ କାଜିଂ ପାଡ଼ ଉବ୍‌ଜାୟ କିନି କାଜିଂ ଜେ ହାକିତାଂ ନିଙ୍ଗ୍‌ତାରନା, ହେଞ୍ଜାନ୍ତି ଲାହାଙ୍ଗ୍ ମେହା ଆଡ଼ । ୫ ଇନେକିଦେଂକି ଏଚେକାଡ଼ଦ ଆପ୍ ଗାଗାଡ଼ ତାରେନ୍ ମାତାସ୍, ହେପାଦନା ବିଦି ହୁକେ ପାପ୍ ଆହାନିକିଂ ମା କେଇଗାଲ୍ ବିତ୍ରେ ହାକି କାଜିଂ ପାଡ଼ ଉବ୍‌ଜାୟ କିଦେଙ୍ଗ୍ କାମାୟ କିଜି ମାତାପ୍, ୬ ମାତର ଇମ୍‌ଶାକା ହୁକେ ଆପ୍ ଗାତାଜି ମାତାପ୍, ହେଦାଂ କାଜିଂ ହାଜି ଆପ୍ ନଙ୍ଗ ବିଦିତାଂ ମୁକ୍ତା ଆତାପନା; ଲାଗିଂ ଆପ୍ ଲେକିକିତି ପୁନି ବାବ୍ରେ ଆଡ଼ିଏନ୍ କାମାୟ କିଞ୍ଜାଦାଂ ଜିବୁନିଂ ପୁନି ବାବ୍ରେ ଆଡ଼ିଏନ୍ କାମାୟ କିନାପା ।

ବିଦି ଆରି ପାପ

୭ ବାଟିଙ୍ଗ୍ ଆପ୍ ଇନାକା ଇନାସ୍ ? ବିଦି ଇନାକା ପାପ୍ ? ହେଦାଂ ଇନାଖାତାଂ ପା ଆମେଡ୍ । ଇଚିସ୍ ପାପ୍ ଇନାକା, ହେଦାଂ ବିଦି ପିସ୍ତ୍ରୁ ଆନ୍ ପୁନ୍‌ଖାତାଂମା; ଇନେକିଦେଂକି ଲବ୍ରା ଆମାଟ୍, ବିଦି ଇଦାଂ ଇନ୍‌ଖାଦାଂ ମାଟିସ୍, ଲବ୍ରା ଇନାକା, ହେଦାଂ ଆନ୍ ପୁନ୍‌ଖାତାଂମା । ୮ ମାତର୍ ପାପ୍ ଉପାୟ୍ ପାୟାଜି ବଲ୍ ହୁକେ ନା ତାକେ ସବୁ ବାନି ଲବ୍ ଉଦ୍‌ଜାତାଡ୍; ଇନେକିଦେଂକି ବିଦି ପିସ୍ତ୍ରୁ ପାପ୍ ହାକି । ୯ ଆରେ, ଆନ୍ ର ସମୁତ ବିଦି ପିସ୍ତ୍ରୁ ଜିବୁନ୍ ମାଟାଂ, ମାତର୍ ବଲ୍ ଖାତିଲେ ପାପ୍ ଜିତାଡ୍, ଆରେ ଆନ୍ ହାତାଙ୍ଗ୍; ୧୦ ହେବେ ଜିବୁନ୍‌ନି ଇମଣି ବଲ୍, ହେଦାଂ ନା ପାକ୍ୟାତ ଜିବୁନ୍‌ନି ହାକି ଇଞ୍ଜି ଜାଣାତାଡ୍ । ୧୧ ଇନେକିଦେଂକି ପାପ୍ ଉପାୟ୍ ହୁଡ୍‌ଜି ବଲ୍ ହୁକେ ନାଙ୍ଗ୍ ଜାଗାୟ୍ କିଡ୍‌ତାଡ୍, ଆରେ ହେଦାଂ ହୁକେ ନାଙ୍ଗ୍ ଅସ୍ତାତାଡ୍ ।

୧୨ ଲାଗିଂ, ବିଦି ପୁଇପୁୟା, ଆରେ ତାଦି ବଲ୍ ପୁଇପୁୟା, ସମାନ୍ ଆରି ହାର୍‌ଦାକା । ୧୩ ତା ଆତିସ୍, ଇନାକା ହାର୍‌ଦାକା ହେଦାଂ ଇନାକା ନା ହାକିନି କାରଣ୍ ଆଜି ମାଟାଡ୍ ? ମୁଡ୍‌ଡେ ଆକାୟ୍ । ପାପ୍ ନେ ହେଦାଂ କିତାଡ୍ । ହାଦ୍ ବିଦିତିଂ ବେବାର୍ କିଜି ପାପ୍ ନାଦାଂ ହାକି ଗିଟାୟ୍ କିଡ୍‌ତାଡ୍ । ହେଦାଂ ଲାହାଂ ପାପ୍‌ନି ହାଡ୍‌ପା ଲାଗ୍‌ଦାକା ଚଞ୍ଚାନାଡ୍ । ଲାଗିଂ ବଲ୍ ହୁକେ ପାପ୍‌ନି ବେସି ବୟଙ୍ଗାର୍‌ନି ଜାଣାନାଡ୍ ।

ମାନାୟ୍ ମାତ୍ର ଗାତ୍ରା

୧୪ ଲାଗିଂ, ବିଦି ଜେ ଆମ୍‌କ୍, ଇଦାଂ ଆପ୍ ପୁନାପ୍; ମାତର୍ ଆନ୍ ଗାଗାଡ୍‌ନି, ପାପ୍‌ନି କଡ୍‌ଡି ଆଡ୍‌ଏନ୍ । ୧୫ ଇନେକିଦେଂକି ଆନ୍ ଇନାକା କିନାଙ୍ଗ୍, ହେଦାଂ ପୁନ୍‌ଙ୍ଗ୍; ଲାଗିଂ ଆନ୍ ଇନାକା ଇଚା କିନାଙ୍ଗ୍, ହେଦାଂ କିଡ୍‌ଙ୍ଗ୍, ଇଚିସ୍ ଇନାକା ଆନ୍ ଗିଣ୍ କିନାଙ୍ଗ୍ ହେଦାଂ ନେ କିନାଙ୍ଗ୍ । ୧୬ ମାତର୍ ଇନାକା ଆନ୍ ଇଚା କିଡ୍‌ଙ୍ଗ୍, ହେଦାଂ ଜଦି କିନାଙ୍ଗ୍, ବାଟିଙ୍ଗ୍ ବିଦି ଜେ ହାର୍‌ଦାକା, ହେଦାଂ ଆନ୍ ମାନି କିନାଙ୍ଗ୍ । ୧୭ ଲାଗିଂ ଆନ୍ ଆରେ ହେଦାଂ କିଡ୍‌ଙ୍ଗା, ମାତର୍ ନା ତାକେ ବାହାକିତି ପାପ୍ ହେଦାଂ କିନାଙ୍ଗା । ୧୮ ଇନେକିଦେଂକି ନା ତାକେ ଇଚିସ୍, ନା ଗାଗାଡ୍‌ଡ୍ ଜେ ଇମଣି ହାର୍‌ଦି ବିସ୍ତେ ବାହା କିଞ୍ଜାତାଡ୍‌ନା, ଇଦାଂ ଆନ୍ ପୁନାଙ୍ଗ୍, ଲାଗିଂ ଆନ୍ ଇଚା କିଦେଙ୍ଗ୍ ଆଡ୍‌ନାଙ୍ଗ୍, ମାତର୍ ଇନାକା

☆ ୭:୧୫ ୭:୧୫ ଗାଲାତିୟ ୫:୧୭.

ହାରଦାକା, ହେଦାଂ କିନି କାଜିଂ ନା ସାକ୍ତି ହିଲୁଡ଼ । ୧୯ ଇନେକିଦେଂକି ଇମ୍ଫଣି ହାରଦି କାମାୟ୍ କିଦେଙ୍ଗ୍ ଆନ୍ ଇଚା କିନାଙ୍ଗ୍, ହେଦାଂ କିଡ଼ଙ୍ଗ୍, ମାତର୍ ଇମ୍ଫଣି ବାନିୟା କାମାୟ୍ କିଦେଙ୍ଗ୍ ଆନ୍ ଇଚା କିଡ଼ଙ୍ଗ୍, ହେଦାଂ କିନାଙ୍ଗ୍ । ୨୦ ମାତର୍ ଇନାକା ଆନ୍ ଇଚା କିଡ଼ଙ୍ଗ୍, ହେଦାଂ ଜଦି କିନାଙ୍ଗ୍, ତେବେ ଆନ୍ ନିଜେ ହେଦାଂ ଆରେ କିଡ଼ଙ୍ଗ୍, ମାତର୍ ନା ବିତ୍ରେ ବାହାକିତି ପାପ୍ ହେଦାଂ କିନାଡ଼ ।

୨୧ ଲାଗିଂ, ହାରଦି କାମାୟ୍ କିଦେଙ୍ଗ୍ ଇଚା ଜେ ଆନ୍, ନା ଲାଗାଂ ଜେ ବାନିୟା ଏକାଖାନାଡ଼, ଇ ବିଦି ଆନ୍ ହୁଡ଼ନାଙ୍ଗ୍ । ୨୨ ଇନେକିଦେଂକି ବିତ୍ରେନି ମାନାୟ୍ତି ବାବନା ଇସାବେ ଆନ୍ ଇସ୍ତର୍ ବିଦିତ ପାଲି କିନାକା ନା ଇଚା, ୨୩ ମାତର୍ ଆନ୍ ନା କେଇ ଗାଲ୍ପାତ ର ବିନ୍ ଅବସ୍ତା ହୁଡ଼ନାଙ୍ଗ୍, ହେଦାଂ ନା ମାନନି ବିଦି ବିନ୍ ପାକ୍ୟାତ ଜୁଜ୍ କିନାଡ଼, ଆରେ ନା କେଇ ଗାଲ୍ପାତ ଇମ୍ଫଣି ପାପ୍ନି ବିଦି ମାନାଡ଼, ନାଙ୍ଗ୍ ହେବେନି ବନ୍ଦି କିଦ୍ନାଡ଼ । ୨୪ ହାୟ୍, କାରୁମ୍ ହିଲ୍ଫି ମାନାୟ୍ ଜେ ଆନ୍, ନାଙ୍ଗ୍ ଇ ହାକିନି ଗାଗାଡ଼ତାଂ ଇନେର୍ ମୁକ୍ତାୟ୍ କିଦ୍ନାନ ? ୨୫ ଜୁଖାର୍ ଇସ୍ବର୍, ମା ମାପୁ ଜିସୁ କ୍ରିସ୍ତୁ ହୁକେ ଇଦାଂ ହେଖାନ୍ ପୁରା କିତାନ୍ନା ।

ଖାଟିଙ୍ଗ୍, ଇଦାଂ ଆନାତା ନା ଅବସ୍ତା । ଇସ୍ବର୍ତି ବିଦି କେବଲ୍ ଆନ୍ ନା ମାତ୍ର ମାନି କିଦେଙ୍ଗ୍ ଆଡ଼ନାଙ୍ଗ୍ । ମାତର୍ ନା ଗାଗାଡ଼ ଇସାବେ ନାଂ ପାପ୍ନି ଆଡ଼ିଏନ୍ ଆଦେଂ ଜବର୍ଦସ୍ତି କିଦ୍ନାତା ।

୮

ଆମ୍ବିକ୍ ଜିବୁନ୍

୧ ଲାଗିଂ ଇମ୍ଫଣାକାର୍ କ୍ରିସ୍ତୁ ଜିସୁତି ତାକେ ମାନାର୍, ହେଖାର୍ କାଜିଂ ନଙ୍ଗ୍ ଇମ୍ଫଣି ଦାଣ୍ଟ୍ ହିଲୁଡ଼ । ୨ ଇନେକିଦେଂକି ଜିନି ଜିବୁନ୍ ବିଦି କ୍ରିସ୍ତୁ ଜିସୁତି ମେହାଣ୍ଡ ମିଙ୍ଗେଙ୍ଗ୍ ପାପ୍ ଆରି ହାତିବାର୍ତି ବିଦିତାଂ ମୁକ୍ତାୟ୍ ଆତାପନା । ୩ ମାନାୟ୍ତି ବେବାର୍ ନାଦାର୍ କାଜିଂ ମସା ହିଡ଼ି ବିଦି ଇନାକା ପୁରା କିଦେଙ୍ଗ୍ ଆଡ଼ଖାତାଡ଼, ଇସ୍ବର୍ ହେଦାଂ କିତାନ୍ନା । ମାନାୟ୍ ଜିବୁନ୍ ପାପ୍ତି ଦାଣ୍ଟ୍ କିନି କାଜିଂ ହେଖାନ୍ ଜାର୍ ମାଜିଙ୍ଗ୍ ପାପ୍ୟା ମାନାୟ୍ ଲାକେ ପକ୍ଷାତାନ୍ ଆରି କ୍ରିସ୍ତୁ ଜିସୁ ପାପ୍ନି ସାକ୍ତି ରୁଡାୟ୍ କିତାନ୍ । ୪ ଇନେସ୍ ଗାଗାଡ଼ ବାବନା ଇସାବେ ଚିନ୍ତା

କିଞ୍ଚାଦାଂ ପୁଞ୍ଜପୁୟା ଜିବୁନ୍ ଇସାବେ ଚିନ୍ତା କିଜି ଫାନାସ୍ ଜେ ଆସେଙ୍ଗ୍, ମା ତାକେ ବିଦିନି ଦାରୁମ୍ ବିଦି ପୁରା ଆନାଡ୍ ।

୫ ଇନେକିଦେଂକି ଇମ୍‌ଶାକାର୍ ଗାଗାଡ୍‌ମାନ୍, ହେଞ୍ଜାର୍ ଗାଗାଡ୍ ବିସ୍ତେ ମାନ୍‌ଦ୍ୟାନ୍ କିତାର୍, ମାତର୍ ଇମ୍‌ଶାକାର୍ ଆମିକ୍‌ତ ମାନ୍, ହେଞ୍ଜାର୍ ପୁଞ୍ଜପୁୟା ଜିବୁନ୍ ବିସ୍ତେ ବାବି କିତାର୍ । ୬ ଇନେକିଦେଂକି ଗାଗାଡ୍‌ନି ମାନ୍ ହାତାକା, ମାତର୍ ଆମାନ୍ ବାବ୍‌ନା ଜିବୁନ୍ ଆରି ସୁସ୍ତାନିକା; ୭ ଲାଗିଂ ଗାଗାଡ୍‌ନି ମାନ୍ ଇସ୍‌ରତି ବିରୁଦ୍‌ତ ସାଡ୍; ଇନେକିଦେଂକି ହେଦାଂ ଇସ୍‌ରତି ବିଦିନି ତଲ୍ୟା ଆକାୟ୍, ତଲ୍ୟା ଆନାକା ଆଡ୍‌ନ୍; ୮ ଇମ୍‌ଶାକାର୍ ଗାଗାଡ୍‌ନି ତାରେନ୍ ମାନାର୍, ହେଞ୍ଜାର୍ ଇସ୍‌ତ ଯାରି ଆଦେଂ ଆଡ୍‌ର୍ ।

୯ ମାତର୍ ଇସ୍‌ତ ପୁଞ୍ଜପୁୟା ଜିବୁନ୍ ଜଦି ମି ତାକେ ବାହା କିନାଡ୍, ତା ଆଡିସ୍ ଏପେଙ୍ଗ୍ ଗାଗାଡ୍ ତାରେନ୍ ଆକାୟ୍, ମତର୍ ଜିବୁନ୍ ତାରେନ୍ ମାନାଦେର୍ । ଜଦି ଇନେର୍ କ୍ରିସ୍‌ତି ଜିବୁନ୍ ପାୟାଜି ମାନ୍‌ଗୁନ୍, ତେବେ ହେଞ୍ଜାନ୍ ହେଞ୍ଜାନ୍ତି ଆକାୟ୍ । ୧୦ ମାତର୍ ଜଦି କ୍ରିସ୍‌ ମି ତାକେ ବାହା କିଜି ମାନ୍‌ଗାନାନ୍, ମି ଗାଗାଡ୍ ପାପ୍‌ତ ବୁଡା ଆଦେଂ ହାଲ୍‌ଜି ମାଟିସ୍ ପା, ପୁଞ୍ଜପୁୟା ଜିବୁନ୍ ମିଙ୍ଗେଙ୍ଗ୍ ଜିବୁନ୍ ହିଦ୍‌ନାନ୍, ଇନେକିଦେଂକି ଇସ୍‌ରତି କାଶକ୍‌ତ ଏପେଙ୍ଗ୍ ଦାମ୍ ଗାଶା କିଆତାଦେର୍ଣ୍ଣା ୧୧ *ଆରେ ଇନେର୍ ହାତାକାର୍ ବିତ୍ରେତାଂ ଜିସ୍‌ଙ୍ଗ୍ ନିକ୍‌ତାନ୍, ହେଞ୍ଜାନ୍ତି ଜିବୁନ୍ ଜଦି ମି ତାକେ ବାହା କିନାଡ୍, ତେବେ ଜେ ହାତାକାର୍ ବିତ୍ରେତାଂ କ୍ରିସ୍‌ଙ୍ଗ୍ ନିକ୍‌ତାର୍, ହେଞ୍ଜାନ୍ ମି ତାକେ ବାହା କିଜିମାନି ଜାର୍ ଜିବୁନ୍ ହୁକେ ମି ହାତି ଗାଗାଡ୍‌ତିଂ ପା ଜିବୁନ୍ କିଦ୍‌ନାନ୍ ।

୧୨ ଲାଗିଂ, ଏ ଟଣ୍ଡାର୍ ଆରି ତଣ୍‌ଦେକ୍, ଆସେଙ୍ଗ୍ ରିଶ୍ ମା କାମାୟ୍ ଆତାଡ୍ ମାନାୟ୍ ଲାକେ ଜିବୁନ୍ ଜିଉଶା କିଉସ୍, ଇନେକିଦେଂକି ହେଦାଂ କିତିସ୍ ହାନାଦେର୍; ୧୩ ମାତର୍ ଜଦି ପୁଞ୍ଜପୁୟା ଜିବୁନ୍ ଉପ୍‌କାର୍‌ତାଂ ଜାର୍ ପାପ୍ ଗାଗାଡ୍‌ତିଂ ବୁଡାୟ୍ କିଜି ଆରେ ପାପ୍ କାମାୟ୍ କିଞ୍ଚିତିସ୍, ତେବେ ଏପେଙ୍ଗ୍ ଜିନାଦେର୍ । ୧୪ ଲାଗିଂ ଏଚେକ୍ ମାନାୟ୍ ଇସ୍‌ତ ଜିବୁନ୍ ହୁକେ ଚାଲାନାର୍, ହେଞ୍ଜାର୍ ଇସ୍‌ତ ମାଜିର୍ ।

☆ ୮:୧୧ ୮:୧୧ ୧ କରନ୍ତିୟ ୩:୧୭.

୧୫ ☆☆☆ ଇନେକିଦେଂକି ଇସ୍ବର ହିତ୍ତି ହେ ଜିବୁନ୍ ମିଙ୍ଗେଙ୍ଗ ଆଡ଼ିଏନ୍ତାଂ ମୁକ୍ତାୟ କିତ୍ତାନନା, ଏପ୍ ଆରେ ପାଣ୍ଡୁନାକା ଲଡ଼ା ଆକାୟ । ନଲେ ପୁଇପୁୟା ଜିବୁନ୍ ମିଙ୍ଗେଙ୍ଗ ଇସ୍ବରତି ହିମ୍ପାଙ୍ଗ ଆଦେଂ ପାବ୍ ହିତ୍ତାନା । ହେଝାନ୍ତି ସାଲି ପୁଞ୍ଜେଙ୍ଗ ଆଡ଼ି ଆସେଙ୍ଗ ନଂ ଇସ୍ବରତିଂ “ଆବା” ଇଞ୍ଜି ଇନାସା । ୧୬ ଆପ୍ ଇସ୍ବର୍ତ୍ତ୍ ମାଜିର୍ ଇଞ୍ଜି ହେ ଜିବୁନ୍ ନିଜେ ମା ଜିବୁନ୍ ଲାହାଙ୍ଗ୍ ସାକି ହିନାନ୍, ୧୭ ଆରେ ଜଦି ମାଜି, ବାଟିଙ୍ଗ୍ ଆଦିକାର୍ ପାୟାତାକାନ୍, ଇଚିସ୍ ଜଦି କ୍ରିସ୍ତୁତି ଲାହାଙ୍ଗ୍ ଜାଜମାଲ୍ ପା ଆନି କାଜିଂ ଆପ୍ ହେଝାନ୍ ଲାହାଙ୍ଗ୍ ଦୁକ୍ବଗ୍ କିନାପ୍, ବାଟିଙ୍ଗ୍ ଇସ୍ବର୍ତ୍ତ୍ ଆଦିକାର୍ ପାୟାତାକାନ୍ ଆରି କ୍ରିସ୍ତୁତି ଆଦିକାର୍ ପାୟାତାକାନ୍ ଆନାପ୍ ।

ଝାନିଦିନ୍ତୁ ଜାଜମାଲ୍

୧୮ ଇମ୍ପାଣି ଜାଜମାଲ୍ ମା କାଜିଂ ହନାଡ୍, ହେଦାଂ ତୁଲାଇୟ କିଜି ଇ ନଙ୍ଗିନି କାଡ୍ଡ ଦୁକ୍ବଗ୍ ଇନାକାପା ଆକାୟ । ୧୯ ଲାଗିଂ ଉବ୍ଜାଣି ଝାରି ଲାହାଂ ଇସ୍ବରତି ହିମ୍ପାଙ୍ଗି ହପ୍ନି କାଜିଂ କାନାଙ୍ଗା । ୨୦ ଇନେକିଦେଂକି ଉବ୍ଜାଣ୍ ପଲ୍ୟା ତଲ୍ୟା ଆତାଡ୍, ତା ନିଜ୍ ଇଚାତାଂ ଆକାୟ, ମାତର୍ ଇନେର୍ ହେଦେଲିଂ ତଲ୍ୟା କିତାନ, ହେଝାନ୍ ଆହାତାଂ; ୨୧ ଆରେ ହେଦାଂ ବାସ୍ ମେହା ଆଜି ତଲ୍ୟା ଆତାଡ୍, ଲାଗିଂ ଉବ୍ଜାଣ୍ ନିଜେ ପା ଇସ୍ବର୍ତ୍ତ୍ ହିମ୍ପାଙ୍ଗି ଜାଜମାଲ୍ ପାୟାତି ଅବସ୍ତା ବିସ୍ତେ ନିଜ୍ ଇଚା ପାୟାତି କାଜିଂ ବୁଡାତି ଆଡ଼ିଏନ୍ତାଂ ମୁକ୍ତା ଆନାନ୍ । ୨୨ ଇନେକିଦେଂକି ଝିନ୍ତୁ ଉବ୍ଜାଣ୍ ଜେ ନେଞ୍ଜେଙ୍ଗ୍ ପାତେକ୍ ରଚେ ଆଡ଼୍ବାନାତା ଆରି ଜଲମ୍ କିନିନନାକାତ ବିଲ୍ଲକି ଆନାତା, ଇଦାଂ ଆପ୍ ପୁନାପ୍ । ୨୩ ☆ ଆରେ, କେବଲ୍ ହେଦାଂ ଆକାୟ, ମାତର୍ ଆସେଙ୍ଗ୍ ଇସ୍ବରତି ପର୍ତ୍ତୁମ୍ ପାଡ୍ ଲାକେ ଜିବୁନ୍ତିଂ ପାୟାତାପ୍ନା ଜେ ଆପେଂ, ଆପ୍ ନିଜେ ନିଜେ ପା ମାଜି, ଇଚିସ୍ ଜାର୍ ଜାର୍ ଗାଗାଡୁନି ମୁକ୍ତାନାକା କାଜିଂ କାସି ମାନୁ ମାନୁ ଜାର୍ ଜାର୍ ଝାସ୍ତିତ ଆଡ଼୍ବାନାସା । ୨୪ ଇନେକିଦେଂକି ବାସ୍ ତ ଆସେଙ୍ଗ୍ ମୁଲ୍ଟି ଆତାସ୍ନା; ମାତର୍ ହୁଡ୍ଡତି ଇମ୍ପାଣି ଆହା, ହେଦାଂ ଆହା ଆକାୟ, ଲାଗିଂ ଇନାକା ରଝାନ୍ ହୁଡ୍ଡନା, ହେଦାଂ କାଜିଂ ହେଝାନ୍ ଇନେକିଦେଂ ଆରେ ଆହା କିନାନ୍

☆ ୮:୧୫ ୮:୧୫ ଗାଲତିୟ ୪:୫-୭. ☆ ୮:୧୫ ୮:୧୫ ମାର୍କ ୧୪:୩୭; ଗାଲତିୟ ୪:୭.
 ☆ ୮:୨୩ ୮:୨୩ ୨କରନ୍ତ୍ରୟ ୫:୨-୪.

? ୨୫ ମାତର ଇନାକା ହୁଡ଼ୁଆ, ଜଦି ହେଦାଂ କାଜିଂ ବାସିଂ କିନାସ, ତା ଆତିସ୍ ସାସ୍ତାଂ କାସି ମାନାସ ।

୨୬ ଆସେଙ୍ଗ ନାଦାର, ମାତର ପୁଇପୁୟା ଜିବୁନ୍ ମାଂ ଉପକାର କିଦନାନ୍ । ଇନେସ୍ ପାର୍ତାନା କିଦେଙ୍ଗ ଆନାଡ଼, ହେଦାଂ ଆସେଙ୍ଗ ପୁନୁସ୍ । ଲାଗିଂ ପୁଇପୁୟା ଜିବୁନ୍ ଇନ୍ତ୍ରି ବେରଣ୍ଡ ମା କାଜିଂ ଇସ୍ପୁରତିଂ ଗଞ୍ଜାରି କିନାନ୍ । ୨୭ ଆରେ, ଇନେର ମା ଖାସ୍ତି ଦାହନାନ୍, ହେଞ୍ଜାନ୍ ମାନନି ବାବନା ଇନାକା, ହେଦାଂ ପୁନାନ୍, ଇନେକିଦେଂକି ହେଞ୍ଜାନ୍ ପୁଇପୁୟା ଇସ୍ପତ୍ ଇଚା ଇସାବେ ସାଦୁର କାଜିଂ ଗଞ୍ଜାରି କିନାନ୍ । ୨୮ ଇମ୍ଫାକାର ଇସ୍ପୁରତିଂ ଜିଉନନାର, ଇମ୍ଫାକାର ହେଞ୍ଜାନ୍ ଇଚା ଇସାବେ କୁକ୍ୟାତାଣ୍ଡା, ଇସ୍ପୁର ଜେ ଝିଜୁ ବିସ୍ତେ ହେଞ୍ଜାରିତି ହାର କିନାନ୍, ଇଦାଂ ଆପ୍ ପୁନାପ୍ । ୨୯ ଇନେରିଂ ଇସ୍ପୁର ବାଟି କିତାନ୍ନା, ହେଞ୍ଜାରିଂ ହେଞ୍ଜାନ୍ତି ମାଜିତି ଲାକେ ଆଦେଂ କାଜିଂ ଆଗେତାଂ ବାଟି କିତାନ୍ନା । ତାଆତିସ୍, ଇସ୍ପୁରତି ମାଜି ହେଞ୍ଜାରିତି ଗାଜା ଟଣ୍ଡେନ୍ ଆନାନ୍ । ୩୦ ଇମ୍ଫାକାର ଏଲେଙ୍ଗ ବାଟି କିୟା ଆଜି କୁକ୍ୟାତାଣ୍ଡା, ହେଞ୍ଜାରି ଇସ୍ପୁରତି କାଣ୍ଡକୃତ ଦାମିଂ ଇନ୍ୟାଜି ଜାଜମାଲ୍ ଆତାଣ୍ଡା ।

ଜିସୁ କ୍ରିସ୍ଟ ତାକେ ଇସ୍ପୁରତି ଜିଉନନାକା

୩୧ ବାଟିଙ୍ଗ ଇ ଝିଜୁ କାଣ୍ଡକୃତ ଆପ୍ ଇନାକା ଇନାସ୍ ? ଜଦି ଇସ୍ପୁର ମା ପାକ୍ୟା, ବାଟିଙ୍ଗ ମା ବିନ୍ ପାକ୍ୟା ଇନେର ? ୩୨ ଇନେର ଜାର ମାଜିଙ୍ଗ୍ ପା କେମା କିଞ୍ଜାତାନ୍, ମତର ମା ଝିଜାର କାଜିଂ ହେଞ୍ଜାନ୍ ହେଲାଇ କିତାର, ହେଞ୍ଜାନ୍ ଇନେସ୍ ହେଞ୍ଜାନ୍ ଲାହାଙ୍ଗ୍ ପା ଝିଜୁ ବିସ୍ତେ ମାଙ୍ଗେଙ୍ଗ ଉପକାରତ ଦାନ୍ କିଉନ୍ ? ୩୩ ଇସ୍ପତ୍ ବାଟିକିତି ମାନାୟାରତି ବିରୁଡ଼ତ ଇନେର ଦାବା କିତାର ? ହେଞ୍ଜାରିଂ ଦସିଆକାୟ ଇଞ୍ଜି ନିଜେ ଇସ୍ପୁର ପୁଟାୟ କିତାନ୍ନା । ୩୪ ଇନେର ଦାଣ୍ଡ ବଲ୍ ହିଦନାନ୍ ? କ୍ରିସ୍ଟ ଜିସୁତ ହାତାନ୍, ଇତିସ୍ ହେଞ୍ଜାନ୍ ନିଙ୍ଗତାନ୍, ହେଞ୍ଜାନ୍ ଇସ୍ପତ୍ ତିନିବାଗାଂ ମାନାନ୍, ହେଞ୍ଜାନ୍ ପା ମା କାଜିଂ ମାଜାୟନିକା ପାର୍ତାନା କିନାନା । ୩୫ କ୍ରିସ୍ଟି ଜିଉନନିତାଂ ଇନେର ମାଙ୍ଗେଙ୍ଗ ଆଲଗା କିଦନାର ? କି ଦୁକ୍, କି କସ୍, କି ଇଣ୍ଡ, କି

କାତାର, କି ନାଗଡ଼ା, କି ବିପଦ, କି କାଣ୍ଡା ? ୩୭ ଇନେସ୍ ସାସ୍ତ୍ରତ ଲେକାତାତନା,

“ମି କାଜିଂ ଆପେଂ ସବୁ ଦିନ୍ ହାନାପା; ଆସେଙ୍ଗ୍

ଅହ୍‌ୟାତି ମେଣ୍ଡା ଲାକେ ଗାଣା କିୟାତାପ୍‌ନା ।”

୩୭ ଆତିସ୍‌ପା ଇନେର୍ ମାଙ୍ଗେଙ୍ଗ୍ ଜିଉନଡ଼ତାନ, ହେଞ୍ଜାନ୍ତି ହୁକେ ଆପ୍ ଇ ଝିନ୍ତୁ ବିସ୍ତେ ସବୁତାକେ ଜିତା ଆତାପ୍‌ନା । ୩୮ ଆନ୍ ହାତ୍‌ପା ପୁନାଙ୍ଗ୍ ଜେ ହେଞ୍ଜାନ୍ ଜିଉନନିତାଂ ଆସେଙ୍ଗ୍ ଇନାଞ୍ଜାତାଂ ବିନେ ଆଉସ୍ । ହାକି କି ଜିବୁନ୍, ସରଗ୍ ଦୁଡ଼ କି ଆକାସ୍‌ନି ଇମ୍‌ଣାକା ପା ଆଦିକାରି କି ସାଲ୍ଲି, ନଂ କି ଝାନିଦିନ୍ତ, ୩୯ ଜପିନି ବିସ୍ତେ କି ବୁଇନି ବିସ୍ତେ କି ବିନ୍ ଇମ୍‌ଣା ଉବ୍‌ଜାତି ଜିନିସ୍ ମା ମାପୁ କ୍ରିସ୍ଟୁ ଜିସ୍ତି ହୁକେ ହତି ଇସ୍‌ବତ୍ ଜିଉନନିତାଂ ଜେ ମାଙ୍ଗେଙ୍ଗ୍ ବିନେ କିଦେଙ୍ଗ୍ ଆଡୁଡ଼ ।



ଇସ୍‌ବର୍ ଆରି ହେଞ୍ଜାନ୍ତି ମାନାୟାର୍

୧ ଇଦାଂ ଆନ୍ କ୍ରିସ୍ଟୁତି ମୁମ୍‌ବ ହାତ୍‌ପା ଇଞ୍ଜିନାଙ୍ଗା, ମିର୍ ଇନୁଙ୍ଗା, ନା ଚିନ୍ତା ପୁଇପୁୟା ଜିବୁନ୍ତି ସାଲ୍ଲିତାଂ ନା ଲାହାଙ୍ଗ୍ ସାକି ହିଦ୍‌ନାନା, ୨ ଆନ୍ ଜେ ଏରେକ୍ ବିପ୍ରି ଆରି ବେସି ଦୁକ୍‌ତ ନା ଝାସ୍ତି ଏରେକ୍ ଝାସ୍ତାତନା, ଇ କାତା ଆନ୍ ପଲ୍ୟା ଇନୁଙ୍ଗା । ୩ ଇନେକିଦେଂକି ଇମ୍‌ଣାକାର୍ ଗାଗାଡ଼୍ ବାବ୍ରେ ନା ଜିହୁଦିର୍ ଟଣ୍ଡାର୍, ତଣ୍ଡେକ୍ କାଜିଂ ଆନ୍ ନିଜେ କ୍ରିସ୍ଟୁତାଂ ବିନେ ଆଜି ଇସ୍‌ବର୍ତି ହୁକେ ସାଇପ୍ କାଜିଂ ଇଚା । ୪ ଇସ୍‌ବର୍ ହେଞ୍ଜାରିଂ ଜାର୍ତିଂ ଇସ୍‌ସାଏଲିୟ୍ ମାଜି ଲାକେ ଇଡ଼୍‌ଜି ହେଞ୍ଜାର୍ ଲାଗାଂ ଜାର୍ତି ଜାଜ୍‌ମାଲ୍ ନିୟ୍‌ମ୍ ହପ୍‌ତି ମାଚାର୍; ହେଞ୍ଜାର୍ ଲାହାଂ ଲାଗାଜି ହେଞ୍ଜାରିଂ ବିଦି ହିଜି ମାଚାଙ୍ଗ୍, ହେଞ୍ଜାର୍ ହାତ୍‌ପା ପାର୍ତାନା କିନାର୍; ହେଞ୍ଜାର୍ ଇସ୍‌ବର୍ତାଂ ଜାଣା ପାୟାତାଣ୍ଡା । ୫ ଆକର୍ ଦାଦିର୍ ହେଞ୍ଜାର୍ତି, ଆରେ ଗାଗାଡ଼୍ ବାବ୍ରେ ହେଞ୍ଜାର୍ ବିଡ୍ରେତାଂ କ୍ରିସ୍ଟୁ ହତ୍‌ତାନନା; ହେ ଦୟାନି ଇସ୍‌ବର୍ ଜୁଗ୍ ଜୁଗ୍ ଦନ୍‌୩, ଆମେନ୍ ।

୬ ଇସ୍‌ବତ୍ ରାଣ୍ ଆଞ୍ଜାତାତନା ଇଞ୍ଜି ଆନ୍ ଇନୁଙ୍ଗା, ଇନେକିଦେଂକି ଇସ୍‌ସାଏଲ୍ ଝିଜାର୍ ଇସ୍‌ବର୍ତି ଲକୁ ଆକାୟ୍, ୭ ନଲେ ଅବ୍ରାହାମ୍ ଲାତ୍ରା ଇଞ୍ଜି ଜେ ଝିଜାର୍ ମାଜିର୍, ହେଦାଂ ଆକାୟ୍; ମାତର୍ “ଇସ୍‌ହାକ୍ ତାକେ ମି ଲାତ୍ରା ତାକ୍‌ପୁଟା ଆନାଡ଼ ।” ୮ ଇବେନି ଅରଡ଼ ଇଦାଂ, ଗାଗାଡ଼୍

ବାବେ ଇମ୍ବି ମାଜିର ହେଞ୍ଜାର ଜେ ଇସ୍ବତ୍ ମାଜିର, ହେଦା ଆକାୟ ମାତର୍ ପାର୍ମାଣ୍ କିତି ମାଜିର ଲାତ୍ରା ଲାକେ ଗାଣାକିୟାନାର ।^୯ ଇନେକିଦେଂକି ଇଦା ତ ପାର୍ମାଣ୍ କିତି ବତନ୍, ଇ ଦିନ୍ତ ଆପେଂ ଖାନାକା, ଆରେ ସାରା ର ମାଜି ଗାଟା ଆଜି ମାନଗାନାତ୍ ।^{୧୦} ଆରେ କେବଲ୍ ହେଦା ଆକାୟ, ମାତର୍ ରିବିକା ପା ରଞ୍ଜାନ୍ ମାନାୟ ହୁଦା, ଇଟିସ୍ ମା ଆକର୍ ଇସ୍ହାକ୍ ହୁଦା ମାଜେଙ୍ଗ୍ ଆସ୍ତି ପାଟେ, ^{୧୧} ଏଟେକାଡ୍ ହିମ୍ଗା ଜଲମ୍ ଆଞ୍ଜାଦା ମାଟାର, ଆରେ ହାର ନଲେ ବାନା କିଞ୍ଜାଦା ମାଟାର, ହେପାଦନା କାମାୟ କାଜି ଆକାୟ, ମତର୍ କୁକ୍ୟାତାର୍ତି ଇଟା କାଜି ବାଟି କିତି ଇସାବେ ଇସ୍ବତ୍ ଇଟା ଇନେସ୍ ତିର ମାନଗାନାତ୍, ^{୧୨} ଇଦା କାଜି ଇ କାତା ତାଙ୍ଗ୍ ଇନା ଆଜି ମାଟାତ୍, “ଗାଜାକାନ୍ ହାରୁକାନ୍ତି ଆଡ୍ ଏନ୍ ଆନାନ୍; ^{୧୩} ଇନେସ୍ ଲେକାମାନାତ୍, ଜାକୁବ୍ ଆପ୍ ଜିଉନତାପ୍, ମାତର୍ ଏସୌତିଙ୍ଗ୍ ଗିଣ୍ କିତାପ୍ ।”

^{୧୪} ବାଟିଙ୍ଗ୍ ଆସେଙ୍ଗ୍ ଇନାକା ଇନାସ୍ ? “ଇସ୍ବର୍ ତାକେ କି ଇନାକା ଅନାୟ ମାନାତ୍ ? ହେଦା ଇନାଞ୍ଜାଡାଙ୍ଗ୍ ପା ଆମେଡ୍ ।” ^{୧୫} ଇନେକିଦେଂକି ହେଞ୍ଜାନ୍ ମସାଙ୍ଗ୍ ଇନାନା, “ଇନାକା ଜପି ମା ଦୟା ମାନାତ୍, ହେଦେଲି ଆସେଙ୍ଗ୍ ଦୟା କିନାସ୍, ଆରେ ଇନାକା ଜପି ମା କାର୍ମା ମାନାତ୍, ହେଞ୍ଜାନ୍ ଆସେଙ୍ଗ୍ କାର୍ମା ଆନାପ୍ ।” ^{୧୬} ଲାଗି, ଇନେର୍ ମାନ୍ କିନାନ୍, କି ଇନେର୍ ସେସ୍ଟା କିନାନ୍, ହେଦା ତା ଇଦା ଆଉଡ୍, ମତର୍ ଦୟାଲୁ ଇସ୍ବର୍ତା ଆନାତ୍ । ^{୧୭} ଲାଗି ସାସ୍ବର୍ ପାରଙ୍ଗ୍ତି ଇନାତ୍, ଆପ୍ ଇନେସ୍ ମି ତାକେ ମା ସାକ୍ତି ଚର୍ନାସ୍, “ଆରେ ଇନେସ୍ ଖିଜୁ ପୁତ୍ ତ ମା ତର୍ ଚଞ୍ଜିୟା ଆନାତ୍, ଇ ଇଦା କାଜି ତ ଆପ୍ ମିଙ୍ଗେଙ୍ଗ୍ ନିକ୍ତାତାପ୍ ।” ^{୧୮} ଲାଗି, ହେଞ୍ଜାନ୍ ଇନେରି ମାନ୍ କିନାନ୍, ହେଞ୍ଜାନ୍ ଦୟା କିନାନ୍, ଆରେ ଇନେରି ଇଟା କିନାନ୍, ହେଞ୍ଜାନ୍ ଆଞ୍ଜା କିନାନ୍ ।

ମାପୁତି ରିସା ଆରି ଦୟା

^{୧୯} ଇବେ ଏପ୍ ନାଙ୍ଗ୍ ଇଞ୍ଜନାଦେରା, “ତେବେ ହେଞ୍ଜାନ୍ ଆରେ ଦସ୍ ଆସ୍ତାନାର ଇନେକିଦେଂ ? ଇନେକିଦେଂକି ହେଞ୍ଜାନ୍ତି ଇଟା ଇନେର୍ ବିରୁଦ୍ କିଦେଙ୍ଗ୍ ଆଡ୍ନାର୍ ?” ^{୨୦} ମାତର୍ ଏ ମାନାୟ, ଏନେଙ୍ଗ୍ ଇନାକାୟ ଜେ ଇସ୍ବର୍ତି ବିରୁଦ୍ କିନାଦେର୍ ? ରଚ୍ତି ଆଡ୍ନାତ୍,

କି ରତ୍ନକାନ୍ତିଂ ଇନାଦେର୍, ନାଜ୍ ଇଲାକେ ରତ୍ନକାନ୍ତିଦେର୍
ଇନାକିଦେଂ ? ୨୧ କି ର ଚିକ୍ଲାତାଂ ର ବାହା ସସ୍ କାଜିଂ ଆରି ବିନ୍ନିକା
ସସ୍ କିଞ୍ଜି କାଜିଂ ରତ୍ନ କାଜିଂ କି ଚିକ୍ଲା ଜପି କୁମ୍ରେନ୍ ଆଦିକାର୍
ଆକାୟ୍ ?

୨୨ ମାତର୍ ଇସ୍ବର୍ ଜାର୍ ରିସା ଚର୍ନି କାଜିଂ ଆରି ଜାର୍ ସାକ୍ତି
ଜାଣାୟ୍ କିନି କାଜିଂ ଇଚା କିତିସ୍ ପା ଜଦି ନାସ୍ ଜାଲ୍ଦି ଆଜି ମାତି
ରିସାନି ବାହାନିକିଂ କାଜିଂ ଲାମାହୁଦାର୍ ଲାହାଜ୍ ସାସ୍ ଆସ୍ତାତାର୍ଣ୍ଣା,
୨୩ ଆରେ, ଜଦି ଜାଜ୍ ମାଲ୍ କାଜିଂ ହେଞ୍ଜାନ୍ତି ହୁକେ ଆଗେତାଂ ରତ୍ନକାଜି
ମାନାକା ଦୟାନି ଲଗୁ ଜେ ଆସେଜ୍, ମା ଲାଗାଂ ଜାଜ୍ ମାଲ୍ ଲାକେ
ଦାନ୍ ହପ୍ନି କାଜିଂ ହେଦାଂ କିତାର୍ନା; ତା ଆତିସ୍ ଏପେଜ୍ ଇନାକା
ଇନାଦେର୍ ? ୨୪ ହେଦାଂ କାଜିଂ ତ ହେଞ୍ଜାନ୍ କେବଲ୍ ଜିହୁଦିର୍
ବିତ୍ରେତାଂ ଆକାୟ୍, ମତର୍ ପାତ୍ କିଞ୍ଜି ଜିହୁଦିର୍ ବିତ୍ରେତାଂ ପା
ମାଜେଜ୍ କୁକ୍ତାତାନ୍ନା, ୨୫ ଇନେସ୍ ହେଞ୍ଜାନ୍ ହସେୟ୍ତି ପତିତ ପା
ଇନାନ୍,

“ଇମ୍ବାକାର୍ ମା ଲକ୍ ହିଲ୍ ଖାତାର୍,
ହେଞ୍ଜାରିଂ ନିଜ୍ତି ମା ଲକ୍ ବାବ୍ରେ କୁକ୍ନାପ୍ ।”
ଇମ୍ବା ଜାତିତିଂ ଆପ୍ ଜିଉନଖାଦାଂ ମାତାପ୍, ହେଞ୍ଜାନିଂ
ମା ଖାରିନିକାନ୍ ଇଞ୍ଜି ଇନାସ୍; ୨୬ “ଆରେ, ଇମ୍ବା ବାହାତ
ଏପେଜ୍ ମା ଲକ୍ ଆକାୟ୍ ଇଞ୍ଜି ହେଞ୍ଜାରିଂ ଇନାଜି ମାତାତ୍,
ହେ ବାହାତ ହେଞ୍ଜାର୍ ଜିତି ଇସ୍ବର୍ ମାଜିର୍ ଇଞ୍ଜି ଡାକ୍ ପୁଟା
ଆନାର୍ ।”

୨୭ ଆରେ, ଜିସାୟ୍ ଇସ୍ବାଏଲ୍ ବିସ୍ତେ ଗାଜା କାଟ୍ତାଂ ଇନାର୍,
“ଇସ୍ବାଏଲିୟାର୍ ମାଜିର୍ତି ଗିଶ୍ନି ହାମ୍ବୁରନି ବାଲି ଲାକେ ଆତିସ୍
ପା କେବଲ୍ ବାକି ମୁକ୍ତି ଆନାକା ପାୟା ଆନାର୍ ।” ୨୮ “ଲାଗିଂ ମାପୁ
ପୁତ୍ ଜାର୍ ବଚନ୍ତ ବାତ୍ କିନାନ୍, ହେଞ୍ଜାନ୍ ହେଦାଂ ପୁରା
ଲାକେ ଅଲପ୍ କିନାନ୍ ।” ୨୯ ଆରେ, ଇନେସ୍ ଜିସାୟ୍ ଆଗେ ଇଚାନ୍ନା,
“ବୁଡ୍ କୁ ମାପୁ ଜଦି ମା କାଜିଂ ର ବାକି ଇଡ୍ ଖାତାନ୍ ମା, ବାଟିଜ୍
ଆସେଜ୍ ସଦମ୍ ଲାକେ ଆତାସ୍ ମା, ଆରି ଗମରା ସମାନ୍ କିୟା
ଆତାସ୍ ମା ।”

ଇସ୍ବାଏଲ୍ କାଜିଂ ପାଉଲ୍ ଡି ପାର୍ଡାନା

୩୦ ବାଟିଙ୍ଗ୍, ଆସେଙ୍ଗ୍ ଇନାକା ଇନାସ୍ ? ଇମ୍‌ଣି ପାତ୍ କିଞ୍ଜି ଜିହୁଦିର୍ ଦାମ୍ ଆଦେଂ ମାନ୍ କିଞ୍ଜାଦାଂ ମାଚାର୍, ହେଞ୍ଜାର୍ ଦାମ୍, ଇ ଲାକେ କି ପାତ୍ ଲାକେ ଦାମ୍, ଲାବ୍ କିତାର୍‌ନା । ୩୧ ମାତର୍ ଇସ୍ରାଏଲ୍ ଦାମ୍ ମସାତି ବିଦି ପାଚେ ହାଲୁ ହାଲୁ ହେ ମସାତି ବିଦି ପାଚେକ୍ ଏକାଞ୍ଜାତାନ୍ । ୩୨ ଇନେକିଦେଂ ? ଇନେକିଦେଂକି ହେଞ୍ଜାର୍ ପାତ୍ ହୁକେ ହେଦାଂ ଦାହ୍‌ଞ୍ଜାଦାଂ କାମାୟ୍ ହୁକେ ଦାସ୍ତି ମାଚାର୍ । ହେଞ୍ଜାର୍ ହେ ବାଦା ହିଜି ମାନି କାଲ୍‌ଦ ବାଦା ପାୟାଜି ଉଜ୍‌ଡାର୍, ୩୩ ଇନେସ୍ ଲେକାମାନାଡ୍,

“ହୁଡାର୍ ଆସେଙ୍ଗ୍ ସିୟନ୍‌ଡ
 ର ବାଦା ବାର୍‌ତି କାଲ୍ ଆରି ବାଦା ବାର୍‌ତି କାଲ୍ ରବ୍‌ପ୍‌ନା,
 ଆରେ ଇନେର ତାତାକେ ପାତ୍ କିନାନ୍,
 ହେଞ୍ଜାନ୍ ଲାଜା ଆଉନ୍ ।”

୧୦

୧ ଏ ଚଣ୍ଡାର୍ ଆରି ତଣଦେକ୍, ହେଞ୍ଜାର୍ ଇନେସ୍ ମୁକ୍‌ଡାଦେଂ ଆଡ୍‌ନାର୍, ଇଦାଂ ନା ଞ୍ଜାସ୍‌ନି ଆହା ଆରି ହେଞ୍ଜାର୍ କାଜିଂ ଇସ୍‌ତ୍ ଲାଗେ ନା ପାର୍‌ତାନା । ୨ ଇନେକିଦେଂକି ଇସ୍‌ତ୍ ବିସ୍ତେ ଜେ ହେଞ୍ଜାର୍‌ତି ଇଚା ମାନାଡ୍, ଇଦାଂ ଆନ୍ ହେଞ୍ଜାର୍ ପାକ୍ୟାତ ସାକି ହିନାଙ୍ଗା, ମାତର୍ ହେ ଇଚା ଗିଆନ୍‌ମେହା ଆକାୟ୍ । ୩ ଲାଗିଂ ମାନାୟ୍‌ତି ଦାମ୍ କିଜି ଇଡ୍‌ଦେଂ କାଜିଂ ଇସ୍‌ର ହିଡ୍‌ତି ଦାମ୍ କାତା ବିସ୍ତେ ପୁନ୍‌ଞ୍ଜାଦାଂ ଆରି ଜାର୍ ଜାର୍ ଦାମ୍ କାତା ରବ୍‌ଚେଙ୍ଗ୍ ସେସ୍ଟା କିଜି ହେଞ୍ଜାର୍ ଇସ୍‌ର ହିଡ୍‌ତି ଦାମ୍ କାତା ପୁନ୍‌ଞ୍ଜାତାଣ୍ଟା । ୪ ଇନେକିଦେଂକି ଜାଣକେ ପାତ୍ କିନାକାର୍ ପାକ୍ୟାତ ଦାମ୍ ଗାଣାକିୟା ଆନି କାଜିଂ କ୍ରିସ୍ଟୁ ବିଦିନି ହାରିହାରା ।

ଓଜାର୍ କାଜିଂ ମୁକ୍‌ଡାନାକା

୫ ଇନେକିଦେଂକି ମସା ଲେକିକିତାନ୍‌ନା, ଇମ୍‌ଣି ମାନାୟ୍ ବିଦିନି ଦାମ୍ ପାଲି କିନାନ୍, ହେଞ୍ଜାନ୍ ତା ହୁକେ ଜିନାନ୍ । ୬ ମାତର୍ ପାତ୍ ବାର୍‌ତି ଦାମ୍ ଏଲେଙ୍ଗ୍ ଇନାଡ୍, “ମାତ୍ତ ମାତ୍ତ ଇନ୍‌ମାଟ୍ ‘ଇନେର ସାଗେ ଦୁମନାର୍’ ଇଚିସ୍ କ୍ରିସ୍ଟୁଙ୍ଗ୍ ଜୁଡ୍‌ତି ତାନି କାଜିଂ ? ୭ କି ‘ଇନେର ପାତାଲ୍‌ଡ ଜୁନାନ୍’ ଇଚିସ୍, କ୍ରିସ୍ଟୁଙ୍ଗ୍ ହାତାକାର୍ ବିତ୍ରେତାଂ

ନିକ୍ତ ତାହିଝାନି କାଜି ?” ୮ ଇନେକିଦେଂକି ସାସ୍ତର ଇସାପ୍ରେ,
 “ଇସ୍ତରତି କାତା ମି ଲାଗେ, ମି ମୁମ୍ ଆରି ମାନ୍ତ ମାନାତ୍ ।” ପାତ୍
 ବିସ୍ତେ ଇ କାରୁର ନେ ଆପ୍ ସୁଶାୟ୍ କିନାପା । ୯ ଲାଗିଂ ଏପେଙ୍ଗ୍ ଜଦି
 ଝାଇଦାଂ ଜିସୁ ମାପୁ ଇଞ୍ଜି ମାନି କିନାଦେର୍, ଆରେ ଇସ୍ତର ହେଝାନିଂ
 ହାତାକାର ବିତ୍ରେତାଂ ନିକ୍ତାନନା ଇଞ୍ଜି ଝାସ୍ତିତ ପାତ୍ କିନାଦେର୍,
 ବାଟିଙ୍ଗ୍ ମୁକ୍ତି ଆନାକା ପାୟାନାନ୍; ୧୦ ଇନେକିଦେଂକି ଦାମ୍ କାତା
 ପାୟାନି କାଜିଂ ମାନାୟ୍ ଝାସ୍ତିତ ପାତ୍ କିନାନ୍ ଆରି ମୁକ୍ତାନାକା
 ପାୟାନି କାଜିଂ ଝେଇଦାଂ ମାନି କିନାନ୍ । ୧୧ ଲାଗିଂ ସାସ୍ତର ଇନାତ୍,
 ଇମ୍ଫାକାର ହେଝାନ ତାକେ ପାତ୍ କିତାର, ହେଝାନ ଲାଜା ଆଉନ୍
 । ୧୨ ଇନେକିଦେଂକି ଜିହୁଦି ଆରି ଗ୍ରିକ୍ ବିତ୍ରେ ଇନାକାପା ବିନେ
 ଆକାୟ୍, ଲାଗିଂ ଝିଜାର୍ତ୍ତ ତ ର ମାପୁ, ଆରେ ଏଚେକ୍ ଲକ୍ ହେଝାନତି
 ଲାଗାଂ ପାର୍ତାନା କିତାର, ହେଝାନ ଝିଜାର୍ କାଜିଂ ହେଝାନ ଉପକାରନ୍
 ଦାନଲକେ । ୧୩ ଇନେକିଦେଂକି ଇମ୍ଫାକାର ମାପୁତ ତର ଆସ୍ତି
 ପାର୍ତାନା କିନାନ୍, ହେଝାନ ମୁକ୍ତି ଆନାନ୍ ।

୧୪ ବାଟିଙ୍ଗ୍ ଇନେରିଂ ହେଝାର୍ ପାତ୍ କିଝାତାଣ୍ଟା, ହେଝାନ ଲାଗାଂ
 ଇନେସ୍ ପାର୍ତାନା କିତାର ? ଆରେ ଇନେରୁତି କାତା ହେଝାର୍
 ଝେନ୍ଝାତାଣ୍ଟା, ଇନେସ୍ ହେଝାନତାକେ ପାତ୍ କିତାର ? ଆରେ
 ସୁଶାୟ୍ କିନାକାର ପିସ୍ତି ହେଝାର୍ ଇନେସ୍ ଝେନାର ? ୧୫ ଆରେ
 ପକ୍ୟାତାକାନ୍ ଆଝିତିସ୍ ଇନେସ୍ ସୁଶାୟ୍ କିନାର ? ଇନେସ୍
 ଲେକାମାନାତ୍, “ଇମ୍ଫାକାର ନେକ୍ରି ବିସ୍ତେନି ନେକ୍ରିକାରୁର୍ ତାନାର,
 ହେଝାର୍ତି ପାନା ଇନେସ୍ ହାର୍ମେହାଣ୍ଟ ।” ୧୬ ମାତର୍ ଝିଜାର୍ ହେ
 ନେକ୍ରିକାରୁର୍ ମାନିକିଝାତାଣ୍ଟା । ଇନେକିଦେଂକି ଜିସାୟ୍ ଇନାନ୍, “ଏ
 ମାପୁ, ମା କାରୁର୍ ଝେନ୍ଝି ଇନେର୍ ପାତ୍ କିତାରନା ?” ୧୭ ଲାଗିଂ,
 ନେକ୍ରିକାରୁର୍ ଝେନି ହୁକେ ପାତ୍ ଉର୍ଜା ଆନାତ୍ ଆରି କ୍ରିସ୍ତୁତି ବଚନ୍
 ପର୍ତାର୍ କିନାକା ନେ ହେ ନେକ୍ରିକାରୁର୍ ।

୧୮ ମାତର୍ ଆନ୍ ଇନାଙ୍ଗ୍, ହେଝାର୍ କି ଝେନ୍ଝାତାଣ୍ଟା ? ଆଁ ହାତ୍ପା
 ସାସ୍ତରତ ଲେକାମାନାତ୍;

“ସରୁ ପୁତ୍ ତ ହେଝାର୍ତି କାର୍,

ଆରେ ପୁତ୍ର ନି ହାନ୍ଦି ପାତେକ୍ ହେଞ୍ଜାରତି ବଚନ୍ ଓଁଶୁଜି ହାଚାଡ଼ନା ।”

୧୯ ମାତରୁ ଆନ୍ ଇନାଙ୍ଗ୍, ଇସ୍ରାଏଲ୍ ଇନାକା ପୁନ୍‌ଖାତାଣ୍ଣା ? ପର୍ତୁମ୍ତ ମସା ଇନାନ୍,

“ଆସେଙ୍ଗ୍ ଗାଣା କିଆଞ୍ଜି

ଜାତିର୍ ହୁକେ ମି ତାରା ଉବ୍‌ଜାୟ୍ କିନାପ୍,
ର ବୁଦିହିଲ୍‌ଞ୍ଜି ଜାତି ହୁକେ ମିଙ୍ଗେଙ୍ଗ୍ ରିସାକିୟ୍ କିନାପ୍ ।”

୨୦ ତାପାଚେ ଜିସାୟ୍ ସାସତାଂ ଇନାନ୍,

“ଇମ୍‌ଶାକାର୍ ମାଙ୍ଗ୍ ଦାସ୍ରାଞ୍ଜାଦାଂ ମାଚାର୍, ହେଞ୍ଜାର୍ ମାଙ୍ଗେଙ୍ଗ୍ ପାୟା ଆଡାର୍;

ଇମ୍‌ଶାକାର୍ ମା ବିସ୍ତେ ସୁଶାୟ୍ କିଞ୍ଜାଦାଂ ମାଚାର୍, ହେଞ୍ଜାର୍ ଲାଗାଂ ଆସେଙ୍ଗ୍ ଚଞ୍ଜିୟା ଆତାସ୍ ।”

୨୧ ମାତରୁ ହେଞ୍ଜାନ୍ ଇସ୍ରାଏଲ୍ ବିସ୍ତେ ଇନାନା, “ଆସେଙ୍ଗ୍ ବଲ୍ ମାନିକିଞ୍ଜାଦାଂ ଆରି ଓଁଜୁ କୁଚୁମ୍ ମାନାୟାର୍ କାଜିଂ ଖେଡାବୁଡି କେଇ ଲାମାୟ୍ କିନାପା ।”

୧୧

ଇସ୍ରାଏଲ୍‌ନିକାର୍ କାଜିଂ ଇସ୍ପରତି ଦୟା

୧ *ତେବେ ଆନ୍ ଇନାଙ୍ଗ୍, ଇସ୍ପର କି ଜାର୍ ଲକାରିଂ ପିସ୍ରାନ୍ନା ? ହେଦାଂ ଇନାଞ୍ଜାତାଙ୍ଗ୍ ଆମେଡ୍, ଇନେକିଦେଂକି ଆନ୍ ପା ଅବ୍ରାହାମ୍ ଲାତ୍ରା ଉବ୍‌ଜାଣ୍ ବିନ୍‌ୟାମିନ୍ କୁଚୁମ୍‌ନି ରଞ୍ଜାନ୍ ଇସ୍ରାଏଲିୟ୍ ଲକ୍ ।

୨ ଇସ୍ପର ଜାର୍ତି ଇମ୍‌ଶି ମାନାୟାରିଂ ଆଗେତାଂ ପୁନ୍‌ଞ୍ଜି ମାଚାନ୍, ହେଞ୍ଜାରିଂ ପିହିଞ୍ଜାଦାଂ ମାଚାନ୍ । ଏଲିୟତି ଲେକାତ ସାସ୍ପର ଇନାକା ଇନାଡ୍, ହେଦାଂକି ଏପେଙ୍ଗ୍ ପୁନ୍‌ଦେର୍ ? ହେଞ୍ଜାନ୍ ଇନେସ୍ ଇସ୍ରାଏଲ୍ ବିରୁଡ୍‌ତ ଇସ୍ପରତି ତାକେ ଗଞ୍ଜାରି କିନାନ୍, ୩ “ମାପୁ, ହେଞ୍ଜାର୍ ମି ବେଶ୍‌ବାକ୍‌ଶାୟ୍‌କିନାକାରିଂ ଅସ୍ରାଣ୍ଣା, ମି ଗାର୍‌ଶିଙ୍ଗ୍ କାର୍‌ତାର୍‌ନା, ଆରେ ଆନ୍ ରଞ୍ଜାଙ୍ଗ୍ ବାକି ମାନାଙ୍ଗ୍, ଆରେ ହେଞ୍ଜାର୍ ନା ଜିବୁନ୍ ଅଦେଂ ଦାସ୍ରାନାରା ।” ୪ ଏଲିୟଙ୍ଗ୍ ଇସ୍ପର ଇନା ଉତର୍ ହିଜି ମାନାନ୍ ? “ବାମ୍‌ଶ୍ରାୟ୍‌କିନି ପେନ୍ ବାଆଲ୍ ପୁଡ୍‌ଡାତିଂ ପୁଜା କିଜି ମାନ୍‌ଞ୍ଜି ସାଡ୍ ହାଜାର୍ ମାନାୟତିଂ ମା କାଜିଂ ଇଡ୍‌ତାପ୍‌ନା ।” ୫ ନଂ ସମାନ୍ ହେ

☆ ୧୧:୧ ୧୧:୧ ପିଲିପିୟ ୩:୫.

ଲାକେ ଗିଟାତାଡ଼ନା । ଇସ୍‌ସୁର ଉପକାର କିଛି ଇମ୍‌ଣାକାରିଂ ବାଟି କିଛି ମାତାନ୍, ହେୱାର୍‌ତି ବିତ୍ରେତାଂ ଅଲପ୍ ଏଚେକ୍ ଜାଣ୍ ବାକି ମାନାର୍ । ୭ ଇସ୍‌ସୁର ହେୱାରିଂ ବାଟି କିତାନନା ଜାର୍ ଉପକାର୍ କାଜିଂ । ଜଦି ହେୱାର୍‌ତି ସତ୍ କାମାୟ୍ ଲାଗିଂ ଇସ୍‌ସୁର ହେୱାରିଂ ବାଟି କିଛି ମାଟିସ୍, ହେୱାର୍‌ତି ଉପକାର୍ ହାଡ଼ପା ଉପକାର୍ ଆୱାତାମ୍ ।

୭ ୱାଟିଂ ଇନାକା ଆତାଡ଼ ? ଇସ୍‌ସାଏଲ୍‌ୟର୍ ଇନାକା ତେକ୍‌ତି ମାତାର୍, ହେଦାଂ ଗାଟା ଆୱାତାର୍ । କେବଲ୍ ଇସ୍‌ସୁର ବାଟି କିତି ରଞ୍ଜାଙ୍ ହାରୁ କୁଦା ତାଦାଂ ଗାଟା ଆତାନ୍ । ବିନ୍ ଲଗ୍ ଇନେର୍ ଇସ୍‌ସୁରତି କୁକ୍‌ତାକା କାଜିଂ ଦିଆନ୍ ହିୱାତାର୍ । « ଇନେସ୍ ଲେକାମାନାଡ଼, “ଇସ୍‌ସୁର ନେଞ୍ଜେଙ୍ ପାତେକ୍ ହେୱାରିଂ ଆର୍‌ୱାନି ଜିବୁନ୍ ହିତାର୍‌ନା, ଇ ଲାକେ କାଣ୍‌କୁ ହିତାର୍‌ନା, ଇନେସ୍ ହେୱାର୍ ହୁଡ଼ରୁ, ଆରେ ଇ ଲାକେ କିତୁଲ୍ ହିତାର୍‌ନା, ଇନେସ୍ ହେୱାର୍ ୱେନୁର୍ ।” ୯ ହେୱାର୍‌ତି ବିସ୍ତେ ଦାଉଦ୍ ଲେକିକିତାନ୍; «ହେୱାର୍ ୱାରିକିନି ୱେଡ଼ାଲିଂ ଡ଼କ୍‌କାତ ଆରେ ।

ବୁଡ଼ା ଆଜି ଡାଣ୍ଟ ବଗ୍ କିଏର୍ ।”

୧୦ ଇନେସ୍ ହେୱାର୍ କାଣାଙ୍ ଆଜି ହୁଡ଼ଦେଂ ଆଡ଼ମେର୍, ତାଲନାଡ଼ ଦୁକ୍ କସ୍ ବଗ୍ କିଛି କିଛି ହେୱାର୍‌ତି ମ୍ଳେଙ୍ଗାଙ୍ ଗଂଜି ହାଲେଡ଼ ।

୧୧ ଲାଗିଂ ଆନ୍ ଇଞ୍ଜନାଙ୍, ହେୱାର୍ ଇନାକା ନସ୍‌ଆନି କାଜିଂ ଆସ୍‌ସ୍‌ର? ହେଦାଂ ଇନାୱାଡ଼ାଙ୍ ପା ଆମେଡ଼, ହେୱାର୍ ପାପ୍ କିତିଲେ, ହେୱାରିଂ ଆକର୍ ଆନି କାଜିଂ ପାତ୍ କିଞ୍ଜି ଜିହୁଦିର୍ ମୁକ୍‌ଡ଼ାନାକାନି ଆଦିକାରି କିଆତାଡ଼ । ୧୨ ଜିହୁଦିତ୍ ପାପ୍, ଜଗଡ଼ତ ବିନ୍ ଲଗାଂ କାଜିଂ ବେସି ଆସିର୍ବାଦ୍ ତାହିୱାତାଡ଼ନା । ଜିହୁଦିତ୍ ଆମିକ୍ ଅକ୍ ଡ଼ କାଜିଂ ପାତ୍ କିଞ୍ଜି ଜିହୁଦିର୍ ଆସିର୍ବାଦି ଦାନ୍ ଲାବ୍ କିତାଣ୍ଟା । ଜଦି ୱିଜାର୍ ଜାତି ରାକ୍ୟା ପାୟାଦେଂ ଆଡ଼ତାଟ୍, ତାଆତିସ୍ ତାହୁଦାଂ ଆରେ ଏଚେକ୍ ଆଦିକ୍ ଆସିର୍ବାଦ୍ ଗାଟା ଆଉଡ଼ ?

ପାତ୍ କିଞ୍ଜି ଜିହୁଦିର୍‌ତି ମୁକ୍‌ଡ଼ାନାକା

୧୩ ମାତର୍ ବିନଜାତି ଜେ ଏପେଙ୍, ମିଙ୍ଗେଙ୍ ଆନ୍ ଇଞ୍ଜନାଙ୍ । ଆନ୍ ପାତ୍ କିଞ୍ଜି ଜିହୁଦିର୍ କାଜିଂ ପକ୍ୟାତାକାନ୍ ନା ହେବା ପାଦ୍‌ନି

ଜାଜ୍‌ମାଲ୍ କିନାଲ୍, ୧୪ ଇନେସ୍ ଇନେସ୍‌ବାନି ନା ନିଜାର୍ ଜାତିରିଂ
 ତିରକାଡ୍ କିୟକିଜି ହେଝାର୍ ବିତ୍ରେତାଂ ଏତେକ୍ ଜାଣ୍ତିଂ ମୁକ୍ତି
 କିଦେଙ୍ଗ୍ ଆଡ୍‌ନାଂ । ୧୫ ଇନେକିଦେଂକି ଜଦି ହେଝାର୍‌ତି ଦେହାକିନି
 ହୁକେ ପୁତ୍ ଫେହାନାକା ଗିଟାତାଡ୍, ତେବେ ହେଝାର୍‌ତି ଇର୍‌ନାକା
 ହୁକେ ଇନାକା ହାଡ୍‌ପା ହାତାକାର୍ ବିତ୍ରେତାଂ ଜିବୁନ୍ ଲାବ୍ ଆଉଡ୍ ?

୧୬ ରୁଟିତାଂ ଇରୁଟିଂ ଇସ୍‌ବର୍ ତରଦାଂ ପୁଜା କିଜି ମାଟିସ୍ ପୁଇପୁୟା,
 ସବୁ ରୁଟି ପା ପୁଜା କିତାକା ଇନ୍‌ପାନାଡ୍ । ରଞ୍ଜାଙ୍ଗ୍ ମାର୍‌ଦିଂ ଦଲ୍ ପୁଜା
 ଆଜି ମାଟିସ୍, ତା କେନ୍ଦାଙ୍ଗ୍ ତାଡ୍ ପା ପୁଜା ଆକାଡ୍ ହିଆତାନା ଇଞ୍ଜି
 ବାବି କିଦେଙ୍ଗ୍ ଆନାଡ୍ । ୧୭ ମାତର୍ ଜଦି କେତେକ୍ କେନ୍ଦାଂ ତ୍ରିଙ୍ଗ୍‌ତିକ୍
 ଆରି ଏପେଙ୍ଗ୍ ରାକ୍ତି ଜିଡ୍ ମାର୍‌ନି କେନ୍ଦାଂ ଆତିସ୍‌ପା ହେ ସବୁ ବିତ୍ରେ
 କଲମ୍ କିତାର୍, ଆରେ ହେଝାର୍ ଲାହାଙ୍ଗ୍ ଜିଡ୍‌ମାର୍ ଦଲ୍‌ନି ରାସ୍‌ନି
 ମେହା ଆତାର୍, ୧୮ ଲାଗିଂ ହେ ତାଡ୍ ବିରୁଡ୍‌ତ ଗରବ୍ କିମାଟ୍; ମାତର୍
 ଜଦି ଗରବ୍ କିୟାଟ୍, ଏପେଙ୍ଗ୍ ଜଦି ଦଲ୍‌ତିଂ ଆହ୍‌ଝାତାଦେଣ୍ଟା, ମତର୍
 ଦଲ୍ ମିଙ୍ଗେଙ୍ଗ୍ ଆସ୍ତାନା, ଇଦାଂ ପୁନ୍‌ଞ୍ଜି ମାନାଟ୍ ।

୧୯ ଏପ୍ ଇଞ୍ଜେଙ୍ଗ୍ ଆଡ୍‌ନାଦେର୍, “ଆଁ, ମାତର୍ ନାଂ ବାହା ହିଦ୍‌ନି
 କାଜିଂ ତ ହେ କେନ୍ଦାଂ କାତ୍ୟା ଆଜି ମାତାଡ୍ ।” ୨୦ ହେଦାଂ ହାଡ୍‌ପା
 । ହେଝାର୍ ପାତ୍ କିଝାକା ହୁକେ ହେଝାର୍ କାଟି କିତାର୍, ଏପେଙ୍ଗ୍
 କେବଲ୍ ପାତ୍ ହୁଦାଂ ହେ ବାହା ଆଦିକ୍‌ତାଂ ଆଦିକ୍ କିତାଦେଣ୍ଟା ।
 ମାତର୍ ଗରବ୍ କିଝାଦାଂ ପାଣ୍ଟା ଆତ । ୨୧ ଜଦି ମାର୍‌ନି ସବୁ କେନ୍ଦାଙ୍ଗ୍
 ଲାକେ ଇହୁଦିରିଂ ଇସ୍‌ବର୍ ତାଣ୍ଟି ହିଝାଦାଂ ପିସ୍ତ୍ର ହିଝାତାନ୍, ମିଙ୍ଗେଙ୍ଗ୍
 ଇନାକା ହେଝାନ୍ ପିସ୍ତ୍ର ହିଦ୍‌ନାନ୍ ? ୨୨ ଲାଗିଂ, ଇସ୍‌ବର୍ ଦୟା ଆରି
 ତାଟ୍ ବୁଜା ଆତ; ଇମ୍‌ଶାକାର୍ ମୁଞ୍ଜ୍‌ତାର୍, ହେଝାର୍ କାଜିଂ ଆଟ୍‌ଝା,
 ମାତର୍ ଏପେଙ୍ଗ୍ ଜଦି ଇସ୍‌ବର୍ ଦୟାତି ସାରାଣ୍ ଆଜି ମାନାଟ୍, ତା
 ଆତିସ୍ ମି କାଜିଂ ହେଝାକ୍ତି ଦୟା; ନଲେ ଏପେଙ୍ଗ୍ ପା କାତ୍ୟାନାର୍ ।
 ୨୩ ଆରେ, ହେଝାର୍ ଜଦି ପାତ୍ କିଝାକାତ ମାନୁର୍, ବାଟିଙ୍ଗ୍ ହେଝାର୍
 ପା କଲମ୍ କିୟାନାର୍, ଇନେକିଦେଂକି ହେଝାରିଂ ଆରେ ରଗ କଲମ୍
 କିନି କାଜିଂ ଇସ୍‌ବର କିଦେଙ୍ଗ୍ ଆଡ୍‌ନାନ୍ । ୨୪ ପାତ୍ କିଝି ଜିହୁଦିର୍
 ରାକ୍ତି ଜିଡ୍‌ମାର୍‌ନି କେନ୍ଦାଙ୍ଗ୍ ଲାକେ । ହେଦାଂ କାତ୍ୟା ଆଜି ମିର୍ ବାବ୍ରେ
 ବାଡ୍‌ନି ଜାଗ୍ରଡ୍ କିତି ଜିଡ୍ ମାର୍ ଲାହାଂ ମେହାୟ୍ କିଆତାନା । ଜିହୁଦି

ଜାତି ବାଡ଼ନ୍ତି ଜାଗ୍ରତ କିତି ଜିତ୍‌ମାର ଲାକେ । ଇ ମାରନ୍ତି କାତ୍‌ତି
କେନ୍ଦା° ଆରେରଗ ମାର ଲାହା° ମେହାୟ କିନି ଇସ୍‌ବୁତି ପାକ୍ୟାତ
ଆଡ଼୍‌ଝା ।

ଝିଜାର କାଜି° ଇସ୍‌ବୁତି ଦୟା

୨୫ ଇନେକିଦେ°କି ଏ ଟଣ୍ଡାର ଆରି ତଣ୍ଡେକ୍, ଏପେଙ୍ଗ୍ ଇନେସ୍
ଜାର ଜାରତି° ବୁଦ୍ୟାର ଇଞ୍ଜି ମାନେ କିଉଦେର୍ ଇଦା° କାଜି° ଏପେଙ୍ଗ୍
ଜେ ଇ ଡ଼ଲ୍‌ହାଡ଼ପା ବିସ୍ତେ ପୁନ୍‌ଝାଦା° ମାନାସ୍, ଇଦା° ନା ଇଚା
ଆକାୟ୍, ଇଚିସ୍, ଏଚେକ୍ ପାତେକ୍ ପାତ୍ କିଝି ଜିହୁଦିର୍ ବାତ୍
ଗିଶ୍‌ତ ହଶଝାତାରନା, ହେ ପାତେକ୍ ଇସ୍‌ସାଏଲ୍ ବାଗତ୍ ଆର୍‌ଝା
ଆତାଡ଼ନ୍ନା; ୨୬ ଆରେ, ଇବାନି ଝିଜାର ଇସ୍‌ସାଏଲ୍ ମୁକ୍‌ଡା ଆନାର୍,
ଇନେସ୍ ଲେକାମାନାଡ଼, “ସିୟନ୍‌ତା° ମୁକ୍ତିକିନାକାନ୍ ଜୁଦ୍‌ନାନ୍,

ହେଝାନ୍ ଜାକୁବ୍‌ତା° ଅଦାମ୍ ଦେହା କିନାନ୍ ।”

୨୭ ଆରେ, ଏଚେକାଡ଼ଦ ଆସେଙ୍ଗ୍ ହେଝାର୍‌ତି ପାପ୍ ସବୁ ଚରି କିନାସ୍,
ହେପାଦନା ଇଦା° ହେଝାର୍ ଲାହାଙ୍ଗ୍ ମା ନିୟମ୍ ଆନାଡ଼ ।

୨୮ ନେକ୍ତିକାରୁର୍ ବିସ୍ତେ ବିଚାର୍ କିତିସ୍ ହେଝାର୍ ମି କାଜି° ବିରୁଡ଼
ଆଦନାର୍, ମାତର୍ ବାଚିକିତି ବିସ୍ତେ ବିଚାର୍ କିତିସ୍ ଦାଦି ଅଜାର୍
କାଜି° ହେଝାର୍ ଝାରିନି ମାଜି । ୨୯ ଇନେକିଦେ°କି, ଇସ୍‌ବୁତି ଦାନ୍
ସବୁ ଆରି କୁକ୍‌ନାକା ପଲ୍ୟା ଆଉଡ଼ । ୩୦ ଲାଗି° ଏପେଙ୍ଗ୍ ଇନେସ୍
ଆଗେ ଇସ୍‌ବୁତି ବଲ୍ ମାନି କିଝାଦା° ମାଚାଦେର୍, ମାତର୍ ନଙ୍ଗ୍
ହେଝାର୍‌ତି ବଲ୍ ମାନିକିଝାଦା° ହୁକେ ଦୟା ପାୟା ତାଦେର୍ଣ୍ଣା, ୩୧ ହେ
ଲାକେ ଇଝାର୍ ପା ନଙ୍ଗ୍ ବଲ୍ ମାନିକିଝାକାର୍ ଆତାଣ୍ଣା, ଇନେସ୍ ମି
କାଜି° ହତ୍‌ତାର୍ ଦୟା ହୁକେ ଇଝାର୍ ପା ନଙ୍ଗ୍ ଦୟା ଅୟାନାର୍ ।
୩୨ ଇନେକିଦେ°କି ଝିଜାରି° ଦୟା କିନି କାଜି° ଇସ୍‌ବୁତି ଝିଜାରି° ବଲ୍
ମାନିକିଝାଦା° ହେଲାୟ୍ କିତାନ୍ନା ।

ଇସ୍‌ବୁତି ଜାଜ୍‌ମାଲ୍

୩୩ ଆ ! ଇସ୍‌ବୁତି ବୁଦି ଆରି ଗିଆନ୍ ଲାକେ ଦାନ୍ କେତେ ସିମା
ହିଲୁଡ଼ ! ହେଝାନ୍ତି ବିଚାର୍ ସବୁ ଇନେସ୍ ବେସି ବୁଦି ଆରି ହେଝାନ୍ତି
ହାଜି ସବୁ ଇନେସ୍ ବୁଜାଆଉଡ଼ ! ୩୪ ଇନେକିଦେ°କି,
ମାପୁତି ମାନ୍ ଇନେର୍ ପୁଚାଣ୍ଣା ?

କି ହେୱାନ୍ତି ବୁଜାୟ କିନାକାନ ଇନେର୍ ଆତାଣ୍ଣା ?

୩୫ ନଲେ ଇନେର୍ ହେୱାନିଂ ପର୍ତ୍ତୁମ୍ବ ଦାନ କିତାନନା,

ଆରେ ତାଙ୍ଗେଙ୍ଗ୍ ଇନାମ୍ ଦାନ କିୟାନାତ୍ ?

୩୬ ଲାଗିଂ ଝିନ୍ତୁ ବିସ୍ତେ ହେୱାନତାଂ, ହେୱାନ ହୁକେ ଆରି ହେୱାନତି କାଜିଂ; ଜୁଗ୍ ଜୁଗ୍ ଜାଜ୍‌ମାଲ୍ ହେୱାନ୍ତି । “ଆମେନ୍ ।” *

୧୨

ଇସ୍ପରତି ହେବାତ ଜିବୁନ୍

୧ ଲାଗିଂ, ଏ ଟଣ୍ଡାର୍, ଆନ୍ ମିଙ୍ଗେଙ୍ଗ୍ ଇସ୍ପରତି ଦୟା କାଜିଂ ଗଞ୍ଜାରି କିଦନାଙ୍ଗା, ଏପେଙ୍ଗ୍ ଜାର୍ ଜାର୍ ଗାଗାଡ୍‌ଡିଂ ଜିବୁନ୍, ପୁଇପୁୟା ଆରି ଇସ୍ପରତି ହାର ଇଟ୍‌ନାକା ପୁଜାଲାକେ ଆକାତ୍ ହିୟାଟ୍, ଇଦାଂ ତ ମିଦାଂ ହାଦାକା ପାର୍ତାନା । ୨ ଏପେଙ୍ଗ୍ ଇ ନଙ୍ଗ୍ ଜୁଗ୍‌ନି ପାଚେ ହାଲ୍‌ମାଟ୍, ମାତର୍ ଇନେସ୍ ଏପେଙ୍ଗ୍ ଇସ୍ପତ୍ ଇଟା ଇନାକା ଇତିସ୍ ହାର୍‌ଦାକା, ହାର ଇଟ୍ୟାନାକା ଆରି ହାଦାକା ବିସ୍ତେ ଇନାକା, ଇଦାଂ ପରିକ୍ୟା କିଜି ବୁଜାନାଦେର୍, ଇଦାଂ କାଜିଂ ଜାର୍ ଜାର୍ ମାନ୍‌ନି ପୁନାକା ହୁକେ ବାଦ୍‌ଲି ଆତ ।

୩ ଇନେକିଦେଂକି ନାଙ୍ଗ୍ ହିଡ୍‌ତି ଉପକାର୍ ହୁକେ ଆନ୍ ମି ବିଡ୍ରେ ମାନି ଝିନ୍ତୁ ଜାଣ୍‌ତିଂ ଇଞ୍ଜିନାଙ୍ଗା, ଜାର୍ ବିସ୍ତେ ଇନେସ୍ ବାବି କିମାଟ୍, ତା ତାଂ ଜାର୍‌ତିଂ ଆଦିକ୍ ଗାଜା ଇଞ୍ଜି ବାବି କିମାଟ୍; ମାତର୍ ଇସ୍ପର୍ ଇନେରିଂ ଇମ୍‌ଣି ଇସାବ୍‌ରେ ପାତ୍ ରଟ୍‌ଚାଦେଣ୍ଡା, ହେ ଇସାବ୍‌ରେ ଝିନ୍ତୁ ଜାଣ୍ ବୁଦିକାର୍‌ୟା ଲାକେ ଜାର୍ ବିସ୍ତେ ବାବି କିୟାଟ୍ । ୪ ଇନେକିଦେଂକି ଇନେସ୍ ର ଗାଗାଡ୍‌ଡିଂ ମାଦାଂ ବେସି କେଇଗାଲ୍ ମାନାତ୍, ମାତର୍ ଝିନ୍ତୁ ଗାଗାଡ୍‌ସ୍‌ବୁନି କାମାୟ୍ ର ବାନି ଆକାୟ୍, ୫ ହେ ଲାକେ ବେସି ଜେ ଆସେଙ୍ଗ୍, ଆସେଙ୍ଗ୍ କ୍ରିସ୍ଟାକେ ର ଗାଗାଡ୍ ଆରି ଜାଣ୍‌କେ ହାରି କେଇଗାଲ୍ । ୬ ଆରେ, ମାଙ୍ଗେଙ୍ଗ୍ ହିଡ୍‌ତି ଉପକାର୍ ଇସାବ୍ରେ ଆପେଂ ବାରବିନି ଦାନ୍ ପାୟାତାପ୍‌ନା; ଲାଗିଂ ହେ ଦାନ୍ ଜଦି ବେଣ୍‌ବାକ୍‌ଣାୟ୍‌କିନାକା ଆନାତ୍, ୱାତ ଆସେଙ୍ଗ୍ ପାତ୍‌ନି ଏରେକ୍

* ୧୧:୩୬ ୧୧:୩୬ ଇନାକା ଆନାକା ଆଏଡ୍ ଇଞ୍ଜି ଇନାସ୍ ଇଦିଲିଂ, “ଆମେନ୍” ☆ ୧୨:୪ ୧୨:୪ ୧ କରନ୍ତୟ ୧୨:୧୨. ☆ ୧୨:୬ ୧୨:୬ ୧ କରନ୍ତୟ ୧୨:୪-୧୧.

ଇସାବ୍ରେ ବେଶବାକ୍‌ଶାୟ୍ କିନାସ୍; ୭ କି ହେଦାଂ ଜଦି ହେବାକାରୟା କାମାୟ୍ ଆନାଡ୍, ତା ଆତିସ୍ ଖାଡ୍, ମା ହେବାକାରୟା କାମାୟ୍‌ତ ଲାଗିସ୍ ମାନାସ୍; ୮ ନଲେ ଇନେର୍ ହିକ୍ୟା ହିନାନାନ୍, ହେଖାନ୍ ସିକ୍ୟାଦାନତ୍ କି ଇନେର୍ ଖାରିକିୟ୍ କିନାନ୍, ହେଖାନ୍ ଉପଦେସ୍ ଦାନତ୍ ଲାଗିସ୍ ମାନେନ୍, ଇନେର୍ ଜାତୁନ୍ ଅନାନ୍, ହେଖାନ୍ ହୁଦାର୍ ବାବ୍ରେ ଦାନ୍ କିଏନ୍; ଇନେର୍ ହାର୍ ମାତ୍ରାଙ୍ ହେଖାନ୍ ଜାତୁନ୍‌ତାଂ କିଏନ୍; ଇନେର୍ ଦୟା କିନାନ୍, ହେଖାନ୍ ପୁରାମାନତାଂ ହେଦାଂ କିଏନ୍ ।

୯ ଜିଉନନାକା କାପ୍‌ଟିୟା ଆଏଡ୍ । ଇନାକା ବାନିୟା, ହେଦାଂ ଗିଶ୍ କିୟାଟ୍; ଇନାକା ହାର୍, ହେବେ ଲାଗିସ୍ ମାନାଟ୍; ୧୦ ଟଣ୍ଡାର୍ ଜିଉତ୍ ହାରି କାଜିଂ ଜିଉ ନନାକାଦେର୍ ଆଡ୍; ଖାରିତ୍ ହାରିତିଂ ଗାଜା ଗିଆନ୍ କିୟାଟ୍; ୧୧ ତ୍ରିକାଡ୍‌ତ୍ କାକାର୍ ଆମାଟ୍, ଜିବୁନ୍‌ତ୍ ଗରମ୍ ଆଡ୍; ପୁରା ବକ୍ତିତାଂ ମାପୁତି ହେବା କିୟାଟ୍; ୧୨ ବାସ୍‌ତ୍ ଖାରି କିୟାଟ୍; ଦୁକ୍ତ ହୁଦାର୍ ଆଡ୍; ପାର୍ତ୍ତନାତ୍ ଏକା ସମାନ୍ ଲାଗିସ୍ ମାନାଟ୍ । ୧୩ ସାଦୁର୍‌ତି ଅବାଟ୍ ଉପକାର୍ କିୟାଟ୍; ସସ୍ ହିନିତ୍ ମେହା ଆଡ୍ ।

୧୪ ✽ଇମ୍‌ଶାକାର୍ ମିଙ୍ଗେଙ୍ ଇଶ୍ କିଦ୍‌ନାର୍, ହେଖାରିଂ ଆସିର୍ବାଦ୍ କିୟାଟ୍; ଆସିର୍ବାଦ୍ କିୟାଟ୍ ରାଶ୍ ହିମାଟ୍ । ୧୫ ଇମ୍‌ଶାକାର୍ ଖାରି କିନାର୍, ହେଖାର୍ ଲାହାଙ୍ ଖାରି କିୟାଟ୍; ଇମ୍‌ଶାକାର୍ ଆଡ୍‌ବାନାର୍, ହେଖାର୍ ଲାହାଙ୍ ଆଡ୍‌ବାଟ୍ । ୧୬ ହାରି କାଜିଂ ରମାନ୍ ଆଡ୍; ବାନ୍ୟାମାନାୟ୍ ଆଖାଦାଂ ହିଲ୍‌ଖାକାରିଂ ମେହା ଆଡ୍ । ଜାର୍ ଜାର୍ ବୁଦିତ୍ ବାବି କିମାଟ୍ ।

୧୭ ବାନିୟା ବାଦୁଲ୍ ଇନେରିଂ ବାନିୟା କିମାଟ୍; ଓଜାର୍ ମାନାୟ୍‌ରିଂ କାଶ୍‌କୃତ୍ ଇନା ଇନାକା ହାର୍‌ଦାକା, ହେ ସବୁ ଚିନ୍ତା କିୟାଟ୍; ୧୮ ଆଡ୍‌ତିସ୍, ମିଦାଂ ଏତେକ୍ ପାତେକ୍ ଆଡ୍‌ନାଦେର୍, ଓଜାର୍ ମାନାୟାର୍ ଲାହାଙ୍ ସୁସ୍ତାତ୍ ମାନାଟ୍ । ୧୯ ଏ ଖାରିନିକାଦେର୍, ଏପେଙ୍ ନିଜେ ନିଜେ ବାଦଲି ଅମାଟ୍, ମାତର୍ ରିସା କାଜିଂ ବାହା ପିସ୍ତି ହିୟାଟ୍; ଇନେକିଦେଂକି ଲେକାମାନାଟ୍, “ମାପୁ ଇନାନ୍, ବାଦଲି ଅନାକା ମା ଆଦିକାର୍, ଆପ୍ ତା କାମାୟ୍‌ନି ପାଡ୍ ହିନାପ୍ ।” ୨୦ ଇତିସ୍ ଜଦି ମି ସାତୁ ନାସ୍‌କି, ଲାଗିଂ ତାଙ୍ ଚିଠ୍‌ପାଟ୍; “ଜଦି ହେଖାନ୍

✽ ୧୨:୧୪ ୧୨:୧୪ ମାତିଉ ୫:୪୪; ଲୁକ ୬:୨୮.

ଏସକି ତାଙ୍କ ଉତ୍ପାଦ; ଇନେକିଦେଂକି ଏଲେଙ୍ଗ କିତିସ୍ ଏପେଙ୍ଗ ତା
 କାପଡ଼ା ଜପି ଆହୁନି ଗତାଂ ଗାଦି କିନାଦେର୍ ।^୧ ୨୧ ବାନିୟା କାମାୟତ
 ଆରା ଆମାଟ୍ ଝିଜୁ ବାନ୍ୟା ବିସ୍ତେ ହାରଦି ବେବାର ହୁକେ ଜିତା ଆଡ
 ।

୧୩

ସାସନ୍ କିନାକାର କାଜିଂ କାମାୟ

^୧ ଜାଣକେ ଜାଣ୍ ଆଦିକାର ଗାଟାତି ସାସନ୍କାରଆତି ତଲ୍ୟା
 ଆନାସ୍, ଇନେକିଦେଂକି ଆଦିକାର କେବଲ୍ ଇସ୍ପୁରତାଂ ଝାନାଟ୍,
 ଆରେ ଇନେନ୍ ଝିଜୁ ଲକୁ ଆଦିକାର ପାୟାତି ସାସନ୍କାରୟା
 ମାନାନ୍, ହେଝାର୍ ଇସ୍ପୁରତି ହୁଦାଂ ବାଟିକିୟାତାକାର ।^୨ ଲାଗିଂ,
 ଇନେନ୍ ଆଦିକାର ଟେବାୟ୍ କିନାନ୍, ହେଝାନ୍ ଇସ୍ପୁର ରଟାକାଦଲିଂ
 ଟେବାୟ୍ କିନାନ୍, ଆରେ ଇମଣାକାର ଟେବାୟ୍ କିନାର୍, ହେଝାର୍
 ଜାର୍ ଜାର୍ ଜପି ତାଣ୍ ଗିଟାୟ୍ କିନାର୍ ।^୩ ଇନେକିଦେଂକି ମୁଡ଼ଦାକାର୍
 ହାର୍ କାଜିଂ ପାଣ୍ଡାନାକାର୍ ଆକାୟ୍, ମାତର୍ ବାନ୍ୟା କାମାୟ କାଜିଂ
 ପାଣ୍ଡା ଆନାଦେର୍ । ଏପେଙ୍ଗ କି ଆଦିକାର ପାୟାତି ସାସନ୍କାରୟା
 ଲାଗାଂ ପାଣ୍ଡା ଆଝାଦାଂ ଇଟା କିନାଦେର୍ ? ବାଟିଙ୍ଗ୍ ହାଦିଂ
 କାମାୟ କିୟାଟ୍, ତା ଆତିସ୍ ହେଝାନ୍ତାଂ ଝାରିକିୟାକିଆ ଆନାଦେର୍,
^୪ ଏନେଙ୍ଗ୍ ହାର୍ କିଦେଙ୍ଗ୍ କାଜିଂ ହେଝାନ୍ ଇସ୍ପୁରତି ବାଟିକିୟାତାକାନ୍
 । ମାତର୍ ଏପେଙ୍ଗ୍ ଜଦି ବାନ୍ୟାକାମାୟ କିଜି ମାନାଟ୍, ଝାଟିଂ
 ସାସନ୍କାରୟା ଲାହାଂ ପାଣ୍ଡା ଆଡ, ଇନେକିଦେଂକି ମିଙ୍ଗେଙ୍ଗ୍ ତାଣ୍
 ହିନି କାଜିଂ ହାପାରଟେ ହେଝାତି କେମତା ମାନାଟ୍ । ହେଝାନ୍ ଇସ୍ପୁରତି
 ବାଟିକିତି ହେବାକାରୟା । ବାନ୍ୟା କାମାୟ କିନାକାରିଂ ସାସନ୍
 କିଦେଙ୍ଗ୍ ହେଝାନ୍ ଇସ୍ପୁରତି ବଲ୍ ପାଲି କିନାନ୍ ।^୫ ଲାଗିଂ ଏପେଙ୍ଗ୍
 ସାସନ୍କାରୟାତି ବଲ୍ ମାନିକିନାକା ଲଡା-କେବଲ୍ ଇସ୍ପୁରତି ଦାଣ୍
 ପାଣ୍ଡୁତାଂ ଆକାୟ୍, ମାତର୍ ନିଜେ ଚିନ୍ତାନି ନାସ୍ତାଂ ରାକ୍ୟା ପାୟାନି
 କାଜିଂ ।^୬ ଲାଗିଂ ଇ କାରଣତାଂ ଏପେଙ୍ଗ୍ ସିସ୍ତୁ ପା ହିଜି ମାନାଦେର୍,
 ଇନେକିଦେଂକି ହେଝାର୍ ଇସ୍ପୁରତି ହେବାକାରି ଲାକେ ଇ କାମାୟତ
 ଲାଗିସ୍ ମାନାର୍ ।^୭ ଇନେରିଂ ଇନାକା ଗାଟାନାଟ୍, ହେଝାନିଂ ସିସ୍ତୁ
 ହିଆଟ୍; ଇନେରିଂ ହିଦେଂ ଆନାଟ୍, ହେଝାନିଂ ହିଆଟ୍, ଇନେରିଂ ଟିକସ୍
 ହିଦେଂ ଆନାଟ୍, ହେଝାନିଂ ସିସ୍ତୁ ହିଆଟ୍, ଇନେରିଂ ପାଣ୍ଡା ଆୟାନାଟ୍,

ହେୱାନିଂ ପାଣ୍ଡୁ ଆଡୁ, ଇନେରିଂ ୱାରିଆନାଡ଼, ହେୱାନିଂ ୱାରିକିଆଡ଼
।

ଚଣ୍ଡେନ୍ ଲାକେ ଜିଉନୱାଡ଼

୮ ହାରିତିଂ ଜିଉନନାକା ପିସ୍ତି ଆରେ ଇନେର୍ ତାକେ ରିଣ୍ଡାଁ
ଆମାଡ଼, ଇନେକିଦେଂକି ଇନେର୍ ବିନ୍ ଲଗାଈ ଜିଉନନାନ୍, ହେୱାନ୍
ବିଦି ପୁରା କିନି ଲଡ଼ା । ୯ “ଇନେକିଦେଂକି ଦାରି କିମାଡ଼,
ନାରତିଂ ଚୁଣ୍ଡମାଡ଼, ଚରି କିମାଡ଼, ଲାବ୍ଡ଼ି ଆମାଡ଼, ଆରେ ଜଦି
ଆରେ ଇମ୍ପାକା ପା ବଲ୍ ମାଟିସ୍, ହେଦାଂ ସାର୍ ବାବ୍ରେ ଇ
ବଚନ୍ନି ମାନାକାନ୍ ଆନାନ୍, ଲାଗିଂ, ପାଡ଼ହା ଇଞ୍ଜାକାରିଂ ୱାସ୍ତିଲାକେ
ଜିଉନୱାଡ଼ । ୧୦ ଏନେଈ ରୱାନିଂ ଜିଉନଜି ମାଟିସ୍, ହେୱାନ୍ କାଜିଂ
ଇନାୱାଡ଼ାଂ ପା ଅନ୍ୟାୟ୍ କିଉଦେର୍ । ଲାଗିଂ ଜିଉନନାକା ହୁକେ ନେ
ଞ୍ଜୁ ବିଦି ମାନି କିୟନାଡ଼ ।

୧୧ ଆରେ, ନଈ ମି ହୁର୍କାଣ୍ଡକୁତାଂ ଜାଗ୍ରଡ଼ ଆନି ସମ୍ପୁ ଜେ
ଇକାୱାତାଡ଼, ଇଦାଂ ପୁନ୍ଞି ଇ ସରୁ କିୟାଡ଼; ଇନେକିଦେଂକି ମା
ପାତ୍ କିନି ଦିନ୍ତାଂ ନଂ ମୁକ୍ତାନାକା ମାଦାଂ ଆଦିକ୍ ଲାଗେ ।
୧୨ ନାଣା ଅଜଡ଼ ଆନାତା, ଦିନ୍ ଲାଗେ; ଲାଗିଂ ୱାଡୁ, ଆସେଈ
ମାଜ୍ଗାନି କାମାୟ୍ ସରୁ ପିସ୍ତି ଅଜଡ଼ନି ଆତିୟାର୍ ଲାକେ ଜାଲ୍ଦି କିଜି
ଉସ୍ପାନାସ୍ । ୧୩ ରଈରାସ୍ଆ ଆରି କାଲିଂଉଣାକା, ବାନ୍ୟାକାମାୟ୍
ଆରି ଦାରିକାମାୟ୍, ଗଣ୍ଡଗଲ୍ ଆରି ରିସାତ ଚିନ୍ତା କିୱାଦାଂ ୱାଡୁ,
ଆସେଈ ଦିନ୍ନି ହାରଦାଂ ଚିନ୍ତା କିନାସ୍ । ୧୪ ଆରେ ମାପୁ ଜିସୁ କ୍ରିସ୍ତୁତିଂ
ଏପେଈ ହେୟା ଲାକେ ଉସ୍ପାଡ଼, ଆରେ ବାନ୍ୟାଆହା ହପ୍ପିସ୍ ଗାଗାଡ଼,
କାଜିଂ ଜାଲ୍ଦି କିମାଡ଼ ।”

୧୪

ଚଣ୍ଡେନ୍ତି ଦସ୍ ଆହ୍ମାଡ଼

୧ ☆ପାତ୍ ତ ଇନେର୍ ନାଦାର୍, ତାଈ ଇଟାଡ଼, ମାତର୍ ବିନ୍ ବିନ୍
ମାନ୍ତି ବିସ୍ତେ ଗାଣ୍ଡୁ କିନି କାଜିଂ ହେଦାଂ କିମାଡ଼ । ୨ ସରୁ ଜିନିସ୍ ତିନି
କାଜିଂ ରୱାନ୍ ମାନାୟ୍ ପାତ୍ ମାନାଡ଼, ମାତର୍ ଇନେର୍ ପାତ୍ ତ
ନାଦାର୍, ହେୱାନ୍ କେବଲ୍ କୁଚା ତିନାନ୍ । ୩ ଇନେନ୍ ତିନାନ୍, ହେୱାନ୍

☆ ୧୪:୧ ୧୪:୧ କଲସିୟ ୨:୧୭.

ଲୀୟ ତିନିଞ୍ଚି ମାନାୟତିଂ ବେକାର୍ ଇନ୍‌ମା; ଆରେ, ଇନେନ୍ ଲୀୟ ତିନୁନ୍, ହେଞ୍ଚାନ୍ ଲୀୟ ତିନି ଲକୁତି ବିଚାର୍ କିମେନ୍, ଇନେକିଦେଂକି ଇସ୍‌ର୍ ତାଙ୍ଗ୍ ଇଡ଼ତାନ୍ନା । ୪ ଏପ୍ ଇନେର୍ ଜେ ବିନ୍ ଆଡ଼ିଏନ୍‌ନି ବିଚାର୍ କିନାଦେରା ? ହେଞ୍ଚାନ୍ ଜାର୍ ମାପୁ ଲାଗାଂ ତିର୍ ମାନାନ୍ କି ମୁଞ୍ଜନାନ୍; ଆଁ, ତାଙ୍ଗେଙ୍ଗ୍ ତିର୍ କିୟାନାଡ଼, ଇନେକିଦେଂକି ତାଙ୍ଗେଙ୍ଗ୍ ତିର୍ କିଦେଙ୍ଗ୍ ମାପୁତି ସାକ୍ତି ମାନାଡ଼ ।

୫ ରଞ୍ଚାନ୍ ମାନାୟ ର ଦିନ୍ ବାଟା ବିନ୍ ଦିନ୍‌ତିଂ ଆଦିକ୍ ଇଜଡ଼ କିନାନ୍, ଆରେ ରଞ୍ଚାନ୍ ସବୁନାଜିଂ ସମାନ୍ ଲାକେ ଇଜଡ଼ କିନାନ୍ । ଞ୍ଚିଜାର୍ ମାନାୟ ଜାର୍ ମାନ୍ତୁ ବିଚାର୍ କିଏନ୍ । ୬ ଇନେର୍ ହାର୍ ଦିନ୍ ବାବି କିନାନ୍, ହେଞ୍ଚାନ୍ ମାପୁତି ଉଦେସ୍ତ ହେଦାଂ ମାନି କିନାନ୍; ଆରେ ଇନେର୍ ତିନାନ୍, ହେଞ୍ଚାନ୍ ମାପୁତି ଉଦେସ୍ତ ତିନେନ୍, ଇନେକିଦେଂକି ହେଞ୍ଚାନ୍ ଇସ୍‌ର୍‌ତିଂ ଦନ୍‌ଏବାଦ୍ ହିନାନ୍; ଆରେ ଇନେର୍ ତିନୁନ୍, ହେଞ୍ଚାନ୍ ମାପୁତି ଉଦେସ୍ତ ତିନୁନ୍ ଆରି ଇସ୍‌ର୍‌ତିଂ ଦନ୍‌ଏବାଦ୍ ହିନାନ୍ । ୭ ଇନେକିଦେଂକି ମା ବିତ୍ରେତାଂ ଇନେର୍ ଜାର୍ କାଜିଂ ଜିଉନ୍, ଆରି ଜାର୍ କାଜିଂ ହାଉନ୍ । ୮ ଲାଗିଂ, ଜଦି ଆସେଙ୍ଗ୍ ଜିନାସ୍, ତେବେ ମାପୁତି କାଜିଂ ଜିନାସ୍, କି ଜଦି ହାନାସ୍, ବାଟିଙ୍ଗ୍ ମାପୁତି କାଜିଂ ହାନାସ୍ । ଇତିସ୍, ଜଦି ଆସେଙ୍ଗ୍ ଜିନାସ୍ କି ହାନାସ୍, ଆସେଙ୍ଗ୍ ମାପୁତି ଆନାସ୍ । ୯ ଇନେକିଦେଂକି କ୍ରିସ୍ଟୁ ଇନେସ୍ ହାକି ଆରି ଜିବୁନ୍ ରିୟାର୍‌ତି ମାପୁ ଆନାନ୍, ହେଦାଂ କାଜିଂ ହେଞ୍ଚାନ୍ ହାତାନ୍, ଆରେ ଆରେ ଜିତାନ୍ । ୧୦ ☆ମାତର୍ ଏପେଙ୍ଗ୍ ଇନେକିଦେଂ ଜାର୍ ଟଣ୍ଡେନ୍‌ନିଂ ବିଚାର୍ କିନାଦେରା ? କି ଏପେଙ୍ଗ୍ ଇନେକିଦେଂ ଜାର୍ ଟଣ୍ଡେନ୍‌ନିଂ ଅଲ୍‌ଗା ହୁଡ଼ନାଦେରା ? ଆପେଂ ଞ୍ଚିଜାକାପ୍ ତ ଇସ୍‌ର୍‌ତି ବିଚାର୍ ବାହାନ୍ ମୁମ୍‌ଦ ନିଲ୍‌ନାସ୍ । ୧୧ ଲାଗିଂ ଲେକାମାନାଡ଼,

“ମାପୁ ଇନାନ୍, ଆପ୍ ଜିବୁନ୍ ମାନି ପାତେକ୍,

ଞ୍ଚିଜାର୍ ମେଣ୍ଡାଂ ମା ମୁମ୍‌ଦ ତାଣ୍ଡାହାଣ୍ ମାଗ୍‌ନାକା,

ଆରେ ଞ୍ଚିଜୁ ଞ୍ଚେନ୍‌ଲ୍ ଇସ୍‌ତ୍ କେର୍‌ନାଡ଼ ।

୧୨ ଲାଗିଂ, ମାଦାଂ ଞ୍ଚିଜାର୍ ମାନାୟାରିଂ ଇସ୍‌ର୍ ମୁମ୍‌ଦ ଜାର୍ ଜାର୍‌ତି ଇସାବ୍ ହିୟାନାଡ଼ ।”

☆ ୧୪:୧୦ ୧୪:୧୦ ୨କରକ୍ରିୟ ୫:୧୦.

ଚଣ୍ଡେନ୍ତି ରୁଡାୟ କିମାଟ୍

୧୩ ଲାଗିଂ ଖାତ, ଆପ୍ ଆରେ ହାରି ବିଚାର୍ କିଉସ୍; ମତର୍ ଇନେର୍ ଇନେସ୍ ଜାର୍ ଚଣ୍ଡେନ୍ତି ହାଜିଡ୍ ବାଦା ଲାଗ୍ଦି ନଲେ ରୁଡାନାକା ବିସ୍ତେ ଇଚୁନ୍ ଇଦାଂ ଏପେଙ୍ଗ୍ ବିଚାର୍ କିୟାଟ୍ । ୧୪ ଆନ୍ ପୁନାଙ୍ଗ୍ ଆରି ମାପୁ ଜିସୁତି ତାକେ ହାଡ୍ପା ଗିଆନ୍ କିନାଙ୍ଗ୍ ଜେ, ଇମ୍‌ଶାକା ପା ବିସ୍ତେ ନିଜେ ସକଟ୍ ଆକାୟ୍, ମାତର୍ ଇମ୍‌ଶାକାର୍ ଇମ୍‌ଶାକା ପା ଜିନିସ୍ତିଂ ସକଟ୍ ଆକାୟ୍ ଇଞ୍ଜି ପାତ୍ କିନାନ୍, କେବଲ୍ ହେଦେଲିଂ କାଜିଂ ହେଦାଂ ସକଟ୍ ଆକାୟ୍ । ୧୫ ଇନେକିଦେଂକି ମି ଚଣ୍ଡେନ୍ତି ଜଦି କାଦି କାଜିଂ ଦୁକ୍ ଆନାନ୍, ତା ଆତିସ୍ ଏପେଙ୍ଗ୍ ଆରେ ଜିଉନନିତ ବେବାର୍ କିଉଦେରା । ଇମ୍‌ଶାକା କାଜିଂ କ୍ରିସ୍ଟ ହାତାନ୍, ହେଦାଂ ଏପେଙ୍ଗ୍ ମି କାଦି ହୁକେ ନସ୍ କିମାଟ୍ । ୧୬ ଏପେଙ୍ଗ୍ ଇନେରିଂ ହାର୍ ଇଞ୍ଜି ମାନେ କିନାଦେରା, ତାହୁଦାଂ ମିଦାଂ ତର୍ ନିୟା ଆମେଡ୍ । ୧୭ ଇନେକିଦେଂକି ଇସ୍ତର୍ ରାଜି ତିନାକା ଉଶାକା ଆକାୟ୍, ମାତର୍ ଦାମ୍, ସୁସ୍ତା ଆରି ପୁଇପୁୟା ଜିବୁନ୍ତି ତାକେ ଖାରି ଆନାଡ୍ । ୧୮ ଲାଗିଂ ଇନେର୍ ଇ ବିସ୍ତେ କ୍ରିସ୍ଟି ହେବା କିନାନ୍, ହେଞ୍ଜାନ୍ ଇସ୍ବର ଲାଗାଂ ଇଟ୍ୟାନାକାନ୍ ଆରି ମାନାୟାର୍ ଲାଗାଂ ପରିକ୍ୟାସିଦ୍ ଆନାନ୍ ।

୧୯ ଇତିସ୍ ଖାତ, ଇମ୍‌ଶି ଇମ୍‌ଶି ବିସ୍ତେ ସୁସ୍ତାନିକା, ଆରେ ଇମ୍‌ଶି ଇମ୍‌ଶି ବିସ୍ତେ ହୁକେ ହାରି ହାର୍ ରଚ୍‌ନାସ୍, ହେ ସବୁନି ଆସେଙ୍ଗ୍ ପାତେ ପାତେ ହାନାସ୍ । ୨୦ କାଦି କାଜିଂ ଇସ୍ତର୍ କାମାୟ୍ ନସ୍ କିମାଟ୍ । ଖିଜୁ ବିସ୍ତେ ଆତିସ୍ପା ସକଟ୍; ଆତିସ୍ପା ଇମ୍‌ଶି ମାନାୟ୍ ଇନାକା ତିନାକା ବାଦା ପାୟାନାନ୍, ହେଦାଂ ପାକ୍ୟାତ ହେଦାଂ ବାନିୟା । ୨୧ ଜେଇ ତିନାକା କି ଅଙ୍ଗୁର୍ ରାସ୍ ଉଶାକା କି ଇମ୍‌ଶି ବିସ୍ତେ ମି ଚଣ୍ଡେନ୍ତି ବାଦା ଆତିସ୍, ହେଦାଂ କିଞ୍ଜିତିସ୍ ହାର୍ । ୨୨ ମି ଇମ୍‌ଶି ପାତ୍ ମାନାଡ୍, ହେଦାଂ ଏପେଙ୍ଗ୍ ଇସ୍ବର ମୁମ୍‌ଦ ଜାର୍ ଖାସ୍ତିତାଂ ଆସ୍ତି ମାନାଟ୍ । ଇନେର୍ ଇନାକା ପରିକ୍ୟାସିଦ୍ ଇଞ୍ଜି ବାବିକିନାନ୍, ହେଞ୍ଜାନ୍ ଜଦି ହେବେ ଜାର୍ତିଂ ଦସି କିଉନ୍, ତେବେ ହେଞ୍ଜାନ୍ ଦନ୍ୟ । ୨୩ ମାତର୍ ଇନେର୍ ରିମାନ୍ୟାଜି ତିନାନ୍, ହେଞ୍ଜାନ୍ ଦାଣ୍ଟ ପାୟାନାନ୍, ଇନେକିଦେଂକି ହେଞ୍ଜାନ୍ ପାତ୍ ତିନୁନ୍; ଆରେ ଇନାକା ଉଚୁଟିଂ ପାତ୍ ତାଂ ଆଉଡ୍, ହେଦାଂ ପାପ୍ ।

୧୫

ବିନେନିକାରିଂ ଖାରିକିୟ କିୟାଟ୍ ଜାର୍ତିଂ ଆକାୟ୍

୧ ଇନେର୍ ପାତର୍ ଡ ଆର୍ଘ୍ନା, ହେଞ୍ଜାର ନାଦାର୍ ପାତର୍ ଟଣ୍ଡେନିଂ ଦସ୍ ନାଦାର୍ କାଜିଂ କିଆଣ୍ ଆଏର୍ । ଇନେର୍ କେବଲ୍ ଜାର୍ତିଂ ଖାରି କିନି କାଜିଂ ଇଟା କିନେନ୍ । ୨ ନଲେ ବିନିକାର୍ ହାର୍ କାଜିଂ ଆରି ହେଞ୍ଜାର୍ତି ପାତର୍ ବାପୁ କିନି କାଜିଂ ହେଞ୍ଜାରିଂ ଖାରି ଇଟ୍ନାକା ମା ଲଡା । ୩ କ୍ରିଷ୍ଟ୍ ଜାର୍ତି ସୁକ୍ କାଜିଂ ମୁଡେ କିଞ୍ଜାଦାଂ ମାଟାନ୍ । ନଲେ ସାସ୍ତ୍ର ବଚନ୍ ଇସାପ୍ରେ, “ହେଞ୍ଜାର୍ ମିଜେଙ୍ଗ୍ ହିଜିମାଞ୍ଜିନି ଅପ୍ମାନ୍ ଆନ୍ ହୁଞ୍ଜନାଙ୍ଗା ।” ୪ ଆରେ ଆସେଙ୍ଗ୍ ଇନେସ୍ ସାସ୍ତ୍ର ଇସାବ୍ରେ ସାସ୍ ଆରି ଦୁକ୍ସାରାୟ୍ ହୁକେ ବାସ୍ ପାୟା ଆନାସ୍, ଇଦାଂ କାଜିଂ ଆଗେ କାଡ୍ ଇନା ଇନାକା ଲେକା ଆଜି ମାଟାଡ୍, ହେ ସବୁ ମା ହିକ୍ୟା କାଜିଂ ଲେକା ଆତାଡ୍ନା । ୫ କ୍ରିଷ୍ଟ୍ ଜିସୁତି ଖାରିନି ପାଟେ ଲାକେ ଖିଜାର୍ତି ହେ ବାନି ମାନ୍ ବାବ୍ନା ଆନି କାଜିଂ ସାସ୍ ଆରି ଖାରିନି ଆଦାର୍ ଇସ୍ତ୍ ମିଜେଙ୍ଗ୍ ବାପୁ କିଦେନ୍ । ୬ ଇନେସ୍ ର ମାନ୍ଦାଂ ର ଖାଇଦାଂ ଏପେଙ୍ଗ୍ ଇସ୍ତର୍ ଆରି ମା ମାପୁ ଜିସୁ କ୍ରିଷ୍ଟି ଆବାତି ଜାଜ୍ମାଲ୍ କିୟାଟ୍ ।

ପାତର୍ କିଞ୍ଜି ଜିହୁଦିର୍ତି କାଜିଂ ହାର୍ଦି କାବୁର୍

୭ ଲାଗିଂ ଇସ୍ତର୍ ଜାଜ୍ମାଲ୍ କାଜିଂ କ୍ରିଷ୍ଟ୍ ଇନେସ୍ ମିଜେଙ୍ଗ୍ ଇଡ୍ଡାତାନ୍, ଏପେଙ୍ଗ୍ ପା ହେ ଲାକେ ହାରିତିଂ ଇଟାଟ୍ । ୮ ଇନେକିଦେଂକି ଆନ୍ ଇଞ୍ଜନାଙ୍ଗା, କ୍ରିଷ୍ଟ୍ ଇସ୍ତର୍ ହାଡ୍ପା କାଜିଂ ସୁନ୍ନଡ୍ ମାନାୟାରିଂ ହେବାକାର୍ଯ୍ୟା କିୟା ଆତାଡ୍ନା, ଇନେସ୍ ହେଞ୍ଜାନ୍ ଆକାର୍ଦାଦିରିଂ ହିଡ୍ଡି ପାର୍ମାଣ୍ ହାଜି ତିର୍ କିନାନ୍, ୯ ଆରେ, ଇନେସ୍ ପାତର୍ କିଞ୍ଜି ଜିହୁଦିର୍ ଇସ୍ତର୍ ଦୟା କାଜିଂ ହେଞ୍ଜାନ୍ତି ଜାଜ୍ମାଲ୍ କିଟାର୍; ଇନେସ୍ ଲେକା ମାନାଡ୍, “ଇଦାଂ କାଜିଂ ଆନ୍ ପାତର୍ କିଞ୍ଜି ଜିହୁଦିର୍ ବିଡ୍ରେ ନିଂ ଖାରିକିୟ କିଦ୍ନାଙ୍ଗା,

ଆରେ ନି ତର୍ ଖାରିକିୟ କିନାଙ୍ଗା ।”

୧୦ ଆରେ ହେଞ୍ଜାନ୍ ଇନାନ୍, ଏ ପାତର୍ କିଞ୍ଜି ଜିହୁଦିର୍, ଏପେଙ୍ଗ୍ ହେଞ୍ଜାନ୍ତି ମାନାୟାର୍ ଲାହାଙ୍ଗ୍ ଖାରି କିୟାଟ୍ । ୧୧ ଆରେ, “ଏ

ପାତକିଞ୍ଚି ଜିହ୍ୱଦିର ଓଜାଦେର ମାପୁଙ୍ଗ ଖାରିକିୟ କିୟାଟ୍, ଆରେ, ମାନାୟ ଓଜାର ହେଖାନ୍ତି ଖାରିକିୟ କିୟାଟ୍ ।”

୧୭ ଆରେ ଜିସିୟ ଇନାନ୍, “ଜିସାୟତି ଦଲ୍ ମାନ୍‌ଗାନାଟ୍, ଆରେ, ଇନେର ପାତକିଞ୍ଚି ଜିହ୍ୱଦିର ଜପି ସାସନ୍ କିଦେଙ୍ଗ ନିଙ୍ଗନାର୍, ପାତକିଞ୍ଚି ଜିହ୍ୱଦିର ହେଖାନ୍ ଜପି ବାସକିତାର୍ ।”

୧୮ ଓଜୁ ବାସନି ଆଦା, ଇସ୍ୱର ମିଙ୍ଗେଙ୍ଗ ପାତକିଞ୍ଚି କାଜି ମିଙ୍ଗେଙ୍ଗ ଖାରି ଆରି ସୁସ୍ତାତ ବାତକିଦେନ୍ । ପୁଇପୁୟା ଜିବୁନ୍ ସାକ୍ତିତ ମିଦା ବାସନି ବାଡା ଆୟେଟ୍ ।

ପାଉଲ୍ ପାତକିଞ୍ଚି ଜିହ୍ୱଦିର କାଜି ଜିସୁତି ହେବାକାମାୟ

୧୫ ଆରେ ଏ ନା ଟଣ୍ଡାର୍ ଆରି ତଣ୍ଡେକ୍, ନା ପାତକିଞ୍ଚି, ଏପେଙ୍ଗ ଓଜାକାଦେର ସଡ଼ଗୁଣ, ଆରେ ଗିଆନ୍‌ତ ବାତକିଞ୍ଚି ଆରି ହାରିତି ହିକ୍ୟା ହିଦେ ଆଡ଼ନାଦେର । ୧୫ ଆତିସ୍‌ପା ନାଙ୍ଗ ଇସ୍ୱରତି ଦାଇଡ଼ ହିୟାଜି ମାନି ଦୟା କାଜି ଆନ୍ ମିଙ୍ଗେଙ୍ଗ ଆରେରଗ ଏତୁକିୟ କିଦି କାଜି କେତେକ୍ ଇସାବ୍ ଆଦିକ୍ ସାସ୍ ଲାହାଂ ମି ଲାଗାଂ ଲେକିକିନାଙ୍ଗା । ୧୬ ଇନେକିଦେକି ପାତକିଞ୍ଚି ଜିହ୍ୱଦିର ଇନେସ୍ ପୁଇପୁୟା ଜିବୁନ୍ ହୁକେ ପୁଇପୁୟା କିୟା ଆଜି ଆକାଡ଼ ଲାକେ ହାର ଇଟ୍ୟା ଆନାର୍, ଇଦାଂ କାଜି ହେଖାର ଲାଗାଂ କ୍ରିସ୍ଟୁ ଜିସୁତି ହେବାକାରିୟା ଆଜି ଇସ୍ୱତ ନେକ୍ରିକାବୁର୍ ପର୍‌ଟାର୍ କିନି କାଜି ନାଙ୍ଗ ହେ ଉପକାର୍ ହିଡ଼ତାଡ଼ନା । ୧୭ ଲାଗିଂ କ୍ରିସ୍ଟୁ ଜିସୁତି ଲାହାଂ ମେହାଜି ଇସ୍ୱରତି କାଜି ଇ ହେବାକାମାୟ କିଜି ମାଟିଲେ ଆନ୍ ଗର୍ବେ ବାବି କିନାଙ୍ଗା । ୧୮ ଇନେକିଦେକି ପାତକିଞ୍ଚି ଜିହ୍ୱଦିର ବଲ୍ ମାନି କିନି କାଜିଂ କ୍ରିସ୍ଟୁ ନା ହୁକେ ବଚନ୍‌ତ ଆରି କାମାୟତ, ଇତିସ୍ ବିନ୍‌ବିନ୍ ଚିନ୍ ଆରି କାବାନି କାମାୟତ, ପୁଇପୁୟା ଜିବୁନ୍ ସାକ୍ତିତ ଇନା ଇନାକା କିଞ୍ଚାତାନ୍‌ନା, ଏଲେଙ୍ଗ ଇମ୍‌ଣାକା ପା ବିସ୍ତେ କିଦେଙ୍ଗ ଆନ୍ ସାସ୍ କିଡ଼ଙ୍ଗ । ୧୯ ଇଦାଂ ହେଖାନ୍ ଇଚାନ୍ନା, ବଚନ୍ ଆରି କାମାୟ ହୁଦାଂ ଆରି ଇସ୍ୱରତି ପୁଇପୁୟା ଜିବୁନ୍‌ତି ସାକ୍ତିତ ଚିନ୍‌କୁ ଆରେ କାବାନି କାମାୟ । ଲାଗିଂ ଆନ୍ ଜିରୁସାଲମ୍‌ତାଂ ଇଲ୍ଲରିକ୍‌ତ ହାନି ଖେଡ଼ାଲିଂ ହାଜିଡ଼ କ୍ରିସ୍ଟୁତି ନେକ୍ରିକାବୁର୍ ବେସିକିଜି ସୁଣାୟ କିତାଂନା । ୨୦ ଇମ୍‌ଣି ବାହାକାଂ ମାନାୟାର୍ କ୍ରିସ୍ଟୁତି ବିସ୍ତେ

ଶ୍ରେୟଶାଳୀ, ହେବେ ହେୱାନ୍ତି ନେକ୍ରିକାରୁର ପରଚାର କିନାକା
 ନା ଇଟକାଡ଼, ଇନେକିଦେଂକି ବିନ୍ଲଗୁ କୁନାଦି କିତିତାକେ ଇଲ୍ଲ
 ରଚ୍ଚେକ୍ ଆନ୍ମାନ କିଡ଼କ୍ । ୨୧ ଇନେସ୍ ଲେକାମାନାଡ଼,
 “ଇମ୍ମଣାକାର ହେୱାନ୍ତି କାରୁର ପାୟାଶାତାଣ୍ଣା,
 ହେୱାର ହୁଡ଼ନାର, ଆରେ ଇମ୍ମଣାକାର ଶ୍ରେୟଶାଳୀ,
 ହେୱାର ବୁଜାଆନାର ।” ଜିସାୟ ୫୨:୧୫ ।

ରମ୍ ହାନି କାଜିଂ ପାଉଲ୍ତି ଇଚା

୨୨ ☆ବେସିହର୍ ମି ଲାଗାଂ ଖାନି କାଜିଂ ନା ଇଚା ପଲ୍ୟା ଆତାନା ।
 ୨୩ ମାତର ନକ୍ ଇ ସବୁ ପାଟିନିପ କାମାୟ କିଦେକ୍ ଆରେ ବାହା
 ହିଲ୍ଲିଖିତିଲେ ଆରେ, ବେସି ବାହୁଁ ଆତାଡ଼ ମି ଲାଗାଂ ହାନି କାଜିଂ
 ଆହା କିଜି ଖାଜି ମାତିଲେ, ୨୪ ଆନ୍ ସ୍ପେନ୍ତି ହାନି ସମୁତ ଖାନାକ୍;
 ଇନେକିଦେଂକି ହାସଦ ମିକ୍ରେକ୍ ମେହାଜି ପର୍ତ୍ତମ୍ ମି ମେହାଣ୍ଡ
 କେଡେକ୍ ହିସାବରେ ପାଞ୍ଜି ଲାବ୍ କିତି ପାଚେ ହେ ବାହାତ ହାନି
 କାଜିଂ ଏପେକ୍ ନାକ୍ ହାଜି ଶ୍ରେଚ୍ଚାନାଦେର୍ ଇଞ୍ଜି ଆହା କିନାକା
 । ୨୫ ☆ଇ ଦାପ୍ରେ ପୁଇପୁୟା ଇସ୍ପରତି ଲକ୍ୱରିଂ ହେବା କିଦେକ୍
 ଜିରୁସାଲମ୍ ହାଞ୍ଜେକ୍ ହତାଂନା । ୨୬ ଇନେକିଦେଂକି ଜିରୁସାଲମ୍
 ପୁଇପୁୟା ସାଦୁର୍ ବିତ୍ରେ ଇମ୍ମଣାକାର ହିଲ୍ଲାକାର, ହେୱାର କାଜିଂ
 ମାକିଦନିଆ ଆରି ଆକାୟାନି ମଶ୍ଲିକାଂ ମେହାଣ୍ଡ ଚର୍ଚ୍ଚି ଅଲପ୍
 ଦାନ୍ ରୁଣ୍ଡାୟ କିଦେକ୍ ହାର କିତାଣ୍ଣା । ୨୭ ଆଁ ହେୱାର ଇଦାଂ ହାର
 ବୁଜାଆତାଣ୍ଣା ସଡ଼, ହେଲ ହେୱାର ହେୱାର୍ତି ଲାଗାଂ ରିଣ୍ ପା ଲଡ଼ା;
 ଇନେକିଦେଂକି ଜଦି ପାଟି କିଞ୍ଜି ଜିହୁଦିର୍ ହେୱାର୍ତି ଖାସ୍ତି ବିସ୍ତେ
 ମେହା ଆତାଣ୍ଣା, ତେବେ ହେୱାର ସଂସାର ବିସ୍ତେ ପା ହେୱାର୍ତି ହେବା
 କିନି କାଜିଂ ରିଣ୍ । ୨୮ ଲାଗାଂ, ଇକାମାୟ ପୁରା କିତି ପାଚେ ଆରି ଇ
 ରୁଣ୍ଡାୟ କିଜି ଇଡ଼ତି ଦାନ୍ ଲାଗ୍ଦି ପାଡ଼ ହେୱାର୍ତି କେଇଦ ହେଲାୟ
 କିତି ପାଚେ ମି ଲାଗାଂ ହିଜି ସ୍ପେନ୍ତି ହାନାକ୍ । ୨୯ ଆରେ ଆନ୍
 ପୁନାକ୍, ଏଚେକାଡ଼ଦ ଆନ୍ ମି ଲାଗାଂ ଏକା ଖାନାକ୍, ହେପାଦନା
 କ୍ରିସ୍ତି ଆସିବାଦ୍ନି ବାଟି ଏକାନାଂ ।

☆ ୧୫:୨୨ ୧୫:୨୨ ରମିୟ ୧:୧୩. ☆ ୧୫:୨୫ ୧୫:୨୫ ୧ କରନ୍ତିୟ ୧୭:୧-୪.

୩୦ ଏ ଟଣ୍ଡାର ଆରି ଟଣ୍ଡାର, ଆନ୍ ମା ମାପୁ ଜିସୁ କ୍ରିସ୍ଟି କାଜିଂ ଆରି ଜିରୁନ୍ ଜିଉନନି କାଜିଂ ନା କାଜିଂ ଇସ୍ତ ଲାଗାଂ ନା ଲାହାଙ୍ଗ୍ ଜାତୁନ୍ତାଂ ପାର୍ତାନା କିନି କାଜିଂ ମିଙ୍ଗେଙ୍ଗ୍ ଗଞ୍ଜାରି କିଦ୍ନାଙ୍ଗା, ୩୧ ଇନେସ୍ ଆନ୍ ଜିହୁଦା ରାଜିତ ବଲ୍ ମାନିକିଞ୍ଜି ମାନାୟାରତାଂ ରାକ୍ୟା ପାୟାନାଙ୍ଗ୍, ଆରେ ଜିରୁସାଲମ୍ କାଜିଂ ନା ଇମ୍ଫାଣି ହେବା, ହେଦାଂ ଇନେସ୍ ପୁଇପୁୟା ସାଦୁର୍ ଲାଗାଂ ହାର୍ ଇଟ୍ୟାନାଡ୍, ୩୨ ଆରେ, ଇସ୍ତ ଇଚାତ ଆନ୍ ଇନେସ୍ ଖାରିତାଂ ମି ଲାଗାଂ ଏକା ଖାଜି ମି ଲାହାଙ୍ଗ୍ ଆରାମ୍ ପାୟାଆନାଙ୍ଗ୍ । ୩୩ ସୁସ୍ତାହିନାକାନ୍ ଇସ୍ତ ମି ଖିଜାର୍ ଲାହାଙ୍ଗ୍ ମାନେନ୍ । ଆମେନ୍ ।

୧୭

ପାଉଲ୍‌ତି ବନ୍ଦାଣି

୧ କେଙ୍ଗେୟା ମଣ୍ଡଲିନି ରଞ୍ଜେଲ୍ ହେବା କିନାକାଦେଲ୍ ମା ତଣ୍ଡାଦେଲ୍ ପୌବିତି ପାକ୍ୟାତ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦ୍ନାଙ୍ଗା, ୨ ଏପେଙ୍ଗ୍ ସାଦୁର୍ତି ଆଡ୍‌ନି ସମାନ୍ ବାରେ ତାଙ୍ଗେଙ୍ଗ୍ ମାପୁତି ତରୁଦ ଇଟ୍‌ନାଦେର୍, ଆରେ ଇମ୍ଫାଣାକା ପା ବିସ୍ତେ ମିତାଂ ହେଞ୍ଜାନ୍ତି ଉପକାର୍ ଲଡ଼ା ଆନାଡ୍, ହେ ବିସ୍ତେ ତାଙ୍ଗ୍ ଉପକାର୍ କିନାଦେର୍; ଇନେକିଦେଂକି ହେଞ୍ଜାନ୍ ନିଜେ ପା ହେନିର୍ତି ଆରି ନା ନିଜାର୍ତି ଉପକାର୍ କିତାର୍‌ନା ।

୩ *କ୍ରିସ୍ଟୁ ଜିସୁତି କାମାୟତ ନା ହାଙ୍ଗ୍‌ଦାକାର୍ ପ୍ରିସ୍ତା ଆରି ଆକ୍‌ଲୀତିଂ ଜୁଞ୍ଜାର୍ ଖେଚାଟ୍; ୪ ହେଞ୍ଜାର୍ ନା ପାରାଣ୍ କାଜିଂ ଜାର୍ ଜାର୍ ଜିରୁନ୍ତିଂ ଆପଡ୍ କିତାର୍; କେବଲ୍ ଆନ୍ ଜେ ହେଞ୍ଜାରିଂ ଦନ୍‌ସବାଦ୍ କିନାଙ୍ଗା, ହେଦାଂ ଆକାୟ୍, ମାତର୍ ପାତ୍ କିଞ୍ଜି ଜିହୁଦିର୍ ମଣ୍ଡଲି ଲାଗାଂ ପା ହେଞ୍ଜାରିଂ ଦନ୍‌ସବାଦ୍ ହିନାରା; ୫ ଆରେ ହେଞ୍ଜାର୍ ଇଞ୍ଜ ମାନି ମଣ୍ଡଲିତିଂ ଜୁଞ୍ଜାର୍ ଖେଚାଟ୍ ।

ନା ଖାରିନି ଏପାଇନେତତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ କ୍ରିସ୍ଟି କାଜିଂ ଆସିଆନି ପର୍ତ୍ତୁମ୍ ପାଡ୍ ଲାକେ । ୬ ମରିୟମ୍‌ତିଂ ଜୁଞ୍ଜାର୍ ଖେଚାଟ୍, ହେଦେଲ୍ ମି କାଜିଂ ବେସି କସ୍ କିଜି ମାଚାଡ୍ । ୭ ନା ନିଜ୍‌ଜାତି ଆରି ରଚେବାନ୍ଦି ଆନ୍ଦନିକ୍ ଆରି ଜୁନିୟାତିଂ ଜୁଞ୍ଜାର୍

☆ ୧୭:୩ ୧୭:୩ ପକ୍ୟାତାକା ୧୮:୨.

ଝେରାଟ୍; ହେୱାର ପକ୍ୟାତାକାର ବିତ୍ରେ ତାକ୍ପୁଟା ଆରି ନା ଆଗ୍ଦ ପା କ୍ରିସ୍ତୁତି ଦୟାପାୟା ଆତାଣ୍ଣା ।

୮ ମାପୁତାକେ ନା ୱାରିନି ବନ୍ଦୁ ଆମ୍ବିୟାତାନିଂ ଜୁଝାର ଝେରାଟ୍ । ୯ କ୍ରିସ୍ତୁତି ହେବାତ ନା ହାଙ୍ଗଦାକାର କାମାୟ କିନାକାନ ଉର୍ବାଣତିଂ ଆରି ନା ୱାରିନି ସ୍ତାକୁତିଂ ଜୁଝାର ଝେରାଟ୍ । ୧୦ କ୍ରିସ୍ତୁତାକେ ପରିକ୍ୟାସିଦ୍ ଆପେଲ୍ଲାଙ୍ଗ୍ ଜୁଝାର ଝେରାଟ୍ । ଆରିସ୍ତୁଲ୍ଲତିଂ କୁରୁମ୍ନି ମାନାୟାରିଂ ଜୁଝାର ଝେରାଟ୍ । ୧୧ ନା ନିଜ୍ଜାତିରିଂ ହେରଦିୟନ୍ତିଂ ଜୁଝାର ଝେରାଟ୍ । ନାକର୍ ସଙ୍ଗତିଂ କୁରୁମ୍ ବିତ୍ରେ ଇମ୍ଣାକାର ମାପୁତି ଆସିର୍ବାଦ୍ ପାୟାତାଣ୍ଣା, ହେୱାରିଂ ଜୁଝାର ଝେରାଟ୍ ।

୧୨ ମାପୁତି କାମାୟତ କସ୍ତୁ କିଜି ମାନି କୁପେଶା ଆରି କୁପସାତିଂ ଜୁଝାର ଝେରାଟ୍ । ୱାରିନି ପର୍ସତିଂ ଜୁଝାର ଝେରାଟ୍, ହେୱାନ୍ ମାପୁତି କାମାୟତ ବେସି କସ୍ତୁ କିତାନନା । ୧୩ ମାପୁତି ବାଟିକିତି ରୁପ୍ତିଂ ଆରି ତାଂ ତେହିଙ୍ଗ୍ ଜୁଝାର ଝେରାଟ୍, ହେଦେଲ୍ ପା ନା ଆୟା ଲାକେ । ୧୪ ଅସୁଲ୍ଲିତ୍, ପ୍ଲେଗନ୍, ହର୍ମିସ୍, ପାତ୍ରବା, ହର୍ମିସ୍, ଆରେ ହେୱାରତି ହାଙ୍ଗଦାଂ ମାନି ଟଣ୍ଡାରିଂ ଆରି ତଣ୍ଡେକ୍କାଂ ଜୁଝାର ଝେରାଟ୍ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତା ତଣ୍ଡେଲ୍; ଆରେ ଅଲ୍ଲୁମ୍ପା ଆରି ହେୱାରତି ଲାହାଂ ମାନି ଝିଜାର୍ ସାଦୁରିଂ ଜୁଝାର ଝେରାଟ୍ ।

୧୬ ପୁଇପୁୟା ତଞ୍ଜନାକା ହିଜି ହାରିତିଂ ଜୁଝାର କିୟାଟ୍ । କ୍ରିସ୍ତୁତି ଝିଜୁ ମଣ୍ଡଲି ମିଙ୍ଗେଙ୍ଗ୍ ଜୁଝାର ଝେରାଟାନାରା ।

ପାଉଲ୍ଡି ହାରିହାରା ବଲ୍

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଇମ୍ଣା ହିକ୍ୟା ପାୟାତାଣ୍ଣା, ହେବେନି ପାଲ୍ଟା ଇମ୍ଣାକାର ଦଲ୍ଗଣ୍ଡଗଲ୍ ଆରି ବାଦାନି କାରଣ୍ ଗିଟାୟ କିତାର, ହେୱାରିଂ ଚିନ୍ ଇଡ୍ଡି ହେୱାର୍ତାଂ ବିନେ ମାଞ୍ଜେଙ୍ଗ୍ କାଜିଂ ଆନ୍ ମିଙ୍ଗେଙ୍ଗ୍ ଗଝାରି କିଦ୍ନାଙ୍ଗା । ୧୮ ଇନେକିଦେଂକି ଇ ଲାକେ ମାନାୟାର୍ ମା ମାପୁ କ୍ରିସ୍ତୁତି ଆଡ୍ଡିଏନ୍ ଆକାୟ୍, ମାତର୍ ଜାର୍ ଜାର୍ ବାତର୍ ଆଡ୍ଡିଏନ୍ ଆତାଣ୍ଣା, ଆରେ ମିର୍ବବନ୍ ଆରି ଚିକ୍ଣିତ ହୁଦାର୍ ମାନ୍ ମାନାୟାର୍ତି ମାନ୍ ବୁଲ୍ଲାୟକିନାର୍ । ୧୯ ଲାଗିଂ ମି ବଲ୍ତାଂ କାତା ଝିଜୁ ଲକାର୍ତି ବିତ୍ରେ ମେଙ୍ଗ୍ୟାତାଡ୍; ଇଟିସ୍ ଆନ୍ ମି

କାଜିଂ ୱାରି କିନାଙ୍ଗା, ମାତର୍ ଏପେଙ୍ଗ ଇନେସ୍ ହାର୍ଦି ବିସ୍ତେ ଗିଆନ୍ ଆରି ସତ୍‌କିଞ୍ଜି ବିସ୍ତେ ଅମାନ୍ୟା ଆମାଟ୍, ଇଦାଂ ନା ମାନ୍ । ୨୦ ଆରେ ସୁସ୍ତାହିନାକାନ୍ ଇସ୍‌ବର୍ ସୟତାନ୍‌ତଂ ବେଗି ମି ପାନା ତାରେନ୍ ଓହ୍‌ନାନ୍ ।

ମା ମାପୁ ଜିସୁ କ୍ରିସ୍ଟି ଉପକାର୍ ମି ଲାହାଙ୍ଗ୍ ଆଏଡ୍ ।

୨୧ ✨ନା ହାଙ୍ଗ୍‌ଦାକାନ୍ ତିମତି, ଆରେ ନା ନିଜ୍‌ଜାତିର୍ ଲୁକିୟ, ଜାସନ୍ ଆରି ସସିପାତ୍ର ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାରା ।

୨୨ ଇ ଆକି ଲେକିକିନାକାନ୍ ଜେ ଆନ୍ ତତ୍‌ୟ, ଆନ୍ ମାପୁତି ତରଦ୍ ମିଙ୍ଗେଙ୍ଗ୍ ଜୁଞ୍ଜାର୍ ୱେଟ୍‌ତାନାନା ।

୨୩ ନା ଆରି ଓଜୁ ମଣ୍ଡଲିନି ଗତାଂ ହେବା କିନାକାନ୍ ଗାୟ୍ ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାନା । ଇ ଗାଡ୍‌ନି ଆଦିକାର୍ ଏରାସ୍ ଆରି ଟଣ୍ଡେନ୍ କ୍ୱାର୍ତ୍ ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନାରା । ୨୪ ମା ମାପୁ ଜିସୁ କ୍ରିସ୍ଟି ଉପକାର୍ ମି ଓଜାର୍ ଲାହାଙ୍ଗ୍ ଆଏଡ୍ । ଆମେନ୍ ୨୫ ଇମ୍‌ଣି ଇସ୍‌ବର୍ ନା ନେକ୍ରିକାରୁର୍ ଆରି ଜିସୁ କ୍ରିସ୍ଟି ବିସ୍ତେନି ସୁଣାୟ୍‌କିନି ଇସାବ୍‌ରେ, ଇଟିସ୍ ଇମ୍‌ଣି ହାଦ୍‌କା ଓଜ୍‌ଓ କାଡ୍‌ତାଂ ଡଗୁଜି ମାଚାଡ୍ ।

ପାର୍ତାନା ଆରି ୱାରି ଲାହାଂ ଆକି ଓଜ୍‌ନାକା

୨୬ ମତର୍ ନଙ୍ଗ୍ ହତାଡ୍‌ନା, ଆରେ ପାତ୍ କିଜି ବଲ୍‌ମାନି ଆନି କାଜିଂ ଓଜ୍‌ଓ ମାପୁ ଇସ୍‌ବର୍ତିଂ ବଲ୍ ଇସାବ୍‌ରେ, ବେଣ୍‌ବାକ୍‌ଣାୟ୍‌କିନାକାର୍‌ତି ସାସ୍‌ବର୍ ଉପକାର୍‌ତାଂ ଓଜୁ ଜାତିର୍ ମାନାୟାର୍ ଲାଗାଂ ପୁନି କିତାର୍‌ନା, ହେ ବିତ୍ରେନି ହତି ଇସାବ୍‌ରେ ମିଙ୍ଗେଙ୍ଗ୍ ସୁସ୍ତାକିଦେଂ ଆଡ୍‌ନାନ୍, ୨୭ ଜିସୁ କ୍ରିସ୍ଟି ହୁକେ ଜୁଗ୍ ଜୁଗ୍ ହେ ରଞ୍ଜାନ୍ ମତର୍ ଗିଆନ୍‌ବାନ୍ ଇସ୍‌ବର୍ ଜାଜ୍‌ମାଲ୍ ଆଏଡ୍ । ଆମେନ୍ ।

☆ ୧୭:୨୧ ୧୭:୨୧ ପକ୍ୟାତାକା ୧୭:୧.

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43